

## ମାର୍କ ଲିଖିତ ସୁସମାଚାର ମାର୍କ ରାଚାମାନି ନେହଁ କାରୁ ମୂଲୁ ହାଡ଼ା

ଜୀସୁ କ୍ରୀସ୍ତତି ଜୀଝୁ ଅଡ଼େ ଇ ଦାବ୍‌ତିତା ମାତି ତାନି କାତା ମାର୍କ ରାଚାମାନି ନେହଁ କାରୁ; ପୁଃନି ମେରାତି ସାରିଗଟା ନେହଁ କାରୁ ପତିୟା ବିତ୍ରାଟି ଇଦି ଆହାମାନେ ର ପତି □ ଏ ବାରେ ନେହଁ କାରୁ ଇନେରି □ ଏ ପତିୟା ଜୀସୁ କ୍ରୀସ୍ତ ହାଡ଼ି ତାମୁ ମାତିମୁ, ମାର୍କ, ଲୁକ ଅଡ଼େ ଜହନ ରାଚାମାଚେରି □ ମାର୍କ ରାଚାମାନି ନେହଁ କାରୁ ସାରିଗଟା ନେହଁ କାରୁ ବିତ୍ରାଟି ବାରେତି କିହାଁ ସଟୁ କାରୁ □ ଇ ନେହଁ କାରୁ ବାରେ କିହାଁ ନଟକଏ ଇଚିହଁ ଜୀସୁ ଜାର୍ନାଆଡ଼ି ତାମୁ ୨୫-୭୦ ବାର୍ଷା ବିତ୍ରା ରାସ୍କି ଆହାମାନେ ଇଞ୍ଜି ବାଇବଲ ପୁଟି ବୁଦିଗାଟାରି ଏଲେଇଞ୍ଜିମାନେରି □ ରମ୍ ଗାଡ଼ାତା ମାତି କ୍ରୀସ୍ତାନା ଲକୁଣି ରାହାଁ କିହାଲିତାକି ଇ ପତି ରମ୍ ଗାଡ଼ାତା ରାଚାମାଚେସି □

ମାର୍କ ଅର୍ ଦରୁ ଜହନ ମାର୍କ, ଏଞ୍ଜାସି ପାଞ୍ଜୁଲ ଅଡ଼େ ବର୍ନବା ତଟେ ମାଚେସି □ ସାମା ଏଞ୍ଜାସି ସେବା କାମାତାକି ହାଲାଆଲିଏ ଏଞ୍ଜାଣି ମନ ଉଣା ଆହାମାଚେ କାମା ୧୩:୧୩ □ ମାର୍କ ଅଡ଼େ ଷେଣ୍ଟେ ବର୍ନବା ତଲେ ସେବା କାମାତା ହାଚେସି କାମା ୧୫:୩୭-୩୯ □ ମାର୍କ ପିତରତି ନେହଁ କାରୁ ମାଚେସି ୧ପିତ ୫:୧୩ □ ମାର୍କ ଜୀସୁ କ୍ରୀସ୍ତତି ଜୀଝୁତି କାତା କି ସେବା କାମାତି ମେସା ହିଲାଆଚେସି, ବୁଦିଗାଟାରି ନାମିମାନେରି ମାର୍କ ରାଚାମାନି ନେହଁ କାରୁତା ପିତରତି କାତା ହାଚେକା ରାଚାମାନେସି □ ମାର୍କ ସୀସୁୟାତି କାମା ଇଞ୍ଜା ଜୀସୁ ରାନ୍ତି ଦିନାତି କାତା ଜାପୁନାଣି ରାଚାମାନେସି □

### **ପତିତା ମାନାୟି**

୧ ମାର୍କ ପତିତି ମୂଲୁ ହାଡ଼ା □ ୧:୧-୧୩

୨ ଗାଲିଲିତା ଜୀସୁ କ୍ରୀସ୍ତତି ସେବା କାମା □ ୧:୧୪-୮:୨୧

୩ ଜୀସୁ କ୍ରୀସ୍ତ ଜିରୁସାଲମତା ହାନାୟି □ ୮:୨୨-୧୦:୫୨

୪ ଜିରୁସାଲମତି କାତା, ଜୀସୁ କ୍ରୀସ୍ତ ହାନ୍ତି କାତା ଅଡ଼େ ଖେଣ୍ଡେ  
ନିଜିନି କାତା ରାତାନା ରାପ୍ନାୟି □ ୧୧:୧-୧୭:୨୦

ବାପ୍ତିସ୍ମ\* ହାନ୍ତି ଜହନ ଖେକ୍ନାୟି  
(ମାତି ୩:୧-୧୨; ଲୁକ ୩:୧-୧୮; ଜହ ୧:୧୯-୨୮)

୧ ମାହାପୁରୁ ମୀର୍ଏସି ଜୀସୁ କ୍ରୀସ୍ତତି ନେହ୍ କାରୁ ଇଲେକ୍  
ଆଡ଼େ,

୨ ମାହାପୁରୁ ଅଣ୍ପୁତି ବଲୁ ଖେହ୍ନି ଜିସାୟ ସାସ୍ତେରିତା ଏନିକ୍  
ରାସ୍କି ଆହାମାନେ;

“ମାହାପୁରୁ ଏଲେଇଞ୍ଜି ମାନେସି, ମେହ୍ମୁ ନାନ୍ତୁ ନା. କାରୁ  
ଖେହ୍ନାଣାଇଁ ନୀ ନକିତା ପାଣ୍ଡିମାଞ୍ଜାଇଁ,  
ଏଞ୍ଜାସି ନିଜେତାକି ଜିରୁ ତିୟାରା କିନେସି;

୩ ଲକୁ ହିଲାଆ ଚାୟୁତା ରଅଣି ହାଡ଼ା ଖେଜିମାନେ,  
ପ୍ରବୁତି ଜିରୁ ତିୟାରା କିଦୁ,  
ଏଞ୍ଜାସି ତାକାଲି ତାକି ଜିରୁ ତିୟି କିଦୁ □”

୪ ଏମ୍ବାଟିଏ ବାପ୍ତିସ୍ମ† ହାନ୍ତି ଜହନ ଲକୁ ହିଲାଆ ଚାୟୁତା ଖାହାନା  
ବଲୁ ଖେକ୍ନହେସି, ଅଡ଼େ ବାପ୍ତିସ୍ମ‡ ହାହାନା ଏଲେଇଚେସି, “ଜାହାରା  
ପାପୁଟି ପିସ୍ପି ଆୟାଲିତାକି ମନ୍ ଖେଚ୍ହାନା ବାପ୍ତିସ୍ମ§ ଅଦୁ,  
ଆତିହ୍ ମାହାପୁରୁ ମୀ ପାପୁ ମ୍ବେକ୍ହାନେସି □”

୫ ଏମ୍ବାଟିଏ ଜୀହୁଦା ଦେସା ଇଞ୍ଜା ଜିରୁସାଲମ ଗାଡ଼ାତି ବାରେ  
ଲକୁ ତାନି ତାଣା ଖାହାଲି ମାଟ୍ହେରି, ଇଞ୍ଜା ତାମ୍ବୁତାମି କିତି ପାପୁତି  
ଖେସାନା ଏଞ୍ଜାଣି ତାଣାଟି ଜର୍ଦନ କାତାତା ବାପ୍ତିସ୍ମ\* ଅଡ଼େରି □

୬ ଜହନ ଉଟୁ ବାଣାୟାଁ ତଲେ କେପିତି ହିମ୍ବିରକା ତୁର୍ହମାଚେସି,  
ଅଡ଼େ ଟେଡେଲିତା ର ତଲୁତି ବୁଡ଼୍ପା ମାଡ଼ା କିହାଁ ଦସା କଡ଼୍ଝିତେସି,  
ଗପ୍ଏରିକା ଅଡ଼େ ଜାଡ଼ାତି କ୍ରିୟା ଏଞ୍ଜାଣି କାଦି ମାଚେ □

୭ ଜହନ ଏଲେଇଞ୍ଜି ଖେକ୍ହାଲି ମାଟ୍ହେସି, “ଆମ୍ବାଆସି ନା.  
କିହାଁ ହାଚେରକା ବାଡ଼୍ପୁ ଗାଟାସି ଏଞ୍ଜାସି ନା. ତାୟୁ ଖାହିମାନେସି;

\* ୧: ୧:୧ ମୁଞ୍ଜିନାୟି † ୧:୪ ୧:୪ ମୁଞ୍ଜିନାୟି ‡ ୧:୪ ୧:୪ ମୁଞ୍ଜିନାୟି § ୧:୪  
୧:୪ ମୁଞ୍ଜିନାୟି \* ୧:୫ ୧:୫ ମୁଞ୍ଜିନାୟି

ନାନୁ ମେଣ୍ଡାକୁତାନା ଏଞ୍ଜାଣି ସେପୁୟାଁତି ତ:ରକା ଜିକେଏ ହୁକହାଲି ପାଡ଼ାଆଅଁ □

† ନାନୁ ମିଙ୍ଗେ ଏୟୁତଲେ ବାପ୍ତିସ୍ମା‡ ହାହିମାଞ୍ଜାଇଁ, ସାମା ଏଞ୍ଜାସି ମିଙ୍ଗେ ସୁଦୁଜୀଞ୍ଜୁ ତଲେ ବାପ୍ତିସ୍ମା‡ ହିୟାନେସି □”

ଜୀସୁ ବାପ୍ତିସ୍ମା‡ ଅନାୟି ଇଞ୍ଜା ତାୟିପାରି କିଞ୍ଜି ଆନାୟି  
(ମାତି ୩:୧୩; ୪:୧-୧୧; ଲୁକ ୩:୨୧-୨୨; ୪:୧-୧୩)

୯ ଏତିରେଲାତା ଜୀସୁ ଗାଲିଲିତି ନାଜରିତତି ଖାହାନା ଜର୍ଦନ କାତାତା ଜହନ ତାଣାଟି ବାପ୍ତିସ୍ମା\* ଅଡେସି □

୧୦ ଜୀସୁ ଏୟୁଟି ନିଙ୍ଗା ଖାହିମାଟାଟି ଦେବୁଣିଏ ଲାକପୁରୁ ଦେପି ଆଡେ ଇଞ୍ଜା ସୁଦୁଜୀଞ୍ଜୁ ପାର୍ଝା ପଟାଲେହେଁ ତାନି ଲାକ ରେଟା ଖାହିମାଟାଣି ମେସ୍ତେସି □

୧୧ ✨ଅଡେ ଲାକପୁରୁଟି ଇ ହାଡା ଆଡେ, “ନାନୁ ନା .ଜୀସୁତି ମୀରଏଣାଟି, ନୀ ତାଣେଏ ନା ହାରେକା ରାହାଁ ମାନେ □”

୧୨ ଏ ଦେବୁଣିଏ ସୁଦୁଜୀଞ୍ଜୁ ଏଞ୍ଜାଣାଇଁ ଲକୁ ହିଲାଆ ଗାୟୁତା ଅଡେ,

୧୩ ଜୀସୁ ଲକୁ ହିଲାଆ ଗାୟୁତା ରୀ କଡି ଦିନା ପାଡେକା ତୟାନା ସୟତାନ ତାଣାଟି ତାୟିପାରି କିଞ୍ଜିଆଡେସି; ଏଞ୍ଜାସି ଜାଡାଟି ଜନ୍ତ ତଲେ ତୟିଡେସି, ଇଞ୍ଜା ଲାକପୁରୁଟି ଦୁଦୁୟାଁ ଖାହାନା ଏଞ୍ଜାଣି ସେବା କିହିମାରୁ □

ଜୀସୁ ସାରି ଜାଣା ମୀଣ୍ଡକା ଆହନାରାଇଁ ହାଟିନାୟି  
(ମାତି ୪:୧୨-୨୨; ଲୁକ ୪:୧୪-୧୫; ୫:୧-୧୧)

୧୪ ଜହନଇଁ କାୟିଦି ଇଲୁତା ଇଟାଲିଏ ଜୀସୁ ଗାଲିଲିତା ଖାଡେସି ଇଞ୍ଜା ମାହାପୁରୁଟି ନେହଁ କାରୁ ଝେକ୍‌ହେସି □

୧୫ ✨“କାଲା ଏଜିମାଞ୍ଜାନେ, ଲାକପୁରୁ ରାଜି ଏଗାଞ୍ଜାହିମାନେ, ପାପୁତି ପିସାନା ମନ ଝେଟ୍‌ଦୁ ଇଞ୍ଜା ମାହାପୁରୁଟି ନେହଁ କାରୁତି ନାମାଦୁ □”

---

† ୧:୮ ୧:୮ ମୁଞ୍ଜନାୟି ‡ ୧:୮ ୧:୮ ମୁଞ୍ଜନାୟି § ୧:୮ ୧:୯ ମୁଞ୍ଜନାୟି \* ୧:୯ ୧:୯ ମୁଞ୍ଜନାୟି ✨ ୧:୧୧ ୧:୧୧ ମାତି ୩:୧୭; ୧୨:୧୮; ମାର୍କ ୯:୭; ଲୁକ ୩:୨୨  
☆ ୧:୧୫ ୧:୧୫ ମାତି ୩:୨

୧୭ ଜୀସୁ ଗାଲିଲି ସାମୁଦ୍ରି ଗାରୁଟି ହାଜିମାଚାଟି ସିମନ ଅଡ଼େ ତାମି ତାୟି ଆହିୟ୍‌ଇଁ ସାମୁଦ୍ରିତା ମୀଶକା ଜାଲ୍ଲା ମେଡ଼ହି ମାଚାଣି ମେସ୍ତେସି, ଇଚିହିଁ ଏଞ୍ଜାରି ମୀଶକା ଆହନାରି ମାଚେରି □

୧୭ ଜୀସୁ ଏଞ୍ଜାରାଇଁ ହାଟାନା ଏଲେଇଚେସି, “ନା ଜେତ ଖାତୁ ନାନୁ ମିଙ୍ଗେ ଲକୁଣି ଆହନାଣି ଜାପୁହାଇଁ □”

୧୮ ଏଞ୍ଜାରି ଦେବୁଣିଏ ଜାଲ୍ଲାୟାଁ ପିସାନା ଜୀସୁତି ଜେତ ହାଚେରି □

୧୯ ଏଚେଟିଏ ଜୀସୁ ହିରେ ହେକ ହାଜାଲିଏ ଜେବଦି ମୀରକା ଜାକୁବ ଇଞ୍ଜାଁ ତାମି ତାୟି ଜହନଇଁ ଡଂଗତା ଜାଲ୍ଲା ମୁଦା କିହିମାଚାଣି ମେସ୍ତେସି □

୨୦ ମେସ୍‌ପନିଏ ଜୀସୁ ଏଞ୍ଜାରାଇଁ ହାଟିତେସି, ଇଞ୍ଜାଁ ଏଞ୍ଜାରି ତାମି ଆବା ଜେବଦିଇଁ ହଲିୟାଙ୍ଗା ତଲେ ଡଂଗତା ପିସାନା ଜୀସୁ ଜେତ ହାଚେରି □

**ବୃତ୍ତୁ ଆଲ୍‌ଗା ମାଚାସି  
(ଲୁକ ୪:୩୧-୩୭)**

୨୧ ଜୀସୁ ଅଡ଼େ ତାମି ସୀସୁୟାଁ କପରନାହୁମ ଗାଡ଼ାତା ଖାଚେରି, ଇଞ୍ଜାଁ ଅର ନେରୁ ଜମିନି ଦିନା ମାଚାକି ଜୀସୁ ଜୀହୁଦି ଲକୁଟି କୁଟମି ଇଲୁତା† ହାଜାନା ଜାପୁହାଲି ମାଟୁହେସି □

୨୨ ☆ଲକୁ ତାନି ଜାପୁନାଣି ଖେଞ୍ଜାନା କାବା ଆହାହାଚେରି; ଇଚିହିଁ ଏଞ୍ଜାସି ସାସ୍ତେରି ଖେହନାରି ଲେହେଁ ଜାପୁଆନା ଅଦିକାରା ବେଟାଆହାମାନି ଲେହେଁ ଜାପୁହି ମାଚେସି □

୨୩ ଜୀସୁ ଜାପୁହି ମାଚିବେଲାତା ଜୀହୁଦି ଲକୁଟି କୁଟମି ଇଲୁଟି‡ ର ବୃତ୍ତୁ ଆଲ୍‌ଗା ମାଚାସି କାଲ୍‌ଖି ଆହୁଁ ଏଲେଇଚେସି,

୨୪ “ଏ ନାଜରିତତି ଜୀସୁ ନୀ ତଲେ ମାଙ୍ଗେ ଏନି କାମା ମାନେ, ନୀନୁ କି ମାଙ୍ଗେ ନାସା କିହାଲି ଇମ୍ପାଆଁ ଖାହାମାଞ୍ଜି ? ନୀନୁ ଆମ୍ପାଆତି ନାନୁ ପୁଞ୍ଜାମାଇଁ; ନୀନୁ ମାହାପୁରୁ ତାଣାଟି ଖାହାମାନି ଏ ସୁଦୁ ମାଣସିତି □”

୨୫ ଜୀସୁ ଏଦାନି ଦାକା ହୀହାନା ଏଲେଇଚେସି, “ପାଲେଏ ଆମୁ ଇଞ୍ଜାଁ ଇଞ୍ଜାଣି ତାଣାଟି ହଟାହାଲାମୁ □”

† ୧:୨୧ ୧:୨୧ ସିନଗର    ☆ ୧:୨୨ ୧:୨୨ ମାତି ୭:୨୮, ୨୯    ‡ ୧:୨୩ ୧:୨୩ ସିନଗର

୨୭ ଏବେଟିଏ ଏ ପଲ୍ଲୀ ବୁଡୁ ଏଞ୍ଜାଣାଙ୍କ ମୁଡ଼ମୁଡ଼ା କିହାନା, କାଜା ଗିୟାତଲେ କିରଡ଼ିହି ଏଞ୍ଜାଣି ତାଣାଟି ହରାହାଚେ □

୨୭ ଏମ୍ବାଟିଏ ବାରେଜାଣା ହାରେକା କାବା ଆତେରି, ଇଞ୍ଜା ଇଲେକ ଜଲ୍ଲକି ଆଡେରି, “ଇଦି ଏନ୍ଦିଲେହେତାୟି ? ଇଦି ଅଦିକାରା ବେଟାଆହାମାନି ଲେହେତ ପୁଃନି ଜାପୁନାୟି, ଏଞ୍ଜାସି ପଲ୍ଲୀ ବୁଡୁୟାଙ୍କ ଜିକେଏ ହୁକୁମି ହାହିମାନେସି, ଅଡେ ଏଞ୍ଜି ଏଞ୍ଜାଣି କାତା ଆସିମାନୁ □”

୨୮ ଏମ୍ବାଟିଏ ଏଞ୍ଜାସି କିତି କାମାତି କାରୁ ଏ ରେଟୁଏ ଗାଲିଲି ରାଜିତି ସାରିଞ୍ଜାକିତି ନାସକାଣାଁ ଝେଙ୍ଗାହାଚେ □

**ଜୀସୁ ହାରେକା ଲକୁଣି ନେହିଁ କିନାୟି  
(ମାତି ୮:୧୪-୧୭; ଲୁକ ୪:୩୮-୪୧)**

୨୯ ଏମ୍ବାଟିଏ ଏଞ୍ଜାରି ଜୀହୁଦି ଲକୁତି କୁଟମି ଇଲ୍ଲୁଟି ହରାନା ଜାକୁବ ଅଡେ ଜହନ ତଲେ ଏ ଦେବୁଣିଏ ସିମନ ଇଞ୍ଜା ଆହିୟ ଇଜ ହାଚେରି □

୩୦ ସିମନ ପୟା ନମେରି ତାକି ତୁରାମାଚେ, ଅଡେ ଏଞ୍ଜାରି ଏଦାଣି କାତା ରେଟୁଏ ଜୀସୁଙ୍କ ଝେସ୍ତେରି □

୩୧ ଏମ୍ବାଟିଏ ଏଞ୍ଜାସି ତାଗେ ହାଜାନା ତାନି କେୟୁ ଆସାନା ଏଦାନି ନିକ୍ହେସି, ଅଡେ ଏଦାନି ନମେରି ପିସ୍ତେ, ଇଞ୍ଜା ଏଦି ଏଞ୍ଜାରି ସେବା କିତେ □

୩୨ ମିଡ଼ଅଲ୍ଲା ବେଲ୍ଲା ଝେଡ଼ା କୁଡ଼ହାଲିଏ ଲକୁ ରଗ ଗାଟାରାଙ୍କ ଇଞ୍ଜା ବୁଡୁୟା ଆଲ୍ଗା ମାଟାରାଙ୍କ ଜୀସୁ ତାଣା ତାତେରି,

୩୩ ଇଞ୍ଜା ଗାଡ଼ାତାରି ବାରେ ଜୀସୁ ମାଟି ଇଲ୍ଲୁ ଦୁଝେରିତା ରୁଣ୍ଡା ଆଡେରି □

୩୪ ଏମ୍ବାଟିଏ ଜୀସୁ ବାରେଲେହେତ ରଗ ଗାଟାରାଙ୍କ ନେହିଁ କିତେସି, ଇଞ୍ଜା ହାରେକା ବୁଡୁଣି ପିସ୍ପି କିତେସି, ଇଞ୍ଜା ଏଞ୍ଜାସି ବୁଡୁୟାଣି ଜଲ୍ଲାଲି ହାଆତେସି, ଇଚିହିଁ ଏଞ୍ଜି ଏଞ୍ଜାଣାଙ୍କ ପୁଞ୍ଜିମାତୁ □

**ଜୀସୁ ଗାଲିଲିତା ମାହାପୁରୁ କାତା ଝେକ୍‌ନାୟି  
(ଲୁକ ୪:୪୨-୪୪)**

୩୫ ଝେୟାଆ ମାଚାଟିଏ ଆନ୍ଦେରି ମାଞ୍ଜା ମାଞ୍ଜାନା ଏଞ୍ଜାସି ନିଙ୍ଗା ହଟା ହାଜାନା ର. ଲକୁ ହିଲାଆ ଟାୟୁତା ହାଜାନା ପ୍ରାଡାନା କିହିମାଚେସି □

୩୬ ସିମନ ଇଞ୍ଜା ତାନି ଆଟ୍‌ହିତାରି ଏଞ୍ଜାଣାଇଁ ପାରାଲି ମାଟ୍‌ହେରି,

୩୭ ଏଞ୍ଜାଣାଇଁ ବେଟାଆହାନା ଏଲେଇଚେରି, “ବାରେଜାଣା ନିଙ୍ଗେ ପାରିମାଞ୍ଜାନେରି □”

୩୮ ଏମ୍ବାଟିଏ ଜୀସୁ ଏଞ୍ଜାରାଇଁ ଏଲେଇଚେସି, “ଝାଦୁ ମାର ଏଟ୍‌କା ଗାଡାତା, ଇଚିହିଁ ଦାରିମାରି ନାୟକାଣାଁ ହାନ; ଏମ୍ବାଆଁ ଜିକେଏ ନାନୁ ମାହାପୁରୁତି ବଲୁ ଝେକ୍‌ଇଁ, ଇଚିହିଁ ଏଦାଆଁତାକି ନାନୁ ଝାହାମାଇଁ □”

୩୯ ☆ଇଞ୍ଜା ଜୀସୁ ବାରେ ଗାଲିଲି ନାୟକାଣାଁ ରେଜି ରେଜିହିଁ ଏଞ୍ଜାରି ବାରେ ଜୀହୁଦି ଲକୁତି କୁଟମି ଇଲକାଣା\* ମାହାପୁରୁ ବଲୁ ଝେକ୍‌ହେସି ଇଞ୍ଜା ବୁଡୁୟାଣି ପିସ୍‌ପି କିଚେସି □

**କାଜା ରଗ ଗାଟାଣାଇଁ ଜୀସୁ ନେହିଁକିନାୟି  
(ମାତି ୮:୧-୪; ଲୁକ ୫:୧୨-୧୬)**

୪୦ ଏମ୍ବାଟିଏ ର. କାଜା ରଗ ଗାଟାସି ଜୀସୁ ତାଣା ଝାହାନା ମେଣ୍ଡାକୁତାନା ବାତିମାଲିହିଁ ଜୀସୁଇଁ ଏଲେଇଚେସି, “ନାନୁ ମନ କିତିହିଁ ନାଙ୍ଗେ ନେହିଁ କିହାଲି ଆଡାଦି □”

୪୧ ଏମ୍ବାଟିଏ ଜୀସୁ ଏଞ୍ଜାଣାଇଁ କାର୍ମା ମେସ୍‌ସେସି, ଇଞ୍ଜା କେୟୁ ଦାସାନା ଏଞ୍ଜାଣାଇଁ ତୀଗାନା ଏଲେଇଚେସି, “ନାନୁ ମନ କିହିମାଇଁ ନାନୁ ନେହିଁ ଆମ୍ବୁ □”

୪୨ ଏ ଦେବୁଣିଏ ଏଞ୍ଜାଣି ତାଣାଟି କାଜା ରଗ ଗୁଟାଆଡେ, ଇଞ୍ଜା ଏଞ୍ଜାସି ନେହିଁ ଆଚେସି □

୪୩ ଇଞ୍ଜା ଏଞ୍ଜାସି ଏଞ୍ଜାଣାଇଁ ଜାଣ୍ଡେ ହୁକୁମି ହୀହାନା ଝେସା ପାଣ୍ଡିଚେସି,

---

☆ **୧:୩୯ ୧:୩୯** ମାତି ୪:୨୩; ୯:୩୫      \* **୧:୩୯ ୧:୩୯** ସିନଗଗ

୪୪ “ଜାଗ୍ରତା ଆମ୍ବାଆରାଇଁ ଏନାଆଁ ଝେହୁଆନି, ସାମା ହାଲାମୁ ଇଞ୍ଜା ପୂଜେରା ତାଣା ହାଜାନା ନିଙ୍ଗ ତସାକତାମୁ, ଇଞ୍ଜା ମସା ଆମିନି ମେରା ହୀହାମାନେସି ଏଦାଆଁ ଲକୁ ନକିତା ନେହୁଁ ଆଡାକି ସାକି ହୀନିଲେହେଁ ହେରପାମୁ □”

୪୫ ସାମା ଏଞ୍ଜାସି ପାଙ୍ଗାତା ହାଜାନା ତାନୁ ନେହୁଁ ଆଡି କାତାଡି ସାରିଞ୍ଜାକି ଝେକହାଲି ମାଟ୍‌ହେସି, ଇଞ୍ଜା ଜୀସୁ ଆମିନି ଗାଡାତା ପୁଣ୍ଡେ ହଡାଲି ଆଡାଆତେସି, ସାମା ପାଙ୍ଗାତା ଲକୁ ହିଲାଆ ଟାମ୍ଲାଣା ଡୁୟିତେସି; ଅଡେ ସାରି ଞ୍ଜାକିଟି ଲକୁ ଜୀସୁ ତାଣା ଝାହାଲି ମାଟ୍‌ହେରି □

## ୨

ଜୀସୁ ଟଟ ଝାୟିତାଣାଇଁ ନେହୁଁ କିନାୟି  
(ମାଡି ୯:୧-୮; ଲୁକ ୫:୧୭-୨୬)

୧ ଏଚରଦିନା ଆୟାଲିଏ ଜୀସୁ କପରନାହୁମତା ଝେଣ୍ଡେ ହାଚେସି, ଇଞ୍ଜା ଏଞ୍ଜାସି ଇଜ ମାନେସି ଇଞ୍ଜା ସାରିଞ୍ଜାକି ଝେଙ୍ଗାହାଚେ □

୨ ଏମ୍ବାଆଁ ଇଚେକା ଲକୁ ରୁଣ୍ଡା ଆଡେରି ଇଞ୍ଜା ଦୁଝେରିତା ଜିକେଏ ଟାୟୁ ହିଲାଆତେ, ଇଞ୍ଜା ଏଞ୍ଜାସି ଏଞ୍ଜାରାଇଁ ମାହାପୂରୁ କାତା ଝେକହେସି □

୩ ଏମ୍ବାଟିଏ ସାରି ଜାଣା ର ଟଟ ଝାୟିତାଣାଇଁ କାଚେଲିତା ଜୀସୁ ତାଣା ଡେକା ତାଚେରି □

୪ ସାମା ହାରେକା ଲକୁ ମାଚାକି ଏଞ୍ଜାଣି ତାଣା ତାଚାଲି ଆଡାଆତେରି, ଇଞ୍ଜା ଆମିନି ଟାୟୁତା ଜୀସୁ ମାଚେସି, ଏମ୍ବାଆଁ ଇଲୁଡି ଡେପରି ରିକହେରି, ଇଞ୍ଜା ଏ ଟଟ ଝାୟିତାଣାଇଁ କାଚେଲି ଝେଣ୍ଡେଏ ଇଲୁ ବିତ୍ତା ରେପହେରି □

୫ ଜୀସୁ ଏଞ୍ଜାରି ନାମୁ ମେସାନା, ଏ ଟଟ ଝାୟିତାଣାଇଁ ଏଲେଇଚେସି, “ଏ ମାର୍‌ଏଣା ନୀ ପାପୁ ବାରେ ମେଣ୍ଡାହାଚେ □”

୬ ସାମା ଏମ୍ବାଆଁ ମାଡି ଏଚେକା ମେରା ଜାପ୍‌ନାରି କୁଗାନା ତାମି ମନତା ଅଣ୍ଡିହୁଁ କାତାବାର୍ଡା ଆହିମାଚେରି,

୭ “ଇଝାସି ଏନାଆଁତାକି ଏଲେଇଞ୍ଜି ମାନେସି ? ଇଝାସି ମାହାପୁରୁଇଁ ନିନ୍ଦା କିହିମାନେସି; ମାହାପୁରୁ ପିସ୍‌ପେ ଆମ୍ବାଆସି ପାପୁ ମ୍ଲୋକ୍‌ହାଲି ଆଡ଼ିନେସି ?”

୮ ଏଝାରି ମନତା ଇଲେକ୍‌ ଅଶ୍‌ପିମାନାଣି ଜୀସୁ ଦେବୁଣିଏ ଜୀଝୁତା ପୁଞ୍ଜାନା ଏଝାରାଇଁ ଏଲେଇଚେସି, “ମୀରୁ ମୀ ମନ ବିତ୍ରା ଏନାଆଁତାକି ଇଲେକ୍‌ ଅଶ୍‌ପିମାଞ୍ଜେରି ?

୯ ଏନାଆଁ ଇନାୟି ଉସାସା ? ଏ କାଜା ରଗ ଗାଟାଣାଇଁ ‘ନୀ ପାପୁ ମେଣ୍‌ଜିତେ ଇନାୟି କି ନିଙ୍ଗାମୁ ନୀ କାଚେଲି ଡେକାନା ତାକାମୁ ଇନାୟି ଉସାସା ?’

୧୦ ସାମା ଦାରୁତିତା ପାପୁ ମ୍ଲୋକ୍‌ହାଲି ମାଣ୍‌ସି ମୀରୁଏଣା ଅଦିକାରା ମାନେ, ଏଦାଆଁ ନୀର୍‌ଏଁ ମୀରୁ ପୁଞ୍ଜାଲି ଆଡ଼ିଦେରି □” ଏଦାଆଁତାକି ଏ ଚଟ ଝାୟିତାଣାଇଁ ଏଲେଇଚେସି,

୧୧ “ନାନୁ ନିଙ୍ଗେ ଝେସିମାଞ୍ଜାଇଁ ନିଙ୍ଗାମା ନୀ କାଚେଲି ଡେକାନା ନୀ ଇଜ ହାଲାମୁ □”

୧୨ ଏଚେଟିଏ ଏଝାସି ଦେବୁଣିଏ ନିଙ୍ଗାମା କାଚେଲି ଡେକାନା ବାରେଜାଣା ନକିଟି ହୁଡ଼ାହାଚେସି; ଏଚେଟିଏ ବାରେଜାଣା କାବାଆହାନା ମାହାପୁରୁତି ଜହରା କିହିଁ ଏଲେଇଚେରି, “ମାମୁ ଇଲେତି କାବାଆନି କାମା ଏଚେଲା ଜିକେଏ ମେସାହିଲାଆତମି □”

**ଜୀସୁ ଲେବିଇଁ (ମାଡିୟୁ) ହାଟିନାୟି  
(ମାଡି ୯:୯-୧୩; ଲୁକ ୫:୨୭-୩୨)**

୧୩ ଜୀସୁ ଅଡେ ଝେଣ୍‌ଣେ ସାମ୍‌ଦୁରି ଗାରୁତା ହାଚେସି, ଇଞ୍ଜା ଲକୁ ଏଝାଣି ତାଣା ଝାହାଲିଏ, ଏଝାରାଇଁ ଜାପୁହାଲି ମାଟ୍‌ହେସି □

୧୪ ଅଡେ ଜିରୁଟି ହାଜି ହାଜିହିଁ ଜୀସୁ ଆଲେପି ମୀରୁଏସି ଲେବିଇଁ\* ସିସୁ ରୀହନି ତାଣା କୁଗାମାନାଣି ମେସେସି, ଇଞ୍ଜା ଏଝାଣାଇଁ ଏଲେଇଚେସି, “ନା ଜେଚ ଝାମୁ” ଏଚେଟିଏ ଲେବି ନିଙ୍ଗାମା ଏଝାଣି ଜେଚ ହାଚେସି □

୧୫ ଅଡେ ଜୀସୁ ଲେବି ଇଜ ରାନ୍ଦା ତିଞ୍ଜାଲି କୁଗାମାଚାଟି ହାରେକା ସିସୁ ରୀହନାରି ଇଞ୍ଜା ପାପୁ ଗାଟାରି ତାମି ସୀସୁୟା ତଲେ

\* ୨:୧୪ ୨:୧୪ ମାଡିୟୁ



କୁଗିତେରି; ଇତିହାସ ଏଞ୍ଜାରି ହାରେକା ମାଚେରି ଇଞ୍ଜା ଏଞ୍ଜାଣି ଢେଚ ହାଜିମାଚେରି □

୧୭ ଜୀସୁ ପାପୁ ଗାଟାରି ଇଞ୍ଜା ସିସୁ ରୁହନାରି ତଲେ ତିଞ୍ଜି ମାନେସି, ଇଦାଆଁ ମେସାନା ପାରୁସି ଗତିତି ମୋରାପୁନାରି ତାନି ସୀସୁୟାଁଣି ଏଲେଇଚେରି, “ଏଞ୍ଜାସି ଏନାଆଁତାକି ପାପୁ ଗାଟାରି ଅଡ଼େ ସିସୁ ରାହନାରି ତଲେ ରାନ୍ଦା ତିଞ୍ଜି ମାନେସି ?”

୧୮ ଜୀସୁ ଇ କାତା ଖେଞ୍ଜାନା ଏଞ୍ଜାରାଇଁ ଏଲେଇଚେସି, “ନେହାଁ ଲକୁତାକି ଅସଗୁରୁ ଲଡ଼ା ହିଲେଏ, ସାମା ରଡ଼ା ଗାଟାରାକି ଲଡ଼ାମାନେ; ନାନୁ ଦାମ୍ବୁ ଲକୁତାକି ଖାହାହିଲଅଁ ସାମା ପାପୁ ଗାଟାରାକି ଖାହାମାଇଁ □”

ଉପାସା କିନାଣି ଖେହନାୟି

(ମାତି ୯:୧୪-୧୭; ଲୁକ ୫:୩୩-୩୯)

୧୯ ଜହନତି ସୀସୁୟାଁ ଇଞ୍ଜା ପାରୁସିୟାଁ ଉପାସା କିହିମାଚାଟି, ଏଚେକା ଲକୁ ଜୀସୁ ତାଣା ଖାହାନା ଏଲେଇଚେରି, “ଜହନତି ସୀସୁୟାଁ ଇଞ୍ଜା ପାରୁସିୟାଁତି ସୀସୁୟାଁ ଉପାସା କିନେରି, ସାମା ନୀ ସୀସୁୟାଁ ଏନାଆଁତାକି ଉପାସା କିଅରି ?”

୨୦ ଜୀସୁ ଏଞ୍ଜାରାଇଁ ଏଲେଇଚେସି, “ବୀହା ଲକୁତଲେ ବୀହା ହନେଏସି ମାନି ପାତେକା ବୀହା ଲକୁ ହାକିଟି ମାଞ୍ଜାଲି ଆଡ଼ିନେରିକି ? ବୀହା ହନେଏସି ଏଞ୍ଜାରିତଲେ ମାନି ପାତେକା ଏଞ୍ଜାରି ଉପାସା କିଅରି □

୨୧ ସାମା ଦିନା ଖାନେ ଏଚିବେଲା ଏଞ୍ଜାରି ତାଣାଟି ବୀହା ହନେଏଶାଇଁ ହପୁହା ଅଡ଼ିସାରେ ଏଚିବେଲା ଏଞ୍ଜାରି ଉପାସା କିନେରି □”

୨୨ “ଆମ୍ବାଆସି ପୁଃଇ ହିମ୍ବୁରିତା ପୁଃନି ପାସକି ତାଡ଼ଅସି; ତାଡ଼ିସାରେ ପୁଃଇ ହିମ୍ବୁରିତି ପୁଃନି ପାସକି ମୁଦା ଆହାଁ ଗାଡ଼ି ଗେଞ୍ଜିକିନେ □

୨୩ ଆମ୍ବାଆସି ପୁଃନି ଅଞ୍ଜୁରି ରାସା ପୁଃଇ ତ:କାତା† ଇଟଅସି; ଇଟିସାରେ ତ:କା ଡ଼ାୟାହାନେ, ଇଞ୍ଜା ଅଞ୍ଜୁରି ରାସା ଅଡ଼େ ତ:କା

† ୨:୨୨ ୨:୨୨ ତଲୁ ତଲେ କେପିତି ଅଞ୍ଜୁରି ରାସା ଇଟିନି ବାସା ରୁପୁ

ରିଣ୍ଡିଝା ନସ୍ତୁ ଆନୁ, ଏଦାଆଁତାକି ପୁଃନି ଅଞ୍ଜୁରି ରାସା ପୁଃନି ତ:କାତା ଇଚିନାୟି ମାନେ □”

ଜଫିନି ଦିନାତି କାତା ଝେହୁନାୟି  
(ମାତି ୧୨:୧-୮; ଲୁକ ୬:୧-୫)

୨୩ ର ପାଲି ଜୀସୁ ଜଫିନି ଦିନା ତାନି ସୀସୁୟାଁ ତଲେ ଗହଁ ଗୁଡିୟାତି ହାଜିମାଚେସି, ତାନି ସୀସୁୟାଁ ହାଜି ହାଜିହଁ ଗହଁୟାଁ ଜେକା ତାପହାଲି ମାଟ୍‌ହେରି □

୨୪ ଏମ୍ବାଟିଏ ପାରୁସିୟାଁ ଜୀସୁଙ୍କୁ ଏଲେଇଚେରି, “ମେହମୁ ଜଫିନି ଦିନାତା ଏନାଆଁ କିନାୟି ମେରା ହିଲେଏ, ନୀ ସୀସୁୟାଁ ଏନାଆଁତାକି କିହିମାନେରି ?”

୨୫ ଜୀସୁ ଏଝାରାଇଁ ଏଲେଇଚେସି, “ଦାଝୁଦ ଅଡେ ତାନି ତଃସିଜା ହାକି ଆହାମାଚାଟି ଏଝାରି ଏନାଆଁ କିହାମାଚେରି, ଏଦାଆଁ ମୀରୁ ଏଚେଲା ପଡ଼ଝି ଆହାହିଲଅଚେରି,

୨୬ ଅବିୟତର କାଜା ପୂଜେରା ମାଚିବେଲାତା ଏଝାସି ଏନିକଁ ମାହାପୁରୁ ଇଲୁତା ହଡାନା ଆମିନି ମାହାପୁରୁକି ହେରପିତି ରୁଟି କାଜା ପୂଜେରାଜା ପିସପେ ଆମ୍ବାଆରି ତିନାଆଗାଟି ମେରା ମାଚେ, ସାମା ଏଦାଆଁ ଦାଝୁଦ ତିଞ୍ଜା ମାଚେସି ଇଞ୍ଜା ତାନି ଆର୍‌ହି ତାରାକି ଜିକେଏ ତିଞ୍ଜାଲି ହାହାମାଚେସି □”

୨୭ ତାୟୁ ଜୀସୁ ଏଝାରାଇଁ ଏଲେଇଚେସି, “ଜଫିନି ଦିନା ମାଣସିତାକି ଆହାମାନେ; ସାମା ମାଣସି ଜଫିନି ଦିନାତାକି ଆହାହିଲଅସି □”

୨୮ ଏଦାଆଁତାକି ମାଣସି ମୀରଏସି ଜଫିନି ଦିନାତି ପ୍ରୁ ଆନେସି □

## ୩

ଝାୟିତି କେୟୁଗାଟାସି ନେହଁ ଆନାୟି  
(ମାତି ୧୨:୯-୧୪; ଲୁକ ୬:୬-୧୧)

୧ ଜୀସୁ ଅଡେ ଝେଣ୍ଡେ ଜୀହୁଦି ଲକୁତି କୁଟି ଇଲୁତା\* ହାଚେସି, ଏମ୍ବାଆଁ ରଅସି ମାଚେସି, ଏଝାଣି ର କେୟୁ ଝାୟାହାଜାମାଚେ □

\* ୩:୧ ୩:୧ ସିନଗର

୨ ଜୀସୁ ଏଝାଣାଇଁ ଜମିନି ଦିନାତା ନେହୁଁ କିନେସିକି ଆଏ, ଏଝାଣି କପାଟି ଦହ ଦସାଲିତାକି ଗୁରି କିହାନା ସିନିକିହିମାଚେରି □

୩ ଏମ୍ବାଟିଏ ଜୀସୁ ଆମିନି ଲକୁଡି କେନ୍ଦୁ ଝାୟାହାଜାମାଚେ, ଏଝାଣାଇଁ ଜୀସୁ ଏଲେଇଚେସି, “ଝାମୁ ମାଦି ନିମୁ □”

୪ ଇଞ୍ଜା ଜୀସୁ ଏଝାରାଇଁ ଏଲେଇଚେସି, “ଜମିନି ଦିନାତା ଏନାଆଁ କିନାୟି ମେରା ମାନେ ? ନେହୁଁ କିନାୟି କି ଲାଗେଏ କିନାୟି ? ଜୀସୁଟି ଗେଲପିନାୟି କି ନାସା କିନାୟି ?” ସାମା ଏଝାରି ଖେଣ୍ଡେ ହାଡା ଆୟାଲି ଆଡାଆଚେରି □

୫ ଏମ୍ବାଟିଏ ଜୀସୁ ଏଝାରି ଆଟ୍ଝା ହିୟାଁତି ମେସାନା ଦୁକୁ ଆଡେସି, ଇଞ୍ଜା କପାଟି ସାରିଝାକି ଏଝାରାଇଁ ସିନିକିହାନା ଏଲେଇଚେସି, “କେନ୍ଦୁ ଲାକ ଦାହୁମୁ” ଏଝାସି ତାନି କେନ୍ଦୁ ଦାସ୍ପଦିଏ ଏଦି ନେହୁଁ ଆହାହାଚେ □

୬ ଏଚେଟିଏ ପାରୁସିୟାଁ ହଡା ହାଜାନା ଜୀସୁଇଁ ପାୟାଲି ତାକି ହେରଦ ଗତିତି ଲକୁଡଲେ କାଲହାନା କାତା ଆଡେଚି □

### ସାମ୍ବୁରି ଗାଟୁତା ମାନ୍ଦା ଲକୁ

(ମାତି ୪:୨୫; ମାର୍କ ୪:୧; ଲୁକ ୫:୧-୩)

୭ ଜୀସୁ ଅଡେ ତାନି ସୀସୁୟାଁ ଗାଲିଲି ସାମ୍ବୁରି ଗାଟୁତା ହାଚେରି, ଇଞ୍ଜା ହାଚେକା ଲକୁ ଏଝାଣି ଜେଚ ହାଚେରି; ଏଝାରି ଜୀହୁଦା,

୮ ଗାଲିଲି, ଜିରୁସାଲମ, ଇଦମ, ଜର୍ଦନ ଅରଝାକି, ସର ଅଡେ ସିଦନ ଗାଡା ଝାକିତି ଲକୁ ତାନି ବାରେ କିତି କାମାତି କାତା ଖେଞ୍ଜାନା ତାନି ତାଣା ଝାଡେଚି □

୯ ☆ଏମ୍ବାଆଁ ଇଚେକା ମାନ୍ଦା ଲକୁ ଆଡେଚି ଏ ମାନ୍ଦା ଏନିକିଁ ଏଝାଣିଲାକ ଝିହୁଅରି, ଏଦାଆଁତାକି ଏଝାସି ତାନି ସୀସୁୟାଁଣି ତାଙ୍ଗେତାକି ର ଡଣା ତଂଗ ପାରା ଇଟାଲି ଖେସ୍ତେସି;

୧୦ ଏଝାସି ହାଚେକା ଲକୁଣି ନେହୁଁ କିହାମାଚାକି ରଗ ଗାଟାରି ବାରେ ଏଝାଣାଇଁ ତୀଗାଲି ଏଝାଣି ମୁହେଁ ମୁହେଁ ଆହିମାଚେରି □

☆ ୩:୯ ୩:୯ ମାର୍କ ୪:୧; ଲୁକ ୫:୧-୩

୧୧ ଇଞ୍ଜା ପଲ୍ଲଆ ବୃତ୍ତୁୟା ଆସାମାନାରି ଏଞ୍ଜାଣାଇଁ ମେସ୍‌ପନିଏ, ଏଞ୍ଜାଣି ନକିତା ରିହାନା କାଲୁଓ ଆହୁଁ ଏଲେଇଞ୍ଜି ମାଚେରି, “ନୀନୁଏ ମାହାପୁରୁ ମୀରଏଣାତି □”

୧୨ ଏଞ୍ଜାସି ଆମ୍ବାଆସି ଇ କାତା ଆମ୍ବାଆରାଇଁ ଖେହୁଆଦୁ ଇଞ୍ଜୁଁ ଜୀସୁ ପଲ୍ଲଆ ବୃତ୍ତୁୟାଁଇଁ ଦାକା ହୀହାନା ହୁକୁମି ହୀତେସି □

**ଜୀସୁ ବାରଜାଣା ସୀସୁୟାଣି ଆଡ଼ିନାୟି**

(ମାତି ୧୦:୧-୪; ଲୁକ ୬:୧୨-୧୬)

୧୩ ଜୀସୁ ହରୁ ଲାକ ହାଜାନା ଆମିନି ଗାଚାରାଇଁ ମନ କିତେସି ଏଞ୍ଜାରାଇଁ ତାଗେ ହାଡ଼ିତେସି, ଇଞ୍ଜା ଏଞ୍ଜାରି ତାଗେ ଖାଡ଼େତରି □

୧୪ ଇଞ୍ଜା ଏଞ୍ଜାସି ବାରଜାଣାତି ଆଚାନା ପାଣ୍ଡୁଓ ଆଡ଼ାରି ଇଞ୍ଜାନା, ଏଞ୍ଜାରାଇଁ ଏଲେଇଚେସି, “ନା ତଲେ ଡୟାଲି ନାନ୍ତୁ ମିଙ୍ଗେ ଆଚାମାଞ୍ଜାଇଁ, ଇଞ୍ଜା ଖେକହାଲି ପାଣ୍ଡାଇଁ □

୧୫ ଇଞ୍ଜା ମୀରୁ ବୃତ୍ତୁୟା ପେରହାଲି ଜିକେଏ ଅଦିକାରା ବେଟାଆଦେରି □”

୧୬ ଜୀସୁ ଇ ବାରଜାଣାତି ଆଡ଼ିତେସି, ଏଞ୍ଜାରି ଆଡ଼େତରି ସିମନ ଆମ୍ବାଆରାଇଁ ଜୀସୁ ପିତର ଇଞ୍ଜୁଁ ଇଟିତେସି;

୧୭ ଜେବଦି ରୀ ମୀରକା ଜାକୁବ ଅଡ଼େ ତାନି ତାୟି ଜହନ ଆମ୍ବାଆରାଇଁ ବିନେରିଗସ୍ ଇଟିହୁଁ ଗୁଣ୍‌ହିମାନି ହାଗୁଡ଼ି ମୀରକା ଇଞ୍ଜିହୁଁ ଦରୁ ଇଟିତେସି;

୧୮ ଆନ୍ଦିୟ, ପିଲିପ, ବାର୍ତ୍ତଲମି, ମାଡ଼ିୟୁ, ତମା, ଆଲେପି ମୀରଏସି ଜାକୁବ, ଡଦିୟ, ଦେସାତି ଜୀସୁ ନନ୍ଦି ସିମନ,

୧୯ ଅଡ଼େ ଇସ୍ତାରିୟତ ଜୀହୁଦା, ଆମ୍ବାଆସି ଜୀସୁଇଁ ସାତୁୟା କେୟୁତା ହେରପିତେସି □

**ଜୀସୁ ଅଡ଼େ ବାଲ୍‌ଜିବୁଲ୍**

(ମାତି ୧୨:୨୨-୩୨; ଲୁକ ୧୧:୧୪-୨୩; ୧୨:୧୦)

୨୦ ତାୟୁ ଜୀସୁ ଇଜ ଖାଡ଼େତସି; ଅଡ଼େ ଖେଶ୍ଟେ ଇଚେକା ଲକୁ ରୁଣ୍ଡା ଆଡ଼େରି ଜୀସୁ ଇଞ୍ଜା ତାନି ସୀସୁୟାକି ତିଞ୍ଜାଲି ଜିକେଏ ଆଆଡେ □

୨୧ “ଜୀସୁ ବାୟା ଆଡ଼େସି” ଇଞ୍ଜୁଁ ଲକୁ ଏଲେଇନାଣି ଖେଞ୍ଜାନା ତାନି କୁଟମି ଜୀସୁଇଁ ଅହାଲି ଖାଡ଼େତରି □

୨୨ ଅତ୍ତେ ଜିରୁସାଲମଟି ଖାହାମାନି ମେରାପୁନାରି ଏଲେଇଚେରି,  
“ଇଝାଣାଇଁ ବାଲ୍‌ଜିବୁଲ୍ ବୁତୁ ଆଲ୍‌ଗାମାନେ, ଲାକା ଇଝାସି  
ବୃତୁୟାଣି ପିସ୍‌ପି କିହିମାନେସି □”

୨୩ ଏମ୍ବାଟିଏ ଜୀସୁ ଏଝାରାଇଁ ତାଗେ ହାଟାନା ପୁଣ୍ଡିକିନି  
କାତାତଲେ ଝେସ୍‌ସି, “ସୟତାନ ଏନିକ୍ ସୟତାନଇଁ ପେର୍‌ହାଲି  
ଆଡ଼ିନେ ?

୨୪ ର ରାଜି ବାଗା ଆହାନା ତାନି କପାଟି ନିଜ୍ଜିନେ, ଇଚିହିଁ ଏ  
ରାଜି ଅତ୍ତେ ତାରିତଲେ ଡୟାଲି ଆଡେଏ □

୨୫ ଇଞ୍ଜା ର ଇଲୁ କୁଟେତାରି ବାଗା ଆହାନା ତାମ୍ବୁତାମି କପାଟି  
ନିଜ୍ଜିନେରି ଇଚିହିଁ ଏ ଇଲୁତାରି ତାରିତଲେ ଡୟାଲି ଆଡ଼ଅରି □

୨୬ ଏଲେକିହିଁଏ ସୟତାନ ବାଗା ଆହାନା ତାନି କପାଟି  
ନିଜ୍ଜାମାନେ, ଆଡିହିଁ ଏଡି ଅତ୍ତେ ତାରିତଲେ ଡୟାଲି ଆଡେଏ,  
ସାମା ଏଦାନି ବାରେ ନାସା ଆହିମାନେ □”

୨୭ “ସାମା ଆମ୍ବାଆସି ନଚେଏ ବାଡ଼ୁଗୁ ଗାଟାଣାଇଁ ଦହ୍‌ଆଡିହିଁ  
ତାନି ଇଜ ହଡାନା ତାନି ଇଜତି ଆସି ସରୁ କିହାଲି ଆଡ଼ଅସି;  
ଏଝାଣାଇଁ ତଲିଏ ଦସ୍‌ହିଁଦେ ଏଝାସି ଏଝାଣି ଇଜତାଣି ସରୁ  
କିନେସି □”

୨୮ “ନାନୁ ମିଜ୍ ସାତା ଝେସିମାଞ୍ଜାଇଁ, ଲକୁତି ବାରେ ପାପୁ ଇଞ୍ଜା  
ଏଝାରି ଏଚେକା ନିନ୍ଦା କାତାତଲେ ମାହାପୁରୁ ନିନ୍ଦା କିନେରି ଏ  
ବାରେ ପାପୁ ମେଣ୍‌ଜିନେ □

୨୯ ☆ସାମା ଆମ୍ବାଆସି ସୁଦୁଜୀଝୁ କପାଟି ନିନ୍ଦା କାତା ଜଲିନେସି,  
ଏଝାଣି ଆମିନି କାଲାତା ଜିକେଏ ଦହ୍ ମେଣ୍‌ଜେଏ, ସାମା ଏଝାସି  
କାଲାକାଲାତି ପାପୁତି ଦହ୍‌ଗାଟାସି ଆନେସି □”

୩୦ ଜୀସୁଇଁ ବୁତୁ ଆଲ୍‌ଗାମାନେ ଇଞ୍ଜାଁ ଏଚେକା ଲକୁ  
ଏଲେଇଞ୍ଜାଲିଏ ଜୀସୁ ଇ କାତା ଝେସ୍‌ସି □

ଜୀସୁତି ଇୟା ଅତ୍ତେ ତାୟିୟା  
(ମାତି ୧୨:୪୬-୫୦; ଲୁକ ୮:୧୯-୨୧)

୩୧ ଏଚିବେଲା ଜୀସୁତି ଇୟା ଅଡ଼େ ତାୟିୟାଁ ଖାହାନା ଇଲୁ ପାଙ୍ଗାତା ନିଚାନା ଜୀସୁଇଁ ହାଟି କିତେରି □

୩୨ ଏମ୍ବାଟିଏ ସାରିଖାକି କୁଗାମାଟି ଲକୁ ଏଲେଇଚେରି, “ମେହ୍ମୁ ମୀ ଇୟା, ତାୟିୟାଁ ଅଡ଼େ ତାଙ୍ଗିସ୍ତା ପାଙ୍ଗାତା ନିଚାନା ନିଙ୍ଗେ ପାରିମାଞ୍ଜାନେରି □”

୩୩ ଜୀସୁ ଏଞ୍ଜାରାଇଁ ଏଲେଇଚେସି, “ନା ଇୟା ଇଞ୍ଜା ନା ତାୟି ତାଙ୍ଗିସ୍ତା ଆମ୍ବାଆୟି ?”

୩୪ ଇଞ୍ଜା ଏଞ୍ଜାସି ତାନି ସାରିଖାକି କୁଗାମାନି ଲକୁଣି ସିନିକିହାନା ଏଲେଇଚେସି, “ମେହ୍ମୁ ନା ଇୟା ଅଡ଼େ ନା ତାୟି ତାଙ୍ଗିସ୍ତା □

୩୫ ଆମ୍ବାଆସି ମାହାପୁରୁତି କାତା ଆହ୍ନେସି ଏଞ୍ଜାସିଦେଁ ନା ତାୟି, ତାଙ୍ଗି ଅଡ଼େ ନା ଇୟା □”

## ୪

ବିଚା ମାଟିନାଣି ପୁଣ୍ଡିକିନି କାତା

(ମାତି ୧୩:୧-୯; ଲୁକ ୮:୪-୮)

୧ ✱ଜୀସୁ ଗାଲିଲି ସାମ୍ବୁରି ଗାରୁତା ଅଡ଼େ ଝେଣ୍ଡେ ଜାପୁହାଲି ମାଟୁହେସି, ଅଡ଼େ ହାରେକା ଲକୁ ଏଞ୍ଜାଣି ତାଣା ରୁଣ୍ଡା ଆଡ଼େରି ଇଞ୍ଜା ଜୀସୁ ସାମ୍ବୁରିତା ମାନି ର.ତଂଗତା ହାଜାନା କୁଗିତେସି ଇଞ୍ଜା ଲକୁ ସାମ୍ବୁରି ଗାରୁତା ନିଚାମାଚେରି □

୨ ଏମ୍ବାଟିଏ ଜୀସୁ ଏଞ୍ଜାରାଇଁ ହାରେକା ପୁଣ୍ଡିକିନି କାତା ଜାପୁହିହିଁ ଏଲେଇଚେସି □

୩ “ଝେଞ୍ଜୁ, ମେହ୍ମୁ ର.ବିଚା ମାଟିନାସି ବିଚା ମାଟାଲି ହଡେସି □

୪ ଇଞ୍ଜା ଏଞ୍ଜାସି ମାଟିମାଟାଟି କଚେକା ବିଚା ଜିରୁତା ରୀତେ, ଇଞ୍ଜା ପଚାୟାଁ ଖାହାନା ଏ ପାଡ଼େୟି ପେରୁହା ତିରୁ □

୫ ଅଡ଼େ କଚେକା ବିଚା ଇଚାୟି ଇରୁଆ ମାନି ଖାଲୁକା ଲାକ ରୀତେ, ଇଞ୍ଜା ଉଣା ଇରୁଆ ମାଟାକି ଗାଡ଼େକେଏ ନେୟିଁତେ,

୬ ସାମା ଝେଡ଼ା ଆଡ଼ାଲିଏ ନେୟାଁ ମାଟାୟି ଝେହା ହାଚେ ଇଞ୍ଜା ହୀରୁ ଜୀଆତାକି ଖାୟାନା ହାହାହାଚେ □

୭ ଅଡ଼େ କଚେକା ବିଚା ହାପୁକା ବୃଟାତା ରୀତେ, ଇଞ୍ଜା ହାପୁକା ବୃଟା ପାତାଆହାନା ଆର୍ନା ତାକିତି ପୁକ୍‌ହାତୁସ୍ତେ ଇଞ୍ଜା ପାଡ଼େୟି ଆୟାଆଡେ □

୮ ଅଡ଼େ କଚେକା ବିଚା ନେହ୍ ବୃମିତା ରୀତେ, ଏଦି ନେୟାହାଁ ପାତାଆହାନା, କଡ଼େଦସ, ତାନିକଡ଼ି, ପାସାକଡ଼ି ପାଡ଼େୟି କାମ୍ବିତେ □”

୯ ଅଡ଼େ ଏଞ୍ଜାସି ଏଲେଇଚେସି, “ଝେଞ୍ଜାଲି ଆମ୍ବାଆରାକି କୀର୍କା ମାନୁ ଏଞ୍ଜାସି ଝେଣ୍‌ମ୍ବାସି □”

ପୁଣ୍‌ମ୍ବିକିନି କାତାତି ଝେହ୍‌ନାୟି

(ମାତି ୧୩:୧୦-୧୭; ଲୁକା ୮:୯-୧୦)

୧୦ ଜୀସୁ ରଅସିଏ ମାଚାଟି ତାନି ତଲେତି ଏତରଜାଣା ଇଞ୍ଜା ବାରଜାଣା ସୀସୁୟାଁ ତଲେ ଏ ପୁଣ୍‌ମ୍ବିକିନି କାତା ଏନାୟି ଇଞ୍ଜା ଝେଚେରି □

୧୧ ଏମ୍ବାଟିଏ ଏଞ୍ଜାସି ଏଞ୍ଜାରାଇଁ ଏଲେଇଚେସି, ମାହାପୁରୁ ରାଜିତି ତ୍ତୁମାନାଣି ପୁଞ୍ଜାଲି ମିଙ୍ଗେ ବାଡ଼ନ୍ତୁ ହୀପକି ଆହାମାନେ, ସାମା ପାଙ୍ଗାତି ବାରେ ଲକୁତାକି ଇ ପୁଣ୍‌ମ୍ବିକିନି କାତାତଲେ ଝେସ୍‌ପି ଆହିମାନେ,

୧୨ ଏନିକ୍‌,

“ଏଞ୍ଜାରି ମେସି ମେସିହ୍‌,

ମେହ୍‌ଅରି;

ଇଞ୍ଜା ଝେଞ୍ଜେଞ୍ଜେହ୍‌,

ତେଲ୍‌ହଅରି,

ଏଞ୍ଜାରି ମାହାପୁରୁ ତାଣା ଝେଣ୍‌ୟା ଝାଡ଼ିହ୍‌ମା,

ପାପୁଟି ପିସ୍‌ପି ଆଡେରିମା □”

ବିଚା ମାଟିନି କାତା ପୁଣ୍‌ମ୍ବିକିନାୟି

(ମାତି ୧୩:୧୮-୨୩; ଲୁକା ୮:୧୧-୧୫)

୧୩ ଜୀସୁ ଅଡ଼େ ଝେଣ୍‌ୟେ ଏଞ୍ଜାରାଇଁ ଏଲେଇଚେସି, “ମୀରୁ ଇ ପୁଣ୍‌ମ୍ବି କିନାଣି ପୁଞ୍ଜ ହିଲଅତେରି ? ଆଡିହ୍‌ ନା ପୁଣ୍‌ମ୍ବିକିନି କାତା ଏନିକ୍‌ ପୁଞ୍ଜେରି ?

୧୪ ଆମ୍ବାଆସି ମାହାପୁରୁ ବଲୁ ଖେହ୍ନାସି ଏଝାସି ବିଚା ମାଟିନାସି  
□

୧୫ ଆମିନି ଗାଟାରି ଖେନେରି, ଇଞ୍ଜା ଖେଚି ଦେବୁଣିଏ ସୟତାନ  
ଝାହାନା ଏଝାରିତାଣା ଖେଣ୍ଡି ଆହାମାନି ବଲୁ ମାଞ୍ଜାଅନେ, ଏଝାରି  
ଜିରୁ ଦାରିତା ରିତି ବିଚାଲେହେଁତାରି □

୧୬ ଏଲେକିହିଁଏ ଝାଲି ଲାକ ରିହାମାନି ବିଚାଲେହେଁତାରି, ଏ  
ବଲୁ ଖେଣ୍ଡିନିଏ ରାହାଁଟି ନାମିନେରି,

୧୭ ସାମା ଏଝାରିତାଣା ହୀରୁ ଜୀଆତାକି ଗାଡ଼େକା ତାକି ତୀରି  
ମାନେରି, ତାୟୁ ମାହାପୁରୁ ବଲୁ ତାକି କସ୍ତ ବାଦା ଝାଡ଼ିସାରେ  
ଦେବୁଣିଏ ପିହ୍ନେରି, ଏଝାରି ଉଣା ଇର୍ଆ ମାନି ଝାଲୁକା ଲାକତି  
ବିଚାଲେହେଁତାରି □

୧୮ ହାପୁକା ବୁଟାତା ମାଟିତି ବିଚା ଏଝାରି, ଆମ୍ବାଆରି ବଲୁତି  
ଖେନେରି,

୧୯ ଦାରତିତି ଅଣ୍ଡୁ ଦନତି ବାରେ ଜୁପୁକା ହତାନା ଏଝାରାଇଁ  
ପୁକହାତୁହ୍ନେ, ଇଞ୍ଜା ଏଦି ପାଡ଼େୟି ଆୟାଲି ଆଡେଏ □

୨୦ ଅଡ଼େ ଆମିନି ଗାଟାରି କାତା ଖେନେରି, ଇଞ୍ଜା ନାମିନେରି,  
ଅଡ଼େ କଡ଼େଦସ, ତାନିକଡ଼ି, ଇଞ୍ଜା ପାସାକଡ଼ି ପାଡ଼େୟି କାମ୍ବିନେରି,  
ଏଝାରି ନେହିଁ ବୁମିତା ମାଟିତି ବିଚାଲେହେଁତାରି □”

ମାଣା ପୁକ୍‌ହି ଦୀଝି  
(ଲୁକ ୮:୧୭-୧୮)

୨୧ ☆ଜୀସୁ ଅଡ଼େ ଖେଣ୍ଡେ ଏଝାରାଇଁ ଏଲେଇଚେସି, “ଆମ୍ବାଆସି  
ଦୀଝି ତୀସାନା ମାଣା ପୁକ୍‌ହାନା କି କାଚେଲି ତୁଇ ଇଚିନେସି ?  
ଏଦାଆଁ ଏନାଆଁ ଦୀଝି ସଡ଼ାତା ଇଟଅସି ?

୨୨ ☆ଇଚିହିଁ ତଞ୍ଜା ଆଆଗାଟାୟି ଏନାୟି ଜିକେଏ ତରୁନା  
ଡ଼ୟେଏ; ଏନାୟି ତରୁନା ଆହାମାନେ, ଏଦି ତଞ୍ଜାଆହାଲି  
ଡ଼ରୁମାନେ □

୨୩ ଇଚିହିଁ ଆମ୍ବାଆରାକି ଖେଞ୍ଜାଲି କୀର୍କା ମାନୁ ଏଝାସି  
ଖେଣ୍ଡିଆସି □”



୨୪ ☆ ଜୀସୁ ଅଡ଼େ ଏଲେଇଚେସି, “ଏନ୍ଦାଆଁ ଖେଞ୍ଜି ମାଞ୍ଜେରି ଏ କାତାତା ଜାଗ୍ରାତା, ଆମିନି ମାଣା ତଲେ ଲାଡ଼ିଦେରି, ଏ ମାଣା ତଲେ ମିଙ୍ଗେ ଲାଡ଼ା ହିୟାନେରି, ଅଡ଼େ ମୀରୁ ହାଡ଼େକା ବେଟାଆଡ଼େରି □

୨୫ ☆ ଇଚିହିଁ ଆମ୍ବାଆରାକି ମାନେ ଏଞ୍ଜାଣାକି ହୀପ୍‌କି ଆନେ; ଅଡ଼େ ଆମ୍ବାଆରାକି ହିଲେଏ, ଏଞ୍ଜାଣି ତାଣା ଏନ୍ଦାୟି ମାନେ, ଏଦାଆଁ ଜିକେଏ ଏଞ୍ଜାଣି ତାଣାଟି ଅଞ୍ଜିଆନେ □”

### ପାତାଆନ୍ତି ବିଚାତି ପୁଣ୍ଠିକିନାୟି

୨୬ ଜୀସୁ ଅଡ଼େ ଏଲେଇଚେସି, “ମାହାପୁରୁ ରାଜି ଇଲେତାୟି, ଏନ୍‌କିଁ ର ମାଣସି ବୁମିତା ବିଚା ମାଟିନେସି;

୨୭ ଇଞ୍ଜା ଲାଆଁୟାଁ ଇଦା କିନେସି ଅଡ଼େ ମାଦେନା ତେଃଏଲିନେସି, ଅଡ଼େ ବିଚା ଏନ୍‌ଆହିଁ ଗଜା ଆହାଁ ପାତାଆନେ ଏଦାଆଁ ଏଞ୍ଜାସି ପୁନଅସି □

୨୮ ଗହଁ ବୁମିଟି ତାନ୍ତୁଏ ନେୟିଁନେ, ତଲିଏ ଆକୁ ଆନେ ଡାୟୁ ଜେଞ୍ଜୁ ଅଡ଼େ ଡାୟୁ ଜେଞ୍ଜୁତି ପାଡ଼େୟି ଆନେ □

୨୯ ସାମା ଆନା କାମ୍ପିସାରେ ମାଟିତାସି ଏ ଆନାତି କଚାତଖେଲି ତଲେ ଦାଃଆନେସି □”

### ରାୟି ପାଡ଼େୟି କାତା

(ମାତି ୧୩:୩୧-୩୨; ଲୁକ ୧୩:୧୮-୧୯)

୩୦ ଅଡ଼େ ଜୀସୁ ଏଲେଇଚେସି, “ମାର ମାହାପୁରୁ ରାଜି ଏନ୍ଦାଆଁତଲେ ତୁକନାୟି ? ଇଞ୍ଜା ଏନ୍‌ଲେହେଁତି ପୁଣ୍ଠିକିନି କାତାତଲେ ଖେହ୍‌ନାୟି ?

୩୧ ଏଦି ର ହାସ୍‌ସୁ ପାଡ଼େୟି ଲେହେଁ; ବୁମିତା ମାଟିନି ବେଲାତା ଏଦି ଦାର୍‌ତିତି ବାରେ ପାଡ଼େୟି କିହାଁ ଡଃଣା,

୩୨ ସାମା ମାଟିତି ଜେଟ ପାତାଆହାନା ବାରେ କୁଟା କିହାଁ କାଜାୟି ଆନେ, ଇଞ୍ଜା ଏଦାନି କମାୟାଁ ଇଲେକିଁ କାଜାଇ ଆନୁ, ଇଞ୍ଜା ହାଗୁ ଲାକ ଡ଼ିମିନି ପଗାୟାଁ ଖାହାନା ଏଦାନି କମାଣାଁ ବଣ ଦସାଁ ବାସାଆନୁ □”

☆ ୪:୨୪ ୪:୨୪ ମାତି ୭:୨; ଲୁକ ୭:୩୮ ☆ ୪:୨୫ ୪:୨୫ ମାତି ୧୩:୧୨; ୨୫:୨୯; ଲୁକ ୧୯:୨୭

୩୩ ଜୀସୁ ଇଲେକିହିଁ ହାରେକା ପୁଣ୍ଠିକିନି କାତା ୱେସିହିଁ ଏଞ୍ଜାରି ପୁନିଲେହେକଁ ମାହାପୁରୁ କାତା ୱେସିମାରେସି,  
 ୩୪ ଅଡେ ପୁଣ୍ଠିକିନି କାତା ଆଟ୍‌ଆନା ଜୀସୁ ଏନାଆଁଞ୍ଜା ୱେସି ହିଲିଆତେସି, ସାମା ଲକୁ ହିଲିଆ ବେଲୀତା ତାମି ସୀସୁୟାଣି ବାରେ ପୁଣ୍ଠି କିହିମାରେସି □

**ଜୀସୁ କାଜା ଗାଲିତି ସାପି କିନାୟି  
 (ମାତି ୮:୨୩-୨୭; ଲୁକ ୮:୨୨-୨୫)**

୩୫ ଏ ଦିନା ମିଡ଼ଅଲୀ ବେଲୀ ଜୀସୁ ତାମି ସୀସୁୟାଁଇଁ ଏଲେଇଚେସି, “ଞ୍ଜାଦୁ ମାର ସାମ୍‌ଦୁରି ଆତାଲୀ ହାନ □”

୩୬ ଏମ୍ବାଟିଏ ଏଞ୍ଜାରି ଲକୁଣି ପିସାନା ଏଞ୍ଜାସି ଏନିକଁ ଡଂଗତା ମାରେସି ଏଲେକିହିଁଏ ଅଡେରି, ଇଞ୍ଜା ଏମ୍ବାଆଁ ଏଚରଗଟା ଡଂଗାୟା ଜିକେଏ ମାରୁ □

୩୭ ଇଞ୍ଜା ଦେବୁଣିଏ ହାରେକା କାଜା ଗାଲି ଆଡେ, ଇଞ୍ଜା ଡଂଗ ସାମ୍‌ଦୁରିତି ଗାଲିତାକି ମୁଞ୍ଜାଲି ମାଟ୍‌ହେ □

୩୮ ଏଚିବେଲୀ ଜୀସୁ ଡଂଗତି ତାମ୍‌ଞ୍ଜାକି ର ମୂଲୀତା ତାର୍‌ପୁ ଆଂଗାନା ଇଦା କିହାମାରେସି; ଇଞ୍ଜା ସୀସୁୟାଁ ଏଞ୍ଜାଣାଁ ନିକହାନା ଏଲେଇଚେରି, “ଏ ଗୁରୁ ମାର ହାନାୟିଦେ ନିକ୍ଷେ ଅଣ୍‌ପୁ ହିଲେଏ କି ?”

୩୯ ଏମ୍ବାଟିଏ ଜୀସୁ ନିକ୍ଷାନା ଗାଲିତି ଦାକା ହୀହାନା ଏଲେଇଚେସି, “ଡୁଙ୍ଗାମୁ” ଇଞ୍ଜା ସାମ୍‌ଦୁରିତି ଏଲେଇଚେସି, “ସାପି ଆମୁ” ଏମ୍ବାଟିଏ ଗାଲି ପାଲେଏ ଆଡେ ଇଞ୍ଜା ବାରେ ସୁସ୍ତି ଆଡେ □

୪୦ ଇଞ୍ଜା ଜୀସୁ ଏଞ୍ଜାରାଁ ଏଲେଇଚେସି, “ମାରୁ ଏନାଆଁତାକି ଇଚେକା ଆଜିମାଞ୍ଜେରି ? ମୀ ନାମୁ ହିଲେଏ କି ?”

୪୧ ଏମ୍ବାଟିଏ ଏଞ୍ଜାରି ହାରେକା ଆଜାନା ତାମ୍‌ତାମ୍‌ସୁ କାତା ଆଡେରି, “ଇଞ୍ଜାସି ଆମ୍ବାଆସି ? ଗାଲି ଅଡେ ସାମ୍‌ଦୁରି ଜିକେଏ ଇଞ୍ଜାଣି ହାଡା ମାନଞ୍ଜି ଆହିମାନୁ □”

୫

ଜୀସୁ ବୃତ୍ତୁୟା ଆଲଗିତାଣାଇଁ ନେହଁ କିନାୟି  
(ମାତି ୮:୨୮-୩୪; ଲୁକ ୮:୨୭-୩୯)

୧ ତାୟୁ ଜୀସୁ ଅଡ଼େ ସୀସୁୟା ଗାଲିଲି ଆତାଲାତି ଗରାସିୟ\*  
ରାଜିତା ଏଗାହାଚେରି □

୨ ଜୀସୁ ତଂଗଟି ରେପନିଏ ର ବୃତ୍ତୁ ଆଲଗା ମାଚାସି ମାଡ଼ହା ମୁହନି  
ଚାୟୁଟି ହଚାଞ୍ଜାହାନା ଜୀସୁଇଁ ବେଗାଆଡ଼େସି □

୩ ଏଞ୍ଜାସି ମାଡ଼ହା ମୁହନି ଚାୟୁତା ବାସା କିହିମାଚେସି,  
ଇଞ୍ଜା ଆମ୍ବାଆସି ଜିକେଏ ଏଞ୍ଜାଣାଇଁ ହିକ୍‌ଣିୟା ତଲେ ଦସାଲି  
ଆଡ଼ିହିଲାଆଡେରି;

୪ ଇଚିହଁ ଏଞ୍ଜାଣାଇଁ ହାଚେକା ଦେବା ହିକ୍‌ଣିୟା ତଲେ  
ଦସାମାଚେରି, ସାମା ଏ ହିକ୍‌ଣିୟା ତାପହାନା କୁଟୁକୁଟା କିଡେସି,  
ଇଞ୍ଜା ଏଞ୍ଜାଣାଇଁ ଦସା ଇଚାଲି ଆମ୍ବାଆରାକି ଜିକେଏ ବାଡ଼ୟୁ  
ହିଲାଆଡେ □

୫ ଏଞ୍ଜାସି ଲାଆଁୟା ମାଦେନା ବାରେବେଲା ମାଡ଼ହା ମୁହନି ଚାୟୁତା  
ଅଡ଼େ ହରୁତା ଡୟାନା କିର୍ଡ଼ି ମାଚେସି, ଇଞ୍ଜା ଖାଲକାତଲେ କଡ଼ହା  
କଡ଼ିହଁ ରାଣାରାକା କିହା କଡ଼ିମାଚେସି □

୬ ଏଞ୍ଜାସି ହେକଟିଏ ଜୀସୁଇଁ ମେସାନା ହଟି ହଟିହଁ ଖାହାନା  
ଏଞ୍ଜାଣି କଡାଣା ରିହାଁ ଜହରା କିଡେସି,

୭ ଅଡ଼େ କାଜା ଗିୟାତଲେ କିର୍ଡ଼ିହଁ ଏଲେଇଚେସି, “ଏ  
ବାଡ଼ୟୁଗାଟି ମାହାପୁରୁ ମାର୍‌ଏଣାତି ଜୀସୁ, ନୀ ତଲେ ନାଞ୍ଜେ ଏନାୟି  
ମାଚେ ? ନିଞ୍ଜେ ମାହାପୁରୁ ଦରୁତଲେ ପାର୍‌ମାଣା କିହିମାଞ୍ଜାଇଁ,  
ନାଞ୍ଜେ କସ୍ତୁ ହିୟାଆନି □”

୮ ଏନାଆଁତାକି ଇଚିହଁ ଜୀସୁ ଏଞ୍ଜାଣାଇଁ ଏନାଆଁ ଇଞ୍ଜାଲି  
ହାଜିମାଚେସି, “ଏ ପଲ୍‌ଆ ବୃତ୍ତୁଟି ଇଞ୍ଜାଣି ତାଣାଟି ହଚାହାଲାମୁ □”

୯ ଜୀସୁ ଏଞ୍ଜାଣାଇଁ ଖେଚେସି, “ନୀ ଦରୁ ଏନାୟି ?” ଏଞ୍ଜାସି  
ଏଲେଇଚେସି, “ନା ଦରୁ ‘ମାନ୍ଦା’ ଇଚିହଁ ମାୟୁ ହାଚେକା  
ଜାଣାତମି □”

\* ୫:୧ ୫:୧ କଚେକା ସାଢ଼େସିରତା ଗବରିୟ ରାସ୍‌କି ଆହାମାଚେ

୧୦ ଇଞ୍ଜାଁ ଜୀସୁ ଏନିକି ଏ ପଲଥା ବୁଡୁୟାଣି ଏ ରାଜିତି ଅର ରାଜିତା ପାଣ୍ଡାସି, ଏଦାଆଁତାକି ଏଝି ଜୀସୁଇଁ ହାରେକା ବାତିମାଲିତୁ  
□

୧୧ ଏମ୍ବାଆଁ ହରୁ ଦାରିତା ର ମାନ୍ଦା ପାଜିୟାଁ ମେୟିଁମାରୁ □

୧୨ ଅଡେ ଏ ବୁଡୁୟାଁ ବାତିମାଲିହିଁ ଏଲେଇରୁ, “ମାଙ୍ଗେ ଏ ପାଜିୟାଁ ମାନ୍ଦାତା ହଡାଲି ପାଣ୍ଡାମୁ □”

୧୩ ଏଝାସି ଏଝାରାଇଁ ହୁକୁମି ହୀହାଲିଏ, ଏ ପଲଥା ବୁଡୁୟାଁ ଏଝାଣି ତାଣାଟି ହଚାନା ପାଜିୟାଁ ମାନ୍ଦା ବିତ୍ରା ହରୁ; ଏମ୍ବାଟିଏ ମାନ୍ଦା ପାଜିୟାଁ ତବେ ହଚାନା ତାଗେ ମାଟି ସାମ୍ବୁରିତା ମେଦାନା ହାହାହାରୁ, ବାରେ ରୀ ମାଣା ପାଜିୟାଁ ମାରୁ □

୧୪ ଏ ପାଜିୟାଁ ମେଟିମାଟି ଗଡ଼କା ଗାଡ଼ାତା ଅଡେ ନାସକାଣାଁ ଏ କାତା ଝେସକା ହାରେରି; ଏମ୍ବାଟିଏ ଲକୁ ଏନାଆଁ ଆହାମାନେ ଇଞ୍ଜିଁ ସିନିକିହାଲି ଝାଡେରି □

୧୫ ଅଡେ ଏଝାରି ଜୀସୁ ତାଗେ ଝାହାନା, ଏ ବୁଡୁ ଆଲଗା ମାଟାଣାଇଁ ଇତିହିଁ ଆମ୍ବାଆରାକି ନଡକଏ ମାନ୍ଦା ବୁଡୁୟାଁ ଆସାମାରୁ, ଏଝାଣାଇଁ ହିମ୍ବୁରି ହୁଚାନା ନେହିଁ ମନତଲେ କୁଗାମାଟାଣି ମେସାନା ଆଜିତେରି □

୧୬ ଆମ୍ବାଆରି ମେସାମାଟେରି, ବୁଡୁ ଆଲଗା ମାଟାସି ଏନିକିଁ ନେହିଁ ଆଡେସି, ଅଡେ ପାଜିୟାଁ ଏନିକିଁ ନାସା ଆତୁ ଏ ବାରେ ଝେସ୍ପେରି □

୧୭ ଏମ୍ବାଟିଏ ଏଝାରି ଜୀସୁଇଁ ତାମି ହାନ୍ଦିଟି ହାଜାଲି ବାତିମାଲିତେରି □

୧୮ ତାୟୁ ଜୀସୁ ତଂଗତା ହଡ଼ିମାଟାଟି ଆମିନି ଗାଟାଣାକି ବୁଡୁ ଆଲଗାମାଟେ, ଏଝାସି ତାମିତଲେ ଡୟାଲି ତାକି ବାତିମାଲିତେସି  
□

୧୯ ସାମା ଜୀସୁ ହେଲ ହୀଆନା ଏଝାଣାଇଁ ଏଲେଇଚେସି, “ନୀ ଇଜ ନୀ ଲକୁତାଣା ହାଲମାମୁ, ଇଞ୍ଜାଁ ପ୍ରବୁ ନିଙ୍ଗେତାକି ଏନି କାମା ଅଡେ ନିଙ୍ଗେତାକି ଏମିନି କାର୍ମା କିହାମାଞ୍ଜାନେସି, ଏ ବାରେ ଏଝାରାଇଁ ଝେହ୍ମୁ □”

୨୦ ଏମ୍ବାଟିଏ ଏଞ୍ଜେଲ ହାଜାନା, ଜୀସୁ ଏଞ୍ଜେଲି ଏନ୍ଦି କାମା କିହାମାଚେସି, ଏଞ୍ଜେଲି ଦେକାପଲିତା† ଝେକ୍‌ହାଲି ମାଟ୍‌ହେସି; ଏମ୍ବାଟିଏ ବାରେଜାଣା କାବା ଆଡେରି □

ଜାୟିରସ ମାଜ୍‌ମାନି ଜୀସୁ ଇଞ୍ଜା ନେତେରି ଝାଜ୍‌ମାଟି ଇୟା ନେହ୍ ଆନାୟି  
(ମାତି ୯:୧୮-୨୬; ଲୁକ ୮:୪୦-୫୬)

୨୧ ଜୀସୁ ତଂଗଟି ଗାଣ୍‌ଗାନା ଅରଞ୍ଜାକି ଝେଣ୍ଡେ ଝାଡେସି, ମାନ୍ଦା ଲକୁ ଏଞ୍ଜେଲି ତାଣା ରୁଣ୍ଡା ଆଡେରି; ଇଞ୍ଜା ଏଞ୍ଜେଲି ସାମଦୁରି ଗାଟୁତା ଡୟିଡେସି □

୨୨ ଏଟିବେଲା ଜୀହୁଦି ଲକୁଡି କୁଟମି ଇଲୁଡି‡ କାଜାରି ବିତ୍ରାଟି ଜାୟିରସ ଦରୁଗାଟାସି ରଅସି ଜୀସୁଇଁ ମେସାନା ଏଞ୍ଜେଲି କତାଣା ରାଡେସି,

୨୩ ଇଞ୍ଜା ହାରେକା ବାଡିମାଲିହ୍ ଏଲେଇଡେସି, “ନା ମାଜ୍‌ମା ହାନ୍ଦିହଗେ ଆହାମାନେ; ଏଡି ଏନ୍ଦିକ୍ ନେହ୍ ଆହାନା ନୀତିନେ, ଏଦାଆଁତାକି ନୀନୁ ଝାହାନା ଏଦାନି ଲାକ କେୟୁ ଇଟାମୁ □”

୨୪ ଏମ୍ବାଟିଏ ଜୀସୁ ଏଞ୍ଜେଲିତଲେ ହାଚେସି, ଇଞ୍ଜା ହାରେକା ଲକୁ ଏଞ୍ଜେଲିତଲେ ହାଜାଲି ମାଟ୍‌ହେରି, ଇଞ୍ଜା ଏଞ୍ଜେଲି ମୁହେଁ ମୁହେଁ ଝିସ୍‌ପି ଆହିମାଚେରି □

୨୫ ଏଟିବେଲାତା ର ଇୟା ବାର ବାର୍ସା ପାତେକା ନେତେରି ଝାଜ୍‌ମାନି ରଗତା ନେତେରି ତୁଜାଆନା ନେହ୍ ଆହି ହିଲାଆଡେ,

୨୬ ଇଞ୍ଜା ଅସଗୁରୁ ତାଣା ହାଜାନା ଜିକେଏ ହାରେକା ଟାକାୟାଁ କାରୁଁ କିହାମାଚେ, ଅଡେ ଜିକେଏ ନେହ୍ ଆହାହିଲାଆଡେ, ସାମା ହାରେକା କସ୍ତ୍ର ବେଟାଆହି ମାଚେ □

୨୭ ଏଡି ଜୀସୁତି କାତା ଝେଞ୍ଜାନା ଲକୁ ମାନ୍ଦାତା ଝାହାନା ତାୟୁ ଝାକିଟି ଏଞ୍ଜେଲି ହିମ୍ବୁରି ତୀଗିଡେ;

୨୮ ଇଟିହ୍ ଏଡି ଏଲେ ଇଞ୍ଜିମାଚେ, “ଏଞ୍ଜେଲି ହିମ୍ବୁରି ତୀଗିଡିହ୍ ନେହ୍ ଆଇଁ □”

† ୫:୨୦ ୫:୨୦ ଦସଗଟା ନାୟ୍‌କା ‡ ୫:୨୨ ୫:୨୨ ସିନଗର

୨୯ ଏ ଦେବୁଣିଏ ଏଦାଣି ନେତେରି ବନାୟି ତୁଙ୍ଗିତେ, ଇଞ୍ଜା ଏଦି ରଗଟି ନେହୁ ଆହାମାନେ ଏଦାଆଁ ତାନି ଆଙ୍ଗାତା ପୁଞ୍ଜା କଡିତେ □

୩୦ ଦେବୁଣିଏ ଜୀସୁ ତାନି ଆଙ୍ଗାଟି ବାଡୁୟୁ ହାଚାଣି ହିୟାଁତା ପୁଞ୍ଜାନା, ଲକୁ ମାନ୍ଦାତା ଝେଣ୍ଡେ ସିନିକିହାନା ଏଲେଇଚେସି, “ଏମ୍ବାଆୟି ନା ହିମ୍ବରି ଡୀଗାତେ ?”

୩୧ ଏମ୍ବାଟିଏ ତାନି ସୀସୁୟାଁ ଏଲେଇଚେରି, “ନୀନୁତ ମେସିମାଞ୍ଜି ଲକୁ ଏନିକି ନୀ ମୁହେ ଆହିମାନେରି, ଅଡେ ଏଲେ ଇଞ୍ଜିମାଞ୍ଜି ଆମ୍ବାଆୟି ନାଙ୍ଗେ ଡୀଗାତେ ?”

୩୨ ସାମା ଏମ୍ବାଆୟି ତାଙ୍ଗେ ଡୀଗିତେ ଏଦାଆଁ ମେସାଲି ଜୀସୁ ସାରିସୁଟୁ ସିନିକିତେସି □

୩୩ ଏମ୍ବାଟିଏ ଏ ଇୟା ଝାହାନା ତାଙ୍ଗେତାକି ଏନାୟି ଆହାମାନେ ଏଦାଆଁ ପୁଞ୍ଜା ଆଜିତାକି ତୀରୁଗିହୁଁ ଝାହାଁ ତାନି କଡାଣା ରିହାନା ବାରେ ସାତା କାତା ଏଝାଣାଇଁ ଝେସ୍ତେ □

୩୪ ଏମ୍ବାଟିଏ ଜୀସୁ ଏ ଇୟାନି ଏଲେଇଚେସି, “ଆଲ ମାଙ୍ଗା ନୀ ନାମୁ ନିଙ୍ଗେ ନେହୁଁ କିହାମାଞ୍ଜାନେ; ହିଡ଼ି ତଲେ ହାଲାମୁ ଇଞ୍ଜା ନୀ ରଗଟି ନେହୁଁ ଆମୁ □”

୩୫ ଜୀସୁ ଇ କାତା ଝେସିମାଚାଟି, ଜୀହୁଦି ଲକୁଡି କୁଚମି ଇଲୁଡି କାଜାଣା ଇଜଟି ରଅସି ଝାହାନା ଏଲେଇଚେସି, “ନୀ ମାଙ୍ଗା ହାଡେୟିଏ ଗୁରୁଇଁ ଅଡେ ଏନାଆଁତାକି କସ୍ତୁ ହୀହିମାଞ୍ଜି ?”

୩୬ ସାମା ଜୀସୁ ଏ କାତା ଝେଞ୍ଜାନା ଝେନାଆତିଲେହେଁ ଆହାନା ଜାୟିରସଇଁ ଏଲେଇଚେସି, “ଆଜାଆନି ସାମା ନାମାମୁ □”

୩୭ ଅଡେ ଏଝାସି ପିତର, ଜାକୁବ, ଅଡେ ତାନି ତାୟି ଜହନ ପିସ୍ପେ ଆମ୍ବାଆରାଇଁ ତାନିତଲେ ଅଆତେସି □

୩୮ ଏଝାରି ଜାୟିରସ ଇଜ ଏଜାଲିଏ, ଏମ୍ବାଆଁ ହାଡେକା କାଲୁଝି ଆହୁଁ ଡୀହିମାନାଣି ମେସେସି,

୩୯ ଇଞ୍ଜା ବିତ୍ତା ହାଜାନା ଏଝାସିକାଣି ଏଲେଇଚେସି, “ଏନାଆଁତାକି କାଲୁଝି ଆହୁଁ ଡୀହି ମାଞ୍ଜେରି, ଇ ପଦା ହାହାହିଲେଏ ସାମା ଇଦା କିହାମାନେ” ଏମ୍ବାଟିଏ ଏଝାରି ଏଝାଣାଇଁ କାକହେରି □

୪୦ ଏଞ୍ଜାରି ଏଞ୍ଜାଣାଇଁ ଲାଜା କିହାନା କାକହେରି, ସାମା ଏଞ୍ଜାସି ବାରେତି ପାଙ୍ଗାତା ପାଣ୍ଡାନା ପଦାନି ଇୟା ଆବା ଅଡ଼େ ତାନି ତାନି ଜାଣା ସୀସୁୟାଁ ତଲେ ଏ ପଦା ମାତି ତାଣା ହାରେରି,

୪୧ ଇଞ୍ଜା ଏ ପଦାନି କେୟୁ ଆସାନା ଏଦାନି ଏଲେଇଚେସି, “ଚଲିତା କୁମ୍” ଇଚିହିଁ “ଆଲ ମାଙ୍ଗା ନାନୁ ନିଙ୍ଗେ ଝେସିମାଞ୍ଜାଇଁ ନିଙ୍ଗାମୁ □”

୪୨ ଏ ଦେବୁଣିଏ ପଦା ନିଙ୍ଗାନା ତାକିତେ (ଇଚିହିଁ ଏଦି ବାର ବାର୍ସା ଆହାମାଚେ) ଏମ୍ବାଟିଏ ଏଞ୍ଜାରି ହାରେକା କାବା ଆଡେଚି □

୪୩ ଇଞ୍ଜା ଇ କାତା ଏନିକିଁ ଆମ୍ବାଆରି ପୁନଅରି, ଏଦାଆଁତାକି ଏଞ୍ଜାସି ଏଞ୍ଜାରାଇଁ ଜାଣ୍ଡେ ହୁକୁମି ହୀତେସି, ଇଞ୍ଜା “ପଦାନାକି ଏନାଆଁ ତିଞ୍ଜାଲି ହୀଦୁ” ଇଚେସି □



**ଜୀସୁଇଁ ନାଜରିତତା ଅପାଆଗାଟାୟି  
(ମାତି ୧୩:୫୩-୫୮; ଲୁକ ୪:୧୭-୩୦)**

୧ ଜୀସୁ ଏ ଟାୟୁ ପିସାନା ତାନୁ ପାତାଆଡ଼ି ନାୟୁତା ହାରେସି ଇଞ୍ଜା ତାନି ସୀସୁୟାଁ ତାନି ଜେଚ ହାରେଚି □

୨ ଜମିନି ଦିନା ଝାହାଲିଏ, ଏଞ୍ଜାସି ଜୀହୁଦି ଲକୁଡି କୁଟମି ଇଲୁତା\* ଜାପୁହାଲି ମାଟ୍‌ହେସି; ଇଞ୍ଜା ହାରେକା ତାନି କାତା ଝେଞ୍ଜାନା କାବା ଆହା ଏଲେଇଚେଚି, “ଇଞ୍ଜାଣାକି ଇ ବାରେ ଏମ୍ବିଟି ଆଡେ ? ଇଞ୍ଜାସି ଇଲେତି ବୁଦି ଏନିକିଁ ପୁଚେସି ? ଇଞ୍ଜା ଇଲେତି କାବାଆନି କାମା ଏନି ବାଡ଼ୁୟୁ ତଲେ କିହିମାନେସି ?”

୩ ଇଞ୍ଜାସି ଏ ବାଡ଼ିୟାତି ମୀରଏସି ଆଏକି ? ଇଞ୍ଜାସି ମରିୟମନି ମୀରଏସି ଇଞ୍ଜା ଜାକୁବ, ଜସି, ଜୀହୁଦା ଇଞ୍ଜା ସିମନତି ତାୟି ଆଏକି ? ଇଞ୍ଜା ତାନି ତାଙ୍ଗିମ୍ବା ଇମ୍ବାଆଁ ମା ତଲେ ହିଲାଉ କି ? ଅଡ଼େ ଏଞ୍ଜାରି ଏଞ୍ଜାଣାଇଁ ଅପାଆଡେଚି □

୪ ☆ଏମ୍ବାଟିଏ ଜୀସୁ ଏଞ୍ଜାରାଇଁ ଏଲେଇଚେସି, “ମାହାପୁରୁ ଅଣପୁତି ବଲୁ ଝେହନାରି ଏଟ୍‌କା ଲକୁ ତାଣାଟି ମାନି ବେଟାଆନେରି ସାମା

\* ୭:୨ ୭:୨ ସିନଗର ☆ ୭:୪ ୭:୪ ଜହ ୪:୪୪

ତାମି ନାୟୁଁତି ଲକୁ ଇଞ୍ଜା ତାମି ଇଲୁ କୁଟମିତି ଲକୁ ଏଞ୍ଜାଣାଙ୍କୁ ମାନ୍ତି କିଅରି □”

୫ ଇଞ୍ଜା ଏଚରଜାଣା ରଗ ଗାଟାରାଙ୍କୁ କେୟୁ ଇଟାନା ନେହୁଁ କିନାଣି ପିସପେ ଏ ଟାୟୁତା ଏନି ବାଡୁୟୁତି କାମା କିହାଲି ଆଡାଆତେସି □

୬ ଇଞ୍ଜା ଏଞ୍ଜାରି ନାମାଆତାକି ଜୀସୁ ହାରେକା କାବା ଆଡେସି ଏମ୍ବାଟି ବାରେ ନାସକାଣାଁ ହାଜାନା ଜାପୁହେସି □

ଜୀସୁ ବାରଜାଣା ସୀସୁୟାଣି ପାଣ୍ଡିନାୟି  
(ମାତି ୧୦:୫-୧୫; ଲୁକ ୯:୧-୭)

୭ ତାୟୁ ଏଞ୍ଜାସି ନାସକା ନାସକାଣାଁ ରେଜି ରେଜିହୁଁ ଜାପୁହାଲି ମାଟୁହେସି, ଏମ୍ବାଟିଏ ବାରଜାଣାତି ତାଗେ ହାଟାନା ଏଞ୍ଜାରାଙ୍କୁ ରିଆରି ଲାକା କିହାନା ପାଣ୍ଡାଲି ମାଟୁହେସି ଇଞ୍ଜା ଲାଗେଏ ପଲେଏତି ଜୀସୁୟାଁ ଲାକ ଏଞ୍ଜାରାକି ଅଦିକାରା ହାତେସି,

୮ ଅଡେ ହାଜାଲିତାକି ବାଡୁଗା ପିସପେ, ଲହଡ଼ି କି ମଣା କି ଅଟଡିତା ଟାକାୟାଁ ଅଆଦୁ ଇଞ୍ଜୁ ହୁକୁମି ହାତେସି;

୯ ସାମା ଏଞ୍ଜାରାଙ୍କୁ କତାତା ସେପୁୟାଁ ତୁରହାଲି ଏଲେଇଚେସି, ଇଞ୍ଜା ରୀ ସକାୟାଁ ତୁରହାଲି କାହି କିତେସି □

୧୦ ଇଞ୍ଜା ଜୀସୁ ଏଞ୍ଜାରାଙ୍କୁ ଏଲେଇଚେସି, “ମିଙ୍ଗ ଆମିନି ଇଲୁତା ହାଟାନେରି, ଏମ୍ବାଟି ଝେଣ୍ଡା ଝାଆ ପାତେକା ଏମ୍ବାଆଁ ତୟାଦୁ □

୧୧ ✠ସାମା ଆମିନି ଟାୟୁତି ଲକୁ ମିଙ୍ଗ ଆବଅରି, କି ମୀ କାତା ଝେନଅରି, ଏମ୍ବାଟି ଝେଣ୍ଡା ଝାନାଟି ଏଞ୍ଜାରି ନକିତା ସାକି ହାହାଲି ତାକି ମୀ କତାତି ଦୁଡ଼ି ହାଣ୍ଡୁ □”

୧୨ ଏମ୍ବାଟିଏ ଏଞ୍ଜାରି ରେଜି ରେଜିହୁଁ ପାପୁ ପିସାନା ମନ ଝେଟ୍ଟନି କାତା ଝେକହେରି,

୧୩ ✠ଇଞ୍ଜା ହାରେକା ବୁତୁଣି ପିସପି କିତେରି, ଇଞ୍ଜା ହାରେକା ରଗ ଗାଟାରାଙ୍କୁ ନିୟୁଁ ରୁବାନା ନେହୁଁ କିତେରି □

☆ ୭:୧୧ ୭:୧୧ କାମା ୧୩:୫୧ ☆ ୭:୧୧ ୭:୧୧ ଲୁକ ୧୦:୪-୧୧ ☆ ୭:୧୩ ୭:୧୩ ଜାକୁବ ୫:୧୪



ବାପ୍ତିସ୍ମା<sup>‡</sup> ହାନି ଜହନତି ହାନାୟି  
(ମାତି ୧୪:୧-୧୨; ଲୁକ ୯:୭-୯)

୧୪ ✠ଏମ୍ବାଟିଏ ଜୀସୁ ଦରୁ ସାରି ଝାକି ଝେଙ୍ଗା ହାଜାଲିଏ ହେରଦ  
ରାଜା ଏଝାଣି କାତା ଝେଚେସି, ଇଞ୍ଜା ଲକୁ ଏଲେଇଞ୍ଜିମାଚେରି,  
“ବାପ୍ତିସ୍ମା<sup>‡</sup> ହାନି ଜହନ ହାଡ଼ାରି ତାଣାଟି ନିଙ୍ଗାମାନେସି, ଏଦାଆଁତାକି  
ଇ ବାରେ କାବାଆନି ବାଡ଼ୟୁତି କାମା ଏଝାଣି ତାଣା ଆହିମାନେ □”

୧୫ ସାମା ଏଟକାତାରି ଏଲେଇଞ୍ଜିମାଚେରି, “ଇଝାସି ଏଲିୟ □”

ଇଞ୍ଜା ଅଡ଼େ ଏଚରଜାଣା ଏଲେଇଞ୍ଜିମାଚେରି, “ମାହାପୁରୁ  
ଅଣ୍ପୁତି ବଲୁ ଝେହନାରି ଲେହେଁ ଇଝାସି ଜିକେଏ ମାହାପୁରୁ  
ଅଣ୍ପୁତି ବଲୁ ଝେହନାସି □”

୧୬ ସାମା ହେରଦ ଇଦାଆଁ ଝେଞ୍ଜାନା ଏଲେଇଚେସି, “ଆନିନି  
ଜହନତି ତାୟ୍ଁ ନ୍ନାନୁ ଦାପି କିହାମାକ୍, ଏଝାସି ନିଙ୍ଗାମାନେସି □”

୧୭ ✠ଇଚିହ୍ଁ ହେରଦ ତାନି ତାୟି ପିଲିପ ତକ୍ତି ହେରଦିୟାନି  
ବୀହା ଆହାମାଚାକି, ଏଦାନି ତାକି ତାନୁ ଲକୁଣି ପାଣ୍ଡାନା ଜହନକ୍  
ଦସ୍ପା ତାଚାନା କାୟିଦିତା ଇଟାମାଚେସି □

୧୮ ଇଚିହ୍ଁ ଜହନ ହେରଦକ୍ ଏଲେଇଞ୍ଜାମାଚେସି, “ନୀ ତାୟି  
ତକ୍ତିନି ଇଚିନାୟି ନୀ ମେରା ହିଲାଆତେ □”

୧୯ ଏମ୍ବାଟିଏ ହେରଦିୟା କାରୁବି ଆହାନା ଜହନକ୍ ପାୟାଲି ମନ  
କିହିମାଚେ ସାମା ଏଦି ଏନାଆଁ କିହାଲି ଆଡ଼ିହିଲାଆତେ □

୨୦ ଇଚିହ୍ଁ ହେରଦ ଜହନକ୍ ର ଦାମ୍ବୁଗାଟାସି ଅଡ଼େ ସୁଦୁଗାଟାସି  
ଇଞ୍ଜା ଆଜିମାଚେସି, ଇଞ୍ଜା ଏଝାଣାକ୍ ଗେଲ୍ପାଲି ଅଣ୍ପିମାଚେସି,  
ଏଝାଣି କାତା ଝେଞ୍ଜାନା ଆଜିତିହ୍ଁ ଜିକେଏ ଏଝାଣି କାତା ଝେଞ୍ଜାଲି  
ମନ କିହିମାଚେସି □

୨୧ ତାୟୁ ହେରଦିୟାକି ର ପାରୁ ମେଡ଼ାଆତେ, ହେରଦ ତାନି ଜାନୀ  
ଦିନାତା କାଜା କାଜା ମନ୍ଦ୍ରିୟାଣି ଇଞ୍ଜା ଗାଲିଲିତି କାଜା କାଜାରାକ୍  
ଲାଆଁ ବେଲାତା ର ବଜିତା ହାଡ଼ିଚେସି;

୨୨ ଇଞ୍ଜା ହେରଦିୟାନି ମାଙ୍ଗା ବିତ୍ରା ହାଜାନା ଏନ୍ଦାହାଁ ହେରଦ  
ଇଞ୍ଜା ତାନିତଲେ ବଜିତା କୁଗାମାଟି ଲକୁଣି ରାହାଁ କିଝିକିଚେ,

† ୭:୧୩ ୭:୧୪ ମୁଞ୍ଜିନାୟି ✠ ୭:୧୪ ୭:୧୪ ମାତି ୧୭:୧୪; ମାର୍କ ୮:୨୮; ଲୁକ ୯:୧୯  
‡ ୭:୧୪ ୭:୧୪ ମୁଞ୍ଜିନାୟି ✠ ୭:୧୭ ୭:୧୭ ଲୁକ ୩:୧୯,୨୦

ଏମ୍ବାଟିଏ ରାଜା ଏ ପଦାନି ଏଲେଇରେସି, “ଏନାଆଁ ମନ କିହିମାଞ୍ଜି ରାସ୍ତାମୁ ନାନୁ ଏଦାଆଁ ନିଙ୍ଗେ ହିୟାଙ୍କ୍ □”

୨୩ ଇଞ୍ଜା ଏଞ୍ଜାସି ପଦା ନକିତା ପାରମାଣା କିତେସି, “ନାନୁ ନାଙ୍ଗେ ଏନାଆଁ ରାସ୍ତାଦି, ରାଜିତି ଆଦା ଜିକେଏ ନାନୁ ନିଙ୍ଗେ ହିୟାଙ୍କ୍ □”

୨୪ ଏମ୍ବାଟିଏ ଏ ପଦା ହାଜାନା ତାନି ଇୟାନି ଖେରେ, “ନାନୁ ଏନାଆଁ ରାହଙ୍କ୍ ?”

ଏମ୍ବାଟିଏ ଏଦି ଏଲେଇରେ, “ବାପ୍ତିସ୍ତୁଟ୍ ହାନି ଜହନତି ତାୟ୍ ଠୁ”

୨୫ ଏ ଦେବୁଣିଏ ରାଜା ତାଣା ତବେ ଖାହାନା ଏଲେଇଞ୍ଜି ରାସ୍ତେ, “ନାଙ୍ଗେ ନାନୁ ବାପ୍ତିସ୍ତୁଟ୍\* ହାନି ଜହନତି ତାୟ୍ ଠୁ ସାଡ଼ଞ୍ଜାତା ନୀଏଁ ନାଙ୍ଗେ ହିୟାମୁ □”

୨୬ ଏମ୍ବାଟିଏ ରାଜା ହାରେକା ଦୁକୁ ଆଡ଼ିହ୍ ଜିକେଏ, ତାନୁ କିତି ପାରମାଣା ଅଡ଼େ ବଜିତା କୁଗାମାଚାରି ତାକି ଆଏ ଇଞ୍ଜାଲି ଆଡାଆତେସି □

୨୭ ଏଦାଆଁତାକି ରାଜା ଦେବୁଣିଏ ର କହୁଏଁଶାଙ୍କ୍ ପାଣ୍ଡାନା ତାନି ତାୟ୍ ଡାଚାଲି ହୁକୁମି ହୀତେସି, ଏମ୍ବାଟିଏ ଏଞ୍ଜାସି ହାଜାନା କାୟିଦି ଇଲୁତା ତାନି ତାୟ୍ ଡାଡ଼େସି;

୨୮ ଅଡ଼େ ଏଦାଆଁ ର ସାଡ଼ଞ୍ଜାତା ତାଚାନା ପଦାନାକି ହୀତେସି, ଇଞ୍ଜା ପଦା ଏଦାଆଁ ଅହାନା ତାନି ଇୟାନାକି ହୀତେ □

୨୯ ଇଞ୍ଜା ଜହନତି ସୀସୁୟାଁ ଏ କାତା ଖେଞ୍ଜାନା ଖାଡ଼େରି, ଇଞ୍ଜା ତାନି ମାଡ଼ହାତି ଅହାନା ମାଡ଼ହା ଇଟିନି ଟାୟୁତା ଇଟିତେରି □

**ଜୀସୁ ପାସାମାଣା ଲକୁତାକି ତାହନାୟି**

(ମାତି ୧୪:୧୩-୨୧; ଲୁକ ୯:୧୦-୧୭; ଜହ ୬:୧-୧୪)

୩୦ ତାୟୁ ପାଣ୍ଡୁଣ୍ଡି ଆହାମାଚାରି ଜୀସୁ ତାଣା ଖାଡ଼େରି, ଇଞ୍ଜା ଏଞ୍ଜାରି ଏନା ଏନାଆଁ କିହାମାଚେରି, ଇଞ୍ଜା ଏନା ଏନାଆଁ ଜାପୁହା ମାଚେରି, ଏ ବାରେ ଏଞ୍ଜାଶାଙ୍କ୍ ଖେସ୍ତେରି □

୩୧ ଏମ୍ବାଟିଏ ଜୀସୁ ଏଞ୍ଜାରାଙ୍କ୍ ଏଲେଇରେସି, “ମାର ଇମ୍ବାଟି ଲକୁ ହିଲିଆ ଟାୟୁତା ହାନ, ଏମ୍ବାଆଁ ମୀରୁ ଗାଡ଼େକା ଜମାଦୁ □” ଇଟିହ୍

§ ୭:୨୪ ୭:୨୪ ମୁଞ୍ଜନାୟି \* ୭:୨୫ ୭:୨୫ ମୁଞ୍ଜନାୟି

ହାରେକା ଲକ୍ଷ୍ମୀ ହାଜି ଖାହି ଆହିମାଚାକି ଏଝାରାକି ତିଞ୍ଜାଲି ଜିକେଏ ମୁଆତେ □

୩୭ ଏମ୍ବାଟିଏ ଏଝାରି ଏଟ୍ଟକା ଆହାନା ର.ତଂଗତା ହଡାନା ଲକ୍ଷ୍ମୀ ହିଲାଆ ଟାୟୁତା ହାଚେରି □

୩୩ ସାମା ହାରେକା ଲକ୍ଷ୍ମୀ ଏଝାରି ହଡା ହାଚାଣି ମେସ୍ତେରି ଅଡେ ପୁଚେରି, ଇଞ୍ଜା ଲକ୍ଷ୍ମୀ ବାରେ ଗାଡ଼ାୟାଟି ତାକିହିଁ ହାଜାନା ଏଝାରି ନକିତା ଏଗାହାଚେରି □

୩୪ ☆ଏଝାସି ତଂଗଟି ରେଚାନା ହାରେକା ଲକ୍ଷ୍ମୀ ମେସାନା ଏଝାରାଇଁ କାର୍ମା ଆଡେସି, ଇଚିହିଁ ଏଝାରି ଗଡୁ ହିଲାଆ ମେଣ୍ଡାୟା ଲେହେଁ ମାଚେରି; ଇଞ୍ଜା ଏଝାସି ଏଝାରାଇଁ ହାରେକା କାତା ଜାପୁହେସି □

୩୫ ଗାଡି ଖେଡ଼ାଆୟାଲିଏ ତାନି ସୀୟୁୟାଁ ତାନି ତାଣା ଖାହାନା ଏଲେଇଚେରି, “ଇ ଟାୟୁ ଲକ୍ଷ୍ମୀ ହିଲାଆ ଟାୟୁ ଇଞ୍ଜା ଆନ୍ଦେରି ଜିକେଏ ଆହିମାନେ;

୩୬ ଲକ୍ଷ୍ମୀ ଏନିକିଁ ସାରିଝାକି ମାନି ଖାଲହାଝାଡ଼ି ଅଡେ ଗାଡ଼ାତା ହାଜାନା ତାମ୍ବେ ତାକି ତିଞ୍ଜାଲି ରାନ୍ଦା କତାପେରିଝା, ଏଡାଆଁତାକି ଏଝାରାଇଁ ହେଲ ହୀହାନା ପାଣ୍ଡାମୁ □”

୩୭ ସାମା ଜୀସୁ ତାନି ସୀୟୁୟାଁଇଁ ଏଲେଇଚେସି, “ମୀରୁ ଏଝାରାକି ତିଞ୍ଜାଲି ହୀଦୁ □”

ଏଝାରି ଏଲେଇଚେରି, “ମୀରୁ ରୀ ଖାଞ୍ଜା ଖେଣ୍ଡି ଟାକାୟାତିଠି ରୁଟି ତାଚାନା ଇଝାରାକି ତିଞ୍ଜାଲି ହୀନାୟି କି ?”

୩୮ ଜୀସୁ ଏଝାରାଇଁ ଏଲେଇଚେସି, “ମୀ ତାଣା ଏଚରଗଟା ରୁଟି ମୀନୁ ? ହାଜାନା ସିନିକିଦୁ □”

ଏଝାରି ଖେଞ୍ଜା ଖାହାନା ଜୀସୁଇଁ ଏଲେଇଚେରି, “ପାସାଗଟା ରୁଟି ଇଞ୍ଜା ରୀ ମୀଣକା ମୀନୁ □”

୩୯ ଇଞ୍ଜା ଜୀସୁ ତାନି ସୀୟୁୟାଁଇଁ ଏଲେଇଚେସି, ବାରେ ଲକ୍ଷ୍ମୀଇଁ ଗଟି ଗଟି କିହିଁ କୁଟି ଜାଡ଼ା ଲାକ କୁଟିକିହାଲି ଖେସ୍ତେସି □

☆ ୭:୩୪ ୭:୩୪ ମାତି ୯:୩୭ † ୭:୩୭ ୭:୩୭ ର.ଦିନାତି ବୁଟି ର.ଖେଣ୍ଡି ଟାକା

୪୦ ଏବେଟିଏ ଏଞ୍ଜାରି ପାସାକଡ଼ି ଜାଣା ରୀ କଡ଼ି ଦସ ଜାଣା ଲାକା ମାନ୍ଦା ମାନ୍ଦା ଆହୁଁ କୁଗିତେରି □

୪୧ ତାମ୍ଭୁ ଜୀସୁ ଏ ପାସାଗଟା ରୁଟି ଇଞ୍ଜା ରୀ ମୀଶକା ଅହାନା ଲାକପୁରୁ ଖାକି ସିନିକିହାଁ ମାହାପୁରୁଇଁ ଜହରା କିତେସି, ଅଡ଼େ ରୁଟି ଡିକହାନା ଲକୁତାକି ବାଟି କିହା ହୀହାଲି ତାନି ସୀସୁୟାଁକି ହୀତେସି, ଇଞ୍ଜା ରୀ ମୀଶକା ଜିକେଏ ଏଲେକିହୁଁଏ ବାଗା କିହାନା ହୀତେସି □

୪୨ ଏମ୍ବାଆଁ ବାରେଜାଣା ତିଞ୍ଜାନା ପାଞ୍ଜିତେରି,

୪୩ ଇଞ୍ଜା ଏଞ୍ଜାରି ହାରାମାଟି ରୁଟି ଅଡ଼େ ମୀଶକା କୁଡ଼ି କିହାନା ବାରଗଟା ଡାଲିତା ନେଞ୍ଜିକିତେରି □

୪୪ ରୁଟି ତିଟି ଲକୁ ପାସାମାଣା ଖାରଇ ଆବାୟାଁ ମାଚେରି □

### ଜୀସୁ ଏୟୁ ଲାକ ତାକିନାୟି

(ମାତି ୧୪:୨୨-୩୩; ଜହ ୭:୧୫-୨୧)

୪୫ ଏ ଦେବୁଣିଏ ଏଞ୍ଜାସି ତାନି ସୀସୁୟାଁଣି ତଂଗତା ହଟାନା ଆତାଲାଞ୍ଜାକି ମାନି ବେଡ଼ସାୟିଦା ଗାଡ଼ାତା ହାଜାଲି ତାନି ନକେଏ ପାଣ୍ଡିତେସି, ଏମ୍ବାଟିଏ ବାରେ ଲକୁଣି ହାଜାଲିତାକି ହେଲ ହୀହାନା ପାଣ୍ଡିତେସି □

୪୬ ଏଞ୍ଜାରି ତାଣାଟି ହେଲ ଅଡ଼ି ତାମ୍ଭୁ ଏଞ୍ଜାସି ପ୍ରାଡାନା କିହାଲି ହରୁତା ହୀତେସି □

୪୭ ମିଡ଼ଅଲ୍ଲା ଆହାଲିଏ ତଂଗ ସାମ୍ବୁରି ମାଦିଏ ମାଚେ, ଇଞ୍ଜା ଜୀସୁ ସାମ୍ବୁରି ଗାଟୁତା ରଅସିଏ ମାଚେସି □

୪୮ ଏମ୍ବାଟିଏ ହାରେକା ଗାଲି ଏଞ୍ଜାରି ଖାକି ଝେଟିମାତାକି ତଂଗ ତାକି କିହାଲି କସ୍ତୁ ଆହିମାଚାଣି ମେସାନା ଏଞ୍ଜାସି ଝେୟା ନେକେରି ସାମ୍ବୁରି ଏୟୁ ଲାକ ତାକିହୁଁ ଏଞ୍ଜାରି ତାଗେ ଖାଡ଼େସି, ଇଞ୍ଜା ଏଞ୍ଜାରି ତାଗେଟି ଆଗାଡ଼ା ହାଜାଲି ଅଣ୍ପାମାଚେସି,

୪୯ ସାମା ଏଞ୍ଜାରି ଏଞ୍ଜାଣାଇଁ ସାମ୍ବୁରି ଲାକ ତାକି ମାନାଣି ମେସାନା ବୁଡୁ ଇଞ୍ଜୁଁ ଅଣ୍ପାନା କାଲୁଞ୍ଜି ଆଡ଼େରି □

୫୦ ଇତିହୁଁ ବାରେଜାଣା ଏଞ୍ଜାଣାଇଁ ମେସାନା ଆଜାହାଜା ମାଚେରି □

ସାମା ଜୀସୁ ଦେବୁଣିଏ ଏଞ୍ଜାରିତଲେ କାତା ଆହାନା ଏଞ୍ଜାରାଇଁ ଏଲେଇଚେସି, “ସାସା ଆହୁଦୁ ନାନୁଏ ଏଞ୍ଜାତେଏ, ଆଜାଆଦୁ □”

୫୧ ଇଞ୍ଜା ଏଞ୍ଜାସି ଏଞ୍ଜାରିତାଣା ହାଜାନା ଡଂଗତା କୁରିତେସି, ଇଞ୍ଜା ଗାଲି ତୁଲିତେ, ଏମ୍ବାଟିଏ ଏଞ୍ଜାରି ମନ ମନତା ହାରେକା କାବା ଆଡେରି □

୫୨ ଇଚିହୁଁ ଏଞ୍ଜାରି ରୁଚିୟାଁ କାତା ପୁଣ୍ଠୁସୁ ପୁଞ୍ଜାହିଲାଆଡେରି, ଏନାଆଁତାକି ଇଚିହୁଁ ଏଞ୍ଜାରି ହିୟାଁ ଆଡ଼ଞ୍ଜା ଆହାମାଚେ □

**ଗେନେସର ରଗ ଗାଟାରାଇଁ ନେହୁଁକିନାୟି  
(ମାତି ୧୪:୩୪-୩୭)**

୫୩ ଏଞ୍ଜାରି ସାମଦୁରି ଗାଟାନା ଗେନେସର ରାଜିତା ଏଜାନା କାତା ଗାଟୁତା ଡଂଗତି ଦସ୍ତେରି □

୫୪ ଅଡେ ଏଞ୍ଜାରି ଡଂଗଟି ରେଚାଲିଏ, ଦେବୁଣିଏ ଲକୁ ଏଞ୍ଜାଣାଇଁ ପୁଞ୍ଜାନା,

୫୫ ଏ ରାଜିତି ସାରିଞ୍ଜାକି ହାଚେରି, ଏଞ୍ଜାରି ଆମିନି ଟାମୁତା ମାନେରି ଇଞ୍ଜୁଁ ଖେଚେରି, ଅଡେ ଜୀସୁ ମାନି ଟାମୁତା ରଗ ଗାଟାରାଇଁ କାଟେଲିତା ଡେକା ତାଚାଲି ମାଟୁହେରି □

୫୬ ଇଞ୍ଜା ଏଞ୍ଜାସି ଆମିନି ନାସ୍କା, ଅଡେ ଗାଡ଼ାତା ହାଚେସି, ଲକୁ ଏ ବାରେ ଟାସ୍ତାତି ହାଟା ବାଜାରାଟି ରଗ ଗାଟାରାଇଁ ଏଞ୍ଜାଣି ନକିତା ଏଞ୍ଜାରାଇଁ ଇଚିତେରି, ଏଞ୍ଜାରି ଏନିକଁ ଏଞ୍ଜାଣି ହିମ୍ବୁରି କୁଞ୍ଜୁ ଡାଗିନେରି, ଏନାଆଁତାକି ଏଞ୍ଜାଣାଇଁ ବାତିମାଲିତେରି; ଇଞ୍ଜା ଏଚେକା ଲକୁ ଏଞ୍ଜାଣାଇଁ ଡାଗିତେରି ଏଞ୍ଜାରି ବାରେ ନେହୁଁ ଆଡେରି □



**ଆକୁ ଆବାୟାତି ପାଣାପାଟୁ  
(ମାତି ୧୫:୧-୯)**

୧ ଡାମୁ ପାରୁସିୟାଁ ଅଡେ ଜିରୁସାଲମଟି ଖାହାମାନି ଏଚରଜାଣା ମେରାପୁନାରି ଜୀସୁ ତାଣା ରୁଣ୍ଡା ଆଡେରି □

୨ ଏଞ୍ଜାରି ସୀସୁୟାଁ ବିତ୍ରାଟି ଏଚରଜାଣାତି କେସ୍ତା ନର୍ଆନା ତିଞ୍ଜି ମାଚାଣି ମେସ୍ତେରି □

୩ ପାରୁସିୟାଁ ଅଡ଼େ ବାରେ ଜୀହୁଦି ଲକ୍ଷ୍ମ ଆକୁ ଆବାୟାଁ ଇଟାମାନି ମେରାତି ମାନୁଡ଼ି ଆହାନା ନେହୁଁ କେୟୁ ନରଥାସାରେ ତିଞ୍ଜି ହିଲୀଆତେରି,

୪ ଇଞ୍ଜାଁ ହାଟା ବାଜାରାଟି ଖାହାନା ତାମି ଲାକ ଏୟୁ ଡ଼ାଞ୍ଜା କଡ଼ାଆନା ତିଞ୍ଜି ହିଲୀଆତେରି; ଅଡ଼େ ଗିନା ମୁତା ଇଞ୍ଜାଁ ପିତାଡ଼ା ତ:କାୟାଁ, ପାସ୍ପନି ନରନାୟି, ଇଲେତି ହାରେକା ମେରା ମାନୁଡ଼ି ଆହାଲି ହୁକୁମି ବେଟା ଆହାମାନେରି □

୫ ଏନାଆଁତାକି ପାରୁସିୟାଁ ଅଡ଼େ ମେରାପୁନାରି ଜୀସୁଇଁ ଖେଚେରି, “ନୀ ସୀସୁୟାଁ ତଲିତି ଆକୁ ଆବାୟାଁ ମେରା ତଲେ ତାକାଆନା ଏନାଆଁତାକି କେସ୍ତା ନରଥାନା ତିନେରି ?”

୬ ଜୀସୁ ଏଞ୍ଜାରାଇଁ ଏଲେଇଚେସି, “ଆଡ଼େ କୁଟୁ ଗାଟାତେରି, ମାହାପୁରୁ ଅଣପୁତି ବଳୁ ଖେହୁନି ଜିସାୟ ନେହୁଁ କେୟୁ ଇ କାତା ଖେସାମାନେସି, ଏନିକ ରାସ୍କି ଆହାମାନେ;

ଇ କୁଡ଼ାତାରି ଖାରଇ ଗୁତି ତଲେ ନାଞ୍ଜେ ସେବା କିୟାନେରି,

ସାମା ଏଞ୍ଜାରି ହିୟାଁ ନା ତାଣାଟିଏ ହାରେକା ହେକ ଡ଼ୟିନେ □

୭ ଏଞ୍ଜାରି ମାଣ୍ଡସିୟାଁ କେପିତି ମେରାତି ଦାମୁତି ନେହୁଁ କାତା ଇଞ୍ଜାଁ ଜାପୁହାନା, ଉଜେଏ ନା ସେବା କିୟାନେରି □

୮ ମୀରୁ ମାହାପୁରୁତି ହୁକୁମି ପିସାନା ମାଣ୍ଡସିୟାଁ ମେରାତି ଆସାମାଞ୍ଜେରି □”

୯ ଅଡ଼େ ଜୀସୁ ଏଞ୍ଜାରାଇଁ ଏଲେଇଚେସି, “ମାହାପୁରୁତି ହୁକୁମି ପିସାନା ମୀ ଜାପୁହାମାଞ୍ଜନାଣି ଆସାଲି ତାକି ମୀରୁ ହୁକୁମି ମାନି କିହିହିଲଅତେରି □

୧୦ ଇତିହୁଁ ମସା ଏଲେଇଞ୍ଜା ମାନେସି, ‘ତାଲି ତାଞ୍ଜିଇଁ ଜୀସୁନପୁ, ଇଞ୍ଜାଁ ଆମ୍ବାଆସି ତାଲି କି ତାଞ୍ଜିଇଁ ବାକା ଇତିନେସି, ଏଞ୍ଜାସି ହାନି ଡ଼ଣ୍ଡ ବେଟା ଆନେସି □’

୧୧ ମୀରୁ ଜାପୁହି ମାଞ୍ଜେରି, ‘ଆମ୍ବାଆସି ତାଲି କି ତାଞ୍ଜିଇଁ ଏଲେଇନେସି, ନା ତାଣାଟି ଏନାଆଁ ହିୟାତିହୁଁ ନିଞ୍ଜେ ନେହେଁ ଆଡ଼େମା, ଏଦି କର୍ବାନ ଇତିହୁଁ ମାହାପୁରୁ ତାକି ହେର୍ପି ଆହାମାନାୟି □

୧୭ ଇଞ୍ଜା ମୀରୁ ଏଲେକିହିଁ ତାନି ଇୟା କି ଆବାଇଁ ଏନ୍ଦି ସାୟେମି କିହାଲି ହାହି ହିଲଅତେରି;

୧୮ ଏଲେକିହିଁଏ ମୀରୁ ମୀ ତାଣା ମାନି ମେରା ତଲେ ମାହାପୁରୁତି ବଲୁ ଉଜେଏ କିହିମାଞ୍ଜେରି, ଇଞ୍ଜା ଏଲେକିହିଁ ହାରେକା କାମା କିହିମାଞ୍ଜେରି ।”

ମାଣ୍ଡସିଇଁ ଲାଗେଏ କିନାୟି  
(ମାତି ୧୫:୧୦-୨୦)

୧୫ ଜୀସୁ ଅଡେ ଖେଣ୍ଡେ ଲକୁଣି ତାଗେ ହାଟାନା ଏଞ୍ଜାରାଇଁ ଏଲେଇଚେସି, “ମୀରୁ ବାରେ ନା କାତା ଖେଞ୍ଜୁ ଅଡେ ତେଲହାଦୁ ।

୧୫ ମାଣ୍ଡସିତି ପାଙ୍ଗାତା ଇଲେତି ଏନାୟି ହିଲେଏ, ଏନ୍ଦି ମାଣ୍ଡସି ବିତ୍ରା ହଡାନା ଏଞ୍ଜାଣାଇଁ ଲାଗେଏ କିହାଲି ଆଡିନେ, ସାମା ଏନା ଏନାୟି ମାଣ୍ଡସି ତାଣାଟି ହଡିମାନେ, ଏ ବାରେ ଏଞ୍ଜାଣାଇଁ ଲାଗେଏ କିହିମାନେ ।”\*

୧୬ ଖେଞ୍ଜାଲି କୀକୀ ମାନାସି ଖେଣ୍ଡମାସି ।

୧୭ ଅଡେ ଏଞ୍ଜାସି ଲକୁ ତାଣାଟି ଇଲୁ ବିତ୍ରା ଖାହାଲିଏ ତାନି ସୀସୁୟାଁ ଏଞ୍ଜାଣାଇଁ ପୁଣ୍ଡିକିନି କାତାତି ଅର୍ତ୍ତ ଖେଚେରି ।

୧୮ ଏମାଟିଏ ଜୀସୁ ଏଞ୍ଜାରାଇଁ ଏଲେଇଚେସି, “ମୀରୁ ଜିକେଏ ଏଲେକିହିଁଏ ପୁନାଆ ଗାଟାତେରି ? ଏନାୟି ପାଙ୍ଗାଟି ମାଣ୍ଡସି ବିତ୍ରା ହଡିହିଁ ଏନ୍ଦି ଏଞ୍ଜାଣାଇଁ ଲାଗେଏ କିହାଲି ଆଡେଏ,

୧୯ ଇଚିହିଁ ଏନ୍ଦି ଏଞ୍ଜାଣି ହିୟାତା ହଡୁଆନା ବାଣ୍ଡିତା ହଡୁନେ ଇଞ୍ଜା ବାଣ୍ଡିହାନିଲେହେଁ ହଡାହାନେ ଇଲେଆହିଁ ବାରେ ରାୟା ଅଟ୍ଟି ଆହିମାନେ, ଇଦାଆଁ ପୁଞ୍ଜି ହିଲଅତେରି ?”

୨୦ ଅଡେ ଏଞ୍ଜାସି ଏଲେଇଚେସି, “ଏନାୟି ମାଣ୍ଡସି ତାଣାଟି ହଡିମାନେ ଏନ୍ଦି ଏଞ୍ଜାଣାଇଁ ଲାଗେଏ କିହିମାନେ ।

୨୧ ଇଚିହିଁ ମାଣ୍ଡସି ହିୟା ବିତ୍ରାଟି ଲାଗେଏତି ଅଣ୍ଡପୁ ହନେ, ଦାରି କିୟାଲି, ସରୁ କିୟାଲି, ଲକୁଣି ପାୟିନାୟି,

\* ୭:୧୫ ୭:୧୫ ଏଚେକା ସାସ୍ତେରିତା ୧୫ ପଦ ଜେତ ଡଇକା ମାନି ବଲୁତି ୧୭ ପଦୁତା ରାସ୍ତି ଆହାମାନେ;

୨୨ ଜୁପକା, ଲାଗେଏ ପଲେଏ କାମା, ନାଡ଼ିକିନାୟି, ଡାହାରା, ନିନ୍ଦା କିନାୟି, ଡାହାରା ଆନାୟି, କାର୍ବି ଆନାୟି;

୨୩ ଏଲେତି ଲାଗେଏତାୟି ବିତ୍ରାଟି ହଡ଼ାଝାହାନା ମାଣ୍ଠିଇଁ ଲାଗେଏ କିହିମାନେ □”

ର ଇୟାନି ନାମୁ

(ମାତି ୧୫:୨୧-୨୮)

୨୪ ଏମ୍ବାଟିଏ ଜୀସୁ ଏ ଗାୟୁ ପିସାନା ସରତି ହାନ୍ଦି ଝାକି ହାଚେସି, ଇଞ୍ଜା ର ଇଲୁତା ହଡ଼ାନା ଏନିକ୍ ଆମ୍ବାଆରି ପୁନଅରି ଇଞ୍ଜା ଅଣ୍ଡପିମାଚେସି, ସାମା ଏଝାସି ଡଗୁନା ଡୟାଲି ଆଡ଼ାଆଚେସି □

୨୫ ଏ ଦେବୁଣିଏ ର ଇୟା, ଆମ୍ବାଆରି ମାଙ୍ଗାନି ବୁଡୁ ଆଲୁଗାମାଚେ, ଏଡ଼ି ଜୀସୁ କାତା ଝେଞ୍ଜାନା ଝାହାଁ ଏଝାଣି କଡ଼ାଣା ରୀତେ □

୨୬ ଏ ଇୟା ସୁରପୟିନିକି ଜାଡ଼ିତି ର ଗ୍ରିକ୍ ଇୟା ମାଚେ, ତାନି ମାଙ୍ଗାନି ତାଣାଟି ବୁଡୁ ପିସପି କିହାଲି ଏଡ଼ି ଜୀସୁଇଁ ବାଡ଼ିମାଲିତେ □

୨୭ ଏମ୍ବାଟିଏ ଜୀସୁ ଏଦାନି ଏଲେଇଚେସି, “ତଲିଏ କକାରି ପଦାଁଣି ପାଞ୍ଜି କିଦୁ, ଇଚିହ୍ କକାରି ପଦାୟା ରାନ୍ଦା ଅହାନା ନେସକା ନକିତା ମେଡ଼ନାୟି ନେହେଁ ଆଏ □”

୨୮ ସାମା ଏଡ଼ି ଏଝାଣାଇଁ ଏଲେଇଚେ, “ହାଅ ପ୍ରବୁ ନେସକା ଜିକେଏ କକାରି ପଦାୟା ଡ୍ରକ୍‌ହାମାନି ଲିତାତି ପେର୍‌ହା ତିନୁ □”

୨୯ ଏମ୍ବାଟିଏ ଜୀସୁ ଏଲେଇଚେସି, “ଇ କାତାତାକି ନୀ ମାଙ୍ଗାନି ତାଣାଟି ବୁଡୁ ହଡ଼ା ହାଚେୟିଏ, ହାଲାମୁ □”

୩୦ ଇଞ୍ଜା ଏଡ଼ି ଇଜ ହାଜାନା ତାନି ମାଙ୍ଗା ପାସ୍‌ପନିତା ହୁଞ୍ଜାମାନାଣି ଇଞ୍ଜା ବୁଡୁ ହଡ଼ା ହାଜା ମାନାଣି ମେସ୍ତେ □

ର ବେରା ଅଡ଼େ ଗୁଲାଇଁ ଜୀସୁ ନେହ୍‌କିନାୟି

୩୧ ଅଡ଼େ ଝେଣ୍ଡେ ଏଝାସି ସର ହାନ୍ଦିଟି ହାଜାନା ସିଦନ ଅଡ଼େ ଦସଗଟା ନାସ୍କା† ହାନ୍ଦି ହାହାନା ଗାଲିଲି ସାମ୍‌ଦୁରି ତାଗେ ଝାଡ଼େସି □

† ୭:୩୧ ୭:୩୧ ଦେକାପଲି



୩୭ ଇଞ୍ଜା ଲକୁ ର ବେରା ଅଡ଼େ ଗୁଲାଇଁ ଏଝାଣି ନକିତା ତାରାନା ଏଝାଣିଲାଇ କେୟୁ ଇଟାଲି ବାଡ଼ିମାଲିତେରି □

୩୩ ଜୀସୁ ଲକୁ ତାଣାଟି ରଅଣାଇଁଏ ଏଟକା କିହା ଅହାନା ଏଝାଣି ରୀ କୀର୍କାଣା ତାନି ଝାସକା ଇଟିତେସି ଅଡ଼େ ହୁପାନା ଏଝାଣି ଝେନ୍ଦରି ତୀଗିତେସି,

୩୪ ଅଡ଼େ ଲାକପୁରୁ ଝାକି ସିନିକିହାନା ଗାଡ଼ିକିହିଁ ନେଞ୍ଜାନା ଏଝାଣାଇଁ ଏଲେଇଚେସି, “ଇପପତ” ଇଟିହିଁ “ଦେପି ଆମ୍ବୁ □”

୩୫ ଏମ୍ବାଟିଏ ଏଝାଣି କୀର୍କା ଦେପିଆତୁ, ଇଞ୍ଜା ଝେନ୍ଦରିତି ଜାଲ୍ଲା ଏ ଦେବୁଣିଏ ଗୁରାଆଡ଼େ, ଇଞ୍ଜା ଏଝାସି ନେହିଁକିଁ ଜଲ୍ଲାଲି ଆଡ଼ିତେସି □

୩୬ ଇଞ୍ଜା ଏ କାତା ଆମ୍ବାଆରାଇଁ ଝେହୁଆଦୁ ଇଞ୍ଜିଁ ଏଝାରାଇଁ ଗାଡ଼ିକିହିଁ ହୁକୁମି ହୀତେସି; ସାମା ଏଝାସି ଏଝାରାଇଁ ଏଚେକା କାହି କିତେସି, ଏଝାରି ଏଚେକା ଗାଡ଼ି ଝେକହେରି □

୩୭ ଅଡ଼େ ଲକୁ କାବାଆହାନା ଏଲେଇଚେରି, “ଏଝାସି ବାରେ କାମା ନେହିଁକିଁ କିହିମାନେସି; ଏଝାସି ବେରାୟାଁଇଁ ଝେଞ୍ଜାଲି ଗୁଲାଇଁଇଁ ଜଲିନି ବାଡ଼ୁୟୁ ଜିକେଏ ହୀହିମାନେସି □”

## ୮

ଜୀସୁ ସାରି ମାଣା ଲକୁକି ତିଞ୍ଜାଲି ହାନାୟି

(ମାଡ଼ି ୧୫:୩୭-୩୯)

୧ ଏଚିବେଲ୍ଲା ହାରେକା ମାନ୍ଦା ଲକୁ ରୁଣ୍ଡା ଆଡ଼େରି, ଅଡ଼େ ଏଝାରିତାଣା ତିନାୟି ଉନାୟି ଏନାୟି ହିଲ୍ଲାଆତାକି ଜୀସୁ ସାସୁୟାଣି ତାଗେ ହାଟାନା ଏଝାରାଇଁ ଏଲେଇଚେସି,

୨ “ଲକୁତାକି ନାଙ୍ଗେ କାର୍ମା ହଟିମାଞ୍ଜାନେ, ଇଟିହିଁ ଇଝାରି ତାନିଦିନା ଆଡ଼େରିଏ ନା ତଲେ ମାଞ୍ଜାମାନେରି, ଅଡ଼େ ଇଝାରି ତାଣା ଏନାୟି ତିନାୟି ହିଲେଏ □

୩ ଏଝାରାଇଁ ତୀହୁଆନାଁ ପାଣ୍ଡିସାରେ, ଝେଣ୍ଡାହାନାଟି ଏଝାରି ହାହା ଜିକେଏ ହାନ୍ଦେରି □ ଏଝାରି ବିତ୍ରାଟି ଏଚରଜାଣା ହେକଟି ଝାହାମାନେରି □”

୪ ସୀସୁୟାଁ ଏଞ୍ଜାଣାକ୍ ଏଲେଇଚେରି, “ଇମ୍ପାଆଁ ଇ ଲକୁ ହିଲାଆ ଚାୟୁତା ଆମ୍ପାଆସି ଆମ୍ବିଟି ରୁଟି ତାଚାନା ଇଞ୍ଜାରାକ୍ ପାଞ୍ଜି କିନେସି ?”

୫ ଜୀସୁ ଏଞ୍ଜାରାକ୍ ଖେଚେସି, “ମୀ ତାଣା ଏଚରଗଟା ରୁଟି ମାନୁ ?”

ଏଞ୍ଜାରି ଏଲେଇଚେରି, “ସାତାଗଟା □”

୬ ଏମ୍ପାଟିଏ ଜୀସୁ ଲକୁଣି ବୁମିତା କୁଗାଲି ହୁକୁମି ହୀତେସି; ଅଡେ ଏଞ୍ଜାସି ସାତାଗଟା ରୁଟି ଅହାନା ଜହରା କିହାନା ଏ ବାରେ ଡିକହାନା ବାଟି କିହାଲି ତାନି ସୀସୁୟାଁକି ହୀତେସି, ଅଡେ ଏଞ୍ଜାରି ଲକୁତାକି ବାଟି କିହା ହୀତେରି □

୭ ଇଞ୍ଜା ଏଞ୍ଜାରିତାଣା ଏଚରଗଟା ଉଣା ମୀଣ୍ଟାକା ମାତୁ; ଏ ବାରେତି ଜିକେଏ ଜୀସୁ ମାହାପୁରୁ ତାଣା ଜହରା କିହାନା ବାଟି କିହା ହୀହାଲି ସୀସୁୟାଁକ୍ ଏଲେଇଚେସି □

୮ ଏମ୍ପାଟିଏ ଏଞ୍ଜାରି ତିଞ୍ଜାନା ପାଞ୍ଜିତେରି ଇଞ୍ଜା ହାରିତାଣି ସାତା ତାଲି କୁଡ଼ି କିତେରି □

୯ ଏଞ୍ଜାରି ବାରେ ସାରି ମାଣା ଲକୁ ମାଚେରି □ ଏଚେଟିଏ ତାୟୁ ଏଞ୍ଜାରାକ୍ ହେଲ ହୀତେସି,

୧୦ ଇଞ୍ଜା ଦେବୁଣିଏ ତାନି ସୀସୁୟାଁ ତଲେ ଡଂଗତା ହଚାନା ଦଲ୍‌ମାନୁ ଗାଡ଼ାତା ହାଚେରି □

ପାରୁସିୟାଁ ସିନା ରାହନାୟି

(ମାତି ୧୭:୧-୪)

୧୧ ☆ତାୟୁ ପାରୁସିୟାଁ ଖାହାନା ଜୀସୁତଲେ ବାଦିବାଡ଼ା କିହାଲି ମାଟୁହେରି ଇଞ୍ଜା ଏଞ୍ଜାଣାକ୍ ତାୟିପାରି କିହାଲିତାକି ହାଗୁ ଲାକଟି ର ସିନା ରାସ୍ତେରି □

୧୨ ☆ଜୀସୁ ଜୀସୁତା କିଲିବିଲି ଆହାନା ଗାତି ନେଞ୍ଜାନା ଖେସ୍ତେସି, “ଇ ଜୁଗୁଡ଼ି ଲକୁ ଏନାଆଁତାକି ସିନା ପାରିମାନେରି ? ନାନୁ ମିଙ୍ଗେ ସାତା ଖେସିମାଞ୍ଜାକ୍, ନୀଏଁତି ମାଣ୍ଟିକି ଏନ୍ତି ସିନା ହୀପ୍‌କି ଆଏ □”

୧୩ ଅଡେ ଏଞ୍ଜାସି ଏଞ୍ଜାରାକ୍ ପିସାନା ଅଡେ ଖେଣ୍ଡେ ଡଂଗତା ହଚାନା ଆତାଲାଞ୍ଜାକି ହାଚେସି □

☆ ୮:୧୧ ୮:୧୧ ମାତି ୧୭:୩୮; ଲୁକ ୧୧:୧୭

☆ ୮:୧୨ ୮:୧୨ ମାତି ୧୭:୩୯; ଲୁକ ୧୧:୨୯

## ହେରଦ ଅଡ଼େ ପାରୁସିୟା ପୂଲାରୁଣ୍ଡା (ମାତି ୧୭:୫-୧୨)

୧୪ ଏଚିବେଲ୍ଲାତା ସୀସୁୟା ରୁଚି ଅହାଲି ବାଣୀଆଡ଼େରି; ତଂଗତା ଏଞ୍ଜାରିତାଣା ରଣ୍ଡିଏ ରୁଚି ମାଚେ □

୧୫ \*ତାୟୁ ଜୀସୁ ଏଞ୍ଜାରାଇଁ ଜାଣେ ହୁକୁମି ହୀତେସି, “ଜାଗ୍ରାତା ଆଦୁ, ପାରୁସିୟା ଅଡ଼େ ହେରଦତି ପୂଲାରୁଣ୍ଡାଚି ଜାଗ୍ରାତା ଆହାନା ମାଞ୍ଜୁ □”

୧୬ ଏଚେଟିଏ ଏଞ୍ଜାରି ତାମ୍ବୁ ତାମ୍ବୁଏ ଖେସ୍ପିଆହୁଁ ଏଲେଇଞ୍ଜାଲି ମାଟ୍‌ହେରି, “ମା ତାଣା ରୁଚି ହିଲେଏ ଇଞ୍ଜୁଁ ଏଞ୍ଜାସି ମାଜେ ଏଲେଇଞ୍ଜିମାଞ୍ଜାନେସି □”

୧୭ ଜୀସୁ ଏଦାଆଁ ପୁଞ୍ଜାନା ଏଞ୍ଜାରାଇଁ ଏଲେଇଚେସି, “ମୀ ତାଣା ରୁଚି ହିଲେଏ ଇଞ୍ଜୁଁ ଏଦାଆଁତାକି ମୀରୁ ମୀରୁ ଖେସ୍ପି ଆହିମାଞ୍ଜେରି ? ମୀରୁ ନୀର୍ବ ପାତେକା ପୁଞ୍ଜି ହିଲଅତେରି କି ତେଲ୍‌ହି ହିଲଅତେରି ?

୧୮ \*କାଣ୍ଡକା ମାଞ୍ଜାନା ମେସି ହିଲଅତେରି ? ଅଡ଼େ, କୀର୍କା ମାଞ୍ଜାନା ଖେଞ୍ଜି ହିଲଅତେରି ? ମୀରୁ ଇଦାଣି ଅଣ୍ଡିପି ହିଲଅତେରି ?

୧୯ ଏ ପାସାମାଣା ଲକୁ ବିତ୍ରା ନାନୁ ଏଚିବେଲ୍ଲା ପାସାଗଟା ରୁଚି ଡିକ୍‌ହା ମାଚେର୍ବ, ଏଚିବେଲ୍ଲା ମୀରୁ ଏଚର ତାଲି ହାରିତାଣି କୁଡ଼ି କିତେରି, ଏଦି ମୀ ଅଣ୍ଡପୁତା ହିଲେଏ କି ?” ଏଞ୍ଜାରି ଏଞ୍ଜାଣାଇଁ ଏଲେଇଚେରି, “ବାର ତାଲି □”

୨୦ “ଅଡ଼େ ଏ ସାରି ମାଣା ଲକୁ ବିତ୍ରା ନାନୁ ଏଚିବେଲ୍ଲା ସାଡାଗଟା ରୁଚି ଡିକ୍‌ହା ମାଚେର୍ବ, ଏଚିବେଲ୍ଲା ମୀରୁ ଏଚର ତାଲି କୁଡ଼ି କିହାମାଚେରି ?” ଏଞ୍ଜାରି ଏଲେଇଚେରି, “ସାଡା ତାଲି □”

୨୧ ଏଚିବେଲ୍ଲା ଜୀସୁ ଏଞ୍ଜାରାଇଁ ଏଲେଇଚେସି, “ମୀରୁ ଏଦାଆଁ ନୀର୍ବ ପାତେକା ତେଲ୍‌ହାଲି ଆଡ଼ିହିଲଅତେରି ?”

## ବେତ୍‌ସାୟିଦାତା ର କାଣାଇଁ ମେସ୍‌ପିକିନାୟି

୨୨ ତାହୁଁ ଏଞ୍ଜାରି ବେତ୍‌ସାୟିଦାତା ଖାତେରି, ଅଡ଼େ, ଲକ୍ଷ୍ମ ର କାଣ୍ଡାକ୍ ଏଞ୍ଜାରି ତାଣା ତାଚାନା ଏଞ୍ଜାଣାକ୍ ତୀଗାଲି ତାକି ଜୀସୁକ୍ ବାଡ଼ିମାଲିତେରି □

୨୩ ଏଦାଆଁତାକି ଜୀସୁ କାଣାତି କେୟୁ ଆସାନା ଏଞ୍ଜାଣାକ୍ ନାୟୁଁ ପାଙ୍ଗାତା ଅଡ଼େସି, ଇଞ୍ଜା ଏଞ୍ଜାଣି କାଣ୍ଡାକାଣାଁ ହୁପ୍‌କା ରୁବାନା ଅଡ଼େ ଏଞ୍ଜାଣିଲାକ କେୟୁ ଇଟାନା ଏଞ୍ଜାଣାକ୍ ଖେଚେସି, “ନୀନୁ ଏନାଆଁ ମେସାଲି ଆଡ଼ିମାଞ୍ଜି କି ?”

୨୪ ଏଞ୍ଜାସି ସିନିକିହାନା ଏଲେଇଚେସି, “ନୀନୁ ମାଣସିୟାକ୍ ମେସିମାକ୍, ଇଚିହଁ ନୀନୁ ମାର୍‌କା ଲେହେଁ ଏନାକ୍ ତାକି ମାନାଣି ମେସିମାକ୍ □”

୨୫ ତାହୁଁ ଜୀସୁ ଅଡ଼େ ଖେଣ୍ଡେ ଏଞ୍ଜାଣି କାଣ୍ଡାକାଣାଁ କେୟୁ ଇଚିତେସି; ଏମ୍ବାଟିଏ ଏଞ୍ଜାସି ନେହଁକଁ ମେସାଲି ଆଡ଼ିତେସି, ନେହଁ ଆହାନା ବାରେ ତୀରିତଲେ ସିନିକିହାଲି ମାଟ୍‌ହେସି □

୨୬ ତାହୁଁ ଜୀସୁ ଏଞ୍ଜାଣାକ୍ ତାନି ଇଜ ପାଣ୍ଡାନା ଏଲେଇଚେସି, “ଏ ନାୟୁଁ ବିତ୍ରା ଜିକେଏ ଖେଣ୍ଡେ ହାଲାଆନି □”

ପିତର ଜୀସୁକ୍ କ୍ରୀସ୍ତ ଇଞ୍ଜଁ ଖେକ୍‌ନାୟି

(ମାତି ୧୬:୧୩-୨୦; ଲୁକ ୯:୧୮-୨୧)

୨୭ ଏଚେଟିଏ ଜୀସୁ ଅଡ଼େ ତାନି ସୀସୁୟାଁ କାୟିସରିୟା ପିଲିପି ରାକ୍ରିତି ନାୟକାଞ୍ଜାକି ହାଚେରି, ଅଡ଼େ ଜିରୁତା ଏଞ୍ଜାସି ତାନି ସୀସୁୟାକ୍ ଖେଚେସି, “ନୀନୁ ଆମ୍ବାଆତେଏଁ ଇଞ୍ଜଁ ଲକ୍ଷ୍ମ ଏଲେଇଞ୍ଜି ମାଞ୍ଜାନେରି ?”

୨୮ ☆ଏମ୍ବାଟିଏ ଏଞ୍ଜାରି ଏଞ୍ଜାଣାକ୍ ଏଲେଇଚେରି, “ବାପ୍ତିସ୍ତ\* ହୀନି ଜହନ, ଅଡ଼େ ଆମ୍ବା ଆମ୍ବାଆରି ଏଲିୟ, ସାମା ଆମ୍ବା ଆମ୍ବାଆରି ଏଲେଇଞ୍ଜି ମାଞ୍ଜାନେରି ମାହାପୁରୁ ଅଣ୍‌ପୁଡି ବଲୁ ଖେହ୍‌ନାରି ବିତ୍ରାଟି ରଅସି □”

୨୯ ☆ଏଞ୍ଜାସି ଏଞ୍ଜାରାକ୍ ଖେଚେସି, “ସାମା ନୀନୁ ଆମ୍ବାଆତେଏଁ ଇଞ୍ଜଁ ମୀରୁ ଏଲେଇଞ୍ଜି ମାଞ୍ଜାଦେରି ?” ପିତର ଏଞ୍ଜାଣାକ୍ ଏଲେଇଚେସି, “ନୀନୁ କ୍ରୀସ୍ତତି □”

☆ ୮:୨୮ ୮:୨୮ ମାର୍କ ୬:୧୪,୧୫; ଲୁକ ୯:୭,୮ \* ୮:୨୮ ୮:୨୮ ମୁଞ୍ଜିନାୟି ☆ ୮:୨୯ ୮:୨୯ ଇହ ୬:୨୮,୨୯

୩୦ ଏମ୍ବାଟିଏ ଜୀସୁ ଏଝାରାଇଁ ତାନି କାତାତି ଆମ୍ବାଆରାଇଁ ଏନାଆଁ  
ଝେହୁଆଦୁ ଇଞ୍ଜିଁ ଜାଣେ କିହୁଁ ହୁକୁମି ହୀତେସି □

ଜୀସୁ ତାନି ଦୁକୁ ଇଞ୍ଜାଁ ତଣ୍ଡ ପାଣ୍ଡନି କାତା ଝେହୁନାୟି  
(ମାତି ୧୭:୨୧-୨୮; ଲୁକ ୯:୨୨-୨୭)

୩୧ ଅଡେ, ଜୀସୁ ଏଝାରାଇଁ ଜାପୁହାଲି ମାଟ୍‌ହେସି, “ଇତିହୁଁ  
ମାଣ୍‌ସି ମୀର୍‌ଏସି ହାରେକା ଦୁକୁ କସ୍ତ ବେଟାଆନାୟି ମାନେ ଇଞ୍ଜାଁ  
ପ୍ରାତିନାଙ୍ଗା, କାଜା ପୂଜେରାଙ୍ଗା, ଇଞ୍ଜାଁ ମେରାପୁନାରି ତାଣାଟି  
ଅପାଆଗାଟାସି ଆହାନା ପାୟୁଝି ଆନାୟି ମାନେ, ଅଡେ ତାନିଦିନା  
ଜେଟ ଝେଣ୍ଡେ ନିଙ୍ଗିନାୟି ମାନେ □”

୩୨ ଇ କାତା ଏଝାସି ତୀର୍‌ପୁତଲେ ଝେସ୍ତେସି □ ଏମ୍ବାଟିଏ ପିତର  
ଏଝାଣାଇଁ ଅରଝାକି ଅହାନା ଦାକା ହୀହାନା ଲାଗାଲି ମାଟ୍‌ହେସି □

୩୩ ସାମା ଏଝାସି ତାୟୁଝାକି ତିର୍‌ଝାହାଁ ତାନି ସୀସୁୟାଁଣି ସିନିକିହାନା  
ପିତରଇଁ ଦାକା ହୀହାନା ଏଲେଇରେସି, “ସୟତାନ, ନା ନକିଟି  
ହେକ ହାଲାମ୍, ଇତିହୁଁ ନୀନୁ ମାହାପୁରୁ କାତା ଅଣ୍‌ପାଆନା  
ମାଣ୍‌ସିୟାଁ କାତା ଅଣ୍‌ପିମାଞ୍ଜି □”

୩୪ ☆ଏମ୍ବାଟିଏ ଜୀସୁ ତାନି ସୀସୁୟାଁ ତଲେ ଲକୁଣି ହାଟାନା  
ଏଲେଇରେସି, “ଆମ୍ବାଆସି ନା ଜେଟ ଝାହାଲି ମନ କିନେସି,  
ଆତିହୁଁ ଏଝାସି ଜାହାରାଇଁ ପିସ୍‌ପେସି, ଇଞ୍ଜାଁ ଏଝାସି ତାନି କୁସ  
ଡେକାନା ନା ଜେଟ ଝାଡେସି □

୩୫ ☆ଇତିହୁଁ ଆମ୍ବାଆସି ତାନି ଜୀସୁ ଗେଲ୍‌ପାଲି ମନ କିନେସି,  
ଏଝାସି ଏଦାଆଁ ହାଝି କିନେସି; ସାମା ଆମ୍ବାଆସି ନା ତାକି ଇଞ୍ଜାଁ  
ନେହୁଁ କାବୁତାକି ତାନି ଜୀସୁ ହୀନେସି, ଏଝାସି ଏଦାଆଁ ନୀର୍‌ନେସି  
□

୩୬ ଅଡେ, ମାଣ୍‌ସି ଇ ଦାର୍‌ଡିତା ମାନାଣି ବାରେ ମେଡି କିହାନା  
ତାନି ଜୀସୁତି ହାଝି କିନେସି, ଆତିହୁଁ ଏଝାଣାକି ଏନି ଲାଟା ?

୩୭ ଅଡେ, ମାଣ୍‌ସି ତାନି ଜୀସୁତି ବାଦୁଲି ଏନାଆଁ ହୀହାଲି  
ଆଡିନେସି ?

☆ ୮:୩୪ ୮:୩୪ ମାତି ୧୦:୩୮; ଲୁକ ୧୪:୨୭ ☆ ୮:୩୫ ୮:୩୫ ମାତି ୧୦:୩୯; ଲୁକ  
୧୭:୩୩; ଜହ ୧୨:୨୫

୩୮ ଏଦାଆଁତାକି ଆମ୍ବାଆସି ଇ କାଲାତି ଦାରି କିନାରି ଅଡ଼େ ପାପୁଗାଟି ଲକୁ ବିଦ୍ରା ନାଢେ ଅଡ଼େ ନା ବଲୁ ତାକି ଲାଜା ଆନେସି, ମାଣସି ମୀରୁଏସି ଏଚିବେଲା ସୁଦୁ ଦୁଦୁୟା ତଲେ ତାନି ଆବାତି ଗାଝୁରମି ତଲେ ଝାନେସି, ଏଚିବେଲା ଏଝାସି ଜିକେଏ ଏଝାଣି କାତାତାକି ଲାଜା ଆନେସି □”



୧ ଅଡ଼େ ଜୀସୁ ତାନି ସୀସୁଣି ଏଲେଇଚେସି, “ନାନୁ ମିଙ୍ଗେ ସାତା ଝେସିମାଞ୍ଜାଲ୍, ଇମ୍ବାଆଁ ଏଚରଜାଣା ମାନେରି ମାହାପୁରୁତି ରାଜି ବାଡ଼ୟ୍ ତଲେ ଝାନାଣି ମେହୁଆ ପାତେକା ହାଅରି □”

**ଜୀସୁ ଅର ଝାଣା ଆନାୟି**  
(ମାତି ୧୭:୧-୧୩; ଲୁକ ୯:୨୮-୩୬)

୨ ✨ସ ଦିନା ତାୟ୍ ଜୀସୁ ଝାରୁଇ ପିତର, ଜାକୁବ ଅଡ଼େ ଜହନଇଁ ତାନିତଲେ ଏଟକା କିହାନା ଏଝାରାଇଁ ର ପାତାଆଡ଼ି ହରୁତା ଅଡ଼େସି □ □

୩ ଅଡ଼େ ଏଝାସି ଏଝାରି ନକିତା ଅର ଝାଣା ଆଡେସି, ଏଝାଣି ହିମ୍ବୁରି ଇଲେକ୍ ଉଜେଡ଼ି ଆହାନା ହାରେକା ଦବଲା ଆଡେ, ଇ ଦାରତିତା ଆମ୍ବାଆସି ଏଲେତି ଦବଲା କିହାଲି ଆଡ଼ଅସି □

୪ ମସା ଅଡ଼େ ଏଲିୟ ଜୀସୁତଲେ ହାଡ଼ାକାତା ଆହିମାଚାଣି ତାନି ଜାଣା ସୀସୁୟାଁ ମେସ୍ତେରି □

୫ ଏମ୍ବାଟିଏ ପିତର ଜୀସୁଇଁ ଏଲେଇଚେସି, “ଏ ଗୁରୁ ମାର ଇ ଗାୟୁତା ମାନାୟି ହାରେକା ନେହାୟି; ମାର ତାନିଗଟା ଗୁଡ଼ାୟାଁ କେପିନ, ନିଙ୍ଗେତାକି ରଣ୍ଡାଆଁ, ମସାକି ରଣ୍ଡାଆଁ ଅଡ଼େ ଏଲିୟକି ରଣ୍ଡାଆଁ □”

୬ ପିତର ଏନାଆଁ ଜଲାଲି ଆନେ ଇଞ୍ଜି ପୁଞ୍ଜା ହିଲାଆଡେସି, ଏନାଆଁତାକି ଇଚିହିଁ ଏଝାରି ହାରେକା ଆଜାମାଚେରି □

୭ ✨ଇଞ୍ଜା, ଇଚାୟି ଦୁନ୍ଦ୍ରା ଝାହାନା ଏଝାରାଇଁ ପିକ୍‌ହେ, ଅଡ଼େ ଏ ଦୁନ୍ଦ୍ରାଟି ଇ ହାଡ଼ା ଝାଡେ, “ଇଝାସି ନା ଜୀଝୁତି ମୀରୁଏସି, ଇଝାଣି ବଲୁ ଝେଞ୍ଜୁ □”

✨ ୯:୨ ୯:୨ ୨ପିତ ୧:୧୭,୧୮ ✨ ୯:୭ ୯:୭ ମାତି ୩:୧୭; ମାର୍କ ୧:୧୧; ଲୁକ ୩:୨୨

୮ ଦେବୁଣିଏ ଏଞ୍ଜାରି ସାରିଞ୍ଜାକି ସିନିକିତେରି, ତାମିତଲେ ଜୀସୁଇଁ ପିସ୍‌ପେ ଆମ୍ବାଆରାଇଁ ମେହ୍‌ଆତେରି □

୯ ଏଞ୍ଜାରି ହରୁଟି ରେଟା ଖାହି ମାଗାଟି ଜୀସୁ ଏଞ୍ଜାରାଇଁ ଜାଣ୍ଟେ ହୁକୁମି ହୀହାନା ଏଲେଇଚେସି, “ମୀରୁ ଏନାଆଁ ମେସାମାଞ୍ଜେରି, ଏ ବାରେ ହାଡ଼ାରି ବିତ୍ରାଟି ମାଣ୍‌ସି ମୀରୁଏସି ଖେଣ୍ଟେ ନିଜାଆ ପାତେକା ଆମ୍ବାଆରାଇଁ ଖେହ୍‌ଆଦୁ □”

୧୦ ଏମ୍ବାଟିଏ ଏଞ୍ଜାରି ଏ କାତା ଆସାନା “ହାଡ଼ାରି ବିତ୍ରାଟି ଖେଣ୍ଟେ ନିଜାମାୟି ଏନାୟି ?” ଏ କାତାତି ତାମି ବିତ୍ରା ଖେସ୍‌ପି ଆଡେରି □

୧୧ ✨ଅଡେ ଏଞ୍ଜାରି ଜୀସୁଇଁ ଖେଚେରି, “ନକେଏ ଏଲିୟ ଖାନାୟି ଆନେ, ମେରାପୁନାରି ଏନିକିଁ ଇ କାତା ଖେହ୍‌ନେରି ?”

୧୨ ଏମ୍ବାଟିଏ ଜୀସୁ ଏଞ୍ଜାରାଇଁ ଏଲେଇଚେସି, “ଏଲିୟ ନକେଏ ଖାହାନା ବାରେ ମେରା ଅଡେ ଖେଣ୍ଟେ ଇଟିନାୟି ସାତା, ସାମା ମାଣ୍‌ସି ମୀରୁଏସି ହାଡ଼େକା ଦୁକୁ ବେଗାଆହାନା ଅପାଆଗାଟାସି ଆନେସି, ଇଦି ଏନିକିଁ ଏଞ୍ଜାଣି କାତା ରାସ୍‌କି ଆହାମାନେ ?

୧୩ ସାମା ନାନୁ ମିଙ୍ଗେ ଖେସିମାଞ୍ଜାଇଁ, ଏଲିୟ ଖାଡେସିଏ, ଅଡେ ଏଞ୍ଜାଣି କାତା ଏନିକିଁ ରାସ୍‌କି ଆହାମାନେ, ଏଲେକିହ୍‌ ଏଞ୍ଜାରି ଏଞ୍ଜାଣାଇଁ ଜିକେଏ ଏନାଆଁ ମନ ଏଦାଆଁ କିହାମାନେରି □”

### ବୃତ୍ତୁ ଆଲଗାମାଟି କକାଣାଇଁ ନେହ୍‌କିନାୟି

(ମାତି ୧୭:୧୪-୨୧; ଲୁକ ୯:୩୭-୪୩)

୧୪ ତାୟୁ ଏଞ୍ଜାରି ସୀସୁୟାଁ ତାଣା ଖାହାନା ମେସ୍ତେରି, ଏଞ୍ଜାରି ସାରିଞ୍ଜାକି ହାରେକା ମାୟା ଲକୁ ଅଡେ ମେରାପୁନାରି ଏଞ୍ଜାରିତଲେ ବାଡ଼ିବାଡ଼ା ଆହିମାନେରି □

୧୫ ଲକୁ ବାରେ ଏଞ୍ଜାଣାଇଁ ମେସ୍‌ପନିଏ ହାଡ଼େକା କାବାଆହାନା ଅଡେ ଦାବ୍‌ଡି ଖାହାନା ଜହରା କିତେରି □

୧୬ ଏମ୍ବାଟିଏ ଜୀସୁ ଏଞ୍ଜାରାଇଁ ଖେଚେସି, “ମୀରୁ ଏଞ୍ଜାରିତଲେ ଏନାଆଁତାକି ବାଡ଼ିବାଡ଼ା ଆହିମାଞ୍ଜେରି ?”

✨ ୯:୧୧ ୯:୧୧ ମାତି ୧୧:୧୪

୧୭ ଲକ୍ଷ୍ମୀ ବିଭ୍ରାଟି ରଥସି ଏଝାଣାଇଁ ଏଲେଇରେସି, “ଏ ଗୁରୁ, ନାନୁ ନା ମାରୁଏଣାଇଁ ନୀ ତାଣା ତାଚାମାରେଏ; ଏଝାଣାଇଁ ର ଗୁଲ୍ଲା ବୁତୁ ଆଲ୍ଲଗାମାନେ □

୧୮ ଏମିନି ଟାୟୁତା ଏଦି ଏଝାଣାଇଁ ଆହୁନେ, ଏଝାଣାଇଁ ଡ଼ଇ ତୁକ୍ନେ, ଇଞ୍ଜା ଏଝାଣି ଗୁତିଟି ପମ୍ବଲି ହୁନେ, ଅଡ଼େ ଏଦି ପାଲ୍ଲକା ଟୀଟି କିନେ, ଇଞ୍ଜା ଏଝାସି ଝାୟାହାଜି ମାନେସି; ଏଝାଣାଇଁ ପିସ୍ପି କିହାଲି ନାନୁ ନୀ ସୀସୁୟାଁଇଁ ଏଲେଇରେଏ, ସାମା ଏଝାରି ଆଡ଼ାଆତେରି □”

୧୯ ଜୀସୁ ଏଝାରାଇଁ ଏଲେଇରେସି, “ଆଡ଼େ ନାମାଆଗାଟି କୁଡ଼ାତାତେରି, ଏଚରଦିନା ନାନୁ ମୀ ତଲେ ଡ଼ୟିଇଁ ? ଏଚରଦିନା ମୀ ଲେୟାନାଣି ଅରୁହିଇଁ ? କକାଣାଇଁ ନା ତାଣା ତାଦୁ □”

୨୦ ଏମ୍ବାଟିଏ ଏଝାଣାଇଁ ଜୀସୁ ତାଣା ତାତେରି □ ଅଡ଼େ, ଜୀସୁଇଁ ମେସ୍ପଦିଏ ଏ ବୁତୁ ଏଝାଣାଇଁ ହାରେକା ତିରୁଝି କିତେ ଇଞ୍ଜା ବୁମିତା ତରଗାନା ଗୁତିଟି ପମ୍ବଲି ହପ୍ପହାନା ଡ଼ସାଲି ମାଟ୍‌ହେସି □

୨୧ ଏଚିବେଲ୍ଲା ଜୀସୁ ତାନି ଆବାଇଁ ଝେରେସି, “ଏଚରଦିନା ଆଡ଼େ ଇଝାଣାଇଁ ଇଲେ କିହିମାନେ ?” ଏଝାସି ଏଲେଇରେସି, “ଡ଼ଣା ଝେଡ଼ାଟିଏ

୨୨ ଏଦି ଏଝାଣାଇଁ ହାଝି କିହାଲି ଏଚେ ଏଚେତା ହିରୁତା ଅଡ଼େ ଏୟୁଣାଁ ମେଡ଼ହାମାନେ; ସାମା ନାନୁ ଏନାଆଁ କିହାଲି ଆଡ଼ିତ୍, ମାଙ୍ଗେ କାର୍ମା ଆହାନା ମା ସାୟେମି ଆୟାମୁ □”

୨୩ ଏମ୍ବାଟିଏ ଜୀସୁ ଏଝାଣାଇଁ ଏଲେଇରେସି, “ଏନାଆଁ ଇଚି ? କିହାଲି ଆଡ଼ିତ୍, ଆମ୍ବାଆସି ନାମିନେସି ଏଝାଣାକି ବାରେଏ ଆନେ □”

୨୪ ଏ ଦେବୁଣିଏ କକାଣି ତାନି ଆବା କାଜା ଗିୟାତଲେ ଏଲେଇରେସି, “ନାନୁ ନାମିମାଇଁ ନା ନାମାଆଗାଟାଣି ଗୁତି କିହାଲି ସାୟେମି କିୟାମୁ □”

୨୫ ତାୟୁ ମାନ୍ଦା ଲକ୍ଷ୍ମୀ ରହେଏ ହଟିହିଁ ଝାହି ମାଚାଣି ମେସାନା, ଜୀସୁ ଏ ପଲ୍ଲଆ ବୁତୁତି ଦାକା ହୀହାନା ଏଲେଇରେସି, “ଆଡ଼େ ଗୁଲ୍ଲା ଅଡ଼େ ବେରା ବୁତୁତି, ନାନୁ ନିଙ୍ଗେ ହୁକୁମି ହୀହିମାଞ୍ଜାଇଁ,



ଇଝାଣି ତାଣାଟି ହଠାହାଲାମ୍, ଇଞ୍ଜା ଏଚେଲା ଜିକେଏ ଇଝାଣି ତାଣା ହଡ଼ଆନି □”

୨୭ ଏମ୍ବାଟିଏ ଏଦି ହାଢ଼େକା କିରଡ଼ିହିଁ କକାଣାଇଁ ତିରୁଝି କିହାନା ବୁମିତା ତ୍ରୁକ୍‌ହାନା ହଠାହାଚେ, ଅଡ଼େ କକାସି ହାଡ଼ିଲେହେଁ ଆଡ଼େସି, ଇଲେକିହିଁ ହାଢ଼େକା ଲକୁ ଏଲେଇଞ୍ଜିମାଚେରି, “କକାସି ହାଢ଼େସି □”

୨୮ ସାମା ଜୀସୁ ଏଝାଣି କେୟୁ ଆସାନା ନିକ୍‌ହେସି, ଇଞ୍ଜା ଏଝାସି ନିତେସି □

୨୯ ଇଞ୍ଜା ଜୀସୁ ଇଜ ଝାହାଲିଏ ତାନି ସୀସୁୟାଁ ମେଣେଏ ଝେଚେରି, “ମାମ୍‌ସୁନାଆଁତାକି ଏଝାଣାଇଁ ପିସ୍‌ପି କିହାଲି ଆଡ଼ାଆତମି ?”

୩୦ ଜୀସୁ ଏଝାଣାଇଁ ଏଲେଇଚେସି, “ପ୍ରାଡ଼ାନା\* କିଆନା ଅଡ଼େ ଏନିକିଁ ଜିକେଏ ଇଲେଡି ବୁଡୁ ଫେରହାଲି ଆଡ଼ାଆୟି □”

ତାନି ହାକିତି କାରୁ ଅଡ଼େ ଝେଣ୍ଡେ ଝେହ୍‌ନାୟି  
(ମାତି ୧୭:୨୨-୨୩; ଲୁକ ୯:୪୩-୪୫)

୩୦ ଏଝାରି ଏ ଟାମୁଟି ହାଜାନା ଗାଲିଲି ମାଦିଟି ହାଚେରି, ଇଞ୍ଜା ଆମ୍ବାଆସି ପୁନାଆପେସି ଇଞ୍ଜା ଏଝାଣି ମନ ହିଲାଆତେ;

୩୧ ଇଚିହିଁ ଜୀସୁ ତାନି ସୀସୁୟାଁଣି ଇ କାତା ଝେସିହିଁ ଜାପୁହି ମାଚେସି, “ମାଣ୍‌ସି ମାର୍‌ଏସି ମାଣ୍‌ସିୟାଁ କେୟୁତା ହେରପିଆନେସି, ଅଡ଼େ ଏଝାରି ଏଝାଣାଇଁ ପାୟିନେରି, ଇଞ୍ଜା ଏଝାସି ହାଡ଼ି ତାୟୁ ତାନିଦିନା ଜେଚ ଝେଣ୍ଡେ ନିଜିନେସି □”

୩୨ ସାମା ଏଝାରି ଏ କାତାତି ତେଲ୍‌ହାଆତେରି, ସାମା ଏଝାଣାଇଁ ଝେଞ୍ଜାଲି ଆଜିମାଚେରି □

ଆମ୍ବାଆସି କାଜସି  
(ମାତି ୧୮:୧-୫; ଲୁକ ୯:୪୬-୪୮)

୩୩ ତାୟୁ ଏଝାରି କପରନାହୁମତା ଝାଡ଼େରି □ ଜୀସୁ ଇଜ ଏଜାନା ସୀସୁୟାଁଣି ଝେଚେସି, “ମୀରୁ ଜିରୁତା ଏନାଆଁ କାତା ଆହିମାଚେରି ?”

୩୪ ☆ସାମା ଏଝାରି ହାଡ଼ା ଆଆନା ପାଲେଏ ଡ଼ୟିତେରି, ଇଚିହିଁ

\* ୯:୨୯ ୯:୨୯ ଏଚେକା ସାସ୍ତେରିତା ପ୍ରାଡ଼ାନା ଇଞ୍ଜା ଉପାସା ରାସ୍‌କି ଆହାମାନେ □

☆ ୯:୩୪ ୯:୩୪ ଲୁକ ୨୨:୨୪

ଆତ୍ମାଆସି କାଜାସି ଇ କାତା ଆସାନା ଜିରୁତା କାତା ଆହିମାରେରି □  
 ୩୫ ☆ଏମ୍ବାଟିଏ ଜୀସୁ କୁଗାନା ବାରୁ ଜାଣାଇଁ ହାଟିତେସି ଇଞ୍ଜା  
 ଏଞ୍ଜାରାଇଁ ଏଲେଇରେସି, “ଇଚିହିଁ ଆତ୍ମାଆସି କାଜାସି ଆହାଲି  
 ମନ କିନେସି, ଆତିହିଁ ଏଞ୍ଜାସି ବାରେତି କିହାଁ ଉଣା ଅଡ଼େ ବାରେତି  
 ସେବା କିନାସି ଆପେସି □”

୩୬ ଅଡ଼େ ଏଞ୍ଜାସି ର ଉଣା କକାଣାଇଁ ଅହାନା ଏଞ୍ଜାରି ମାଦି  
 ନିପୁହେସି ଇଞ୍ଜା ଏଞ୍ଜାଣାଇଁ ପମାନା ଏଞ୍ଜାରାଇଁ ଏଲେଇରେସି,

୩୭ ☆“ଆତ୍ମାଆସି ନା ଦରୁ ତାକି ଇଲେତି ଉଣା କକାରି ବିତ୍ରାଟି  
 ରଅଣାଇଁ ଆବିନେସି, ଏଞ୍ଜାସି ନାଞ୍ଜେ ଆବାନେସି; ଅଡ଼େ ଆତ୍ମାଆସି  
 ନାଞ୍ଜେ ଆବାନେସି, ଏଞ୍ଜାସି ଖାରୁଇ ନାଞ୍ଜେ ଆବଅସି, ସାମା ନାଞ୍ଜେ  
 ପାଣ୍ଡାତାଣାଇଁ ଜିକେଏ ଆବିନେସି □”

ମା କପାଟି ନିଜାଆ ଗାଗାସି ମା ତଲେତାସି  
 (ଲୁକ ୯:୪୯-୫୦)

୩୮ ଜହନ ଏଞ୍ଜାଣାଇଁ ଏଲେଇରେସି, “ଏ ଗୁରୁ ମା ଗତିତା  
 ହିଲୀଆଗାଗାସି ରଅସି ନୀ ଦରୁତଲେ ବୁଡୁଣି ପେର୍ହି ମାଗାଣି  
 ମେସୁମି, ଇଞ୍ଜା ଏଞ୍ଜାସି ମା ଗତିତା ହିଲୀଆତାକି ଏଞ୍ଜାଣାଇଁ  
 କାହିକିତମି □”

୩୯ ସାମା ଜୀସୁ ଏଲେଇରେସି, “ଏଞ୍ଜାଣାଇଁ କାହିକିଆଦୁ; ଇଚିହିଁ  
 ନା ଦରୁତଲେ କାବାଆଦି କାମା କିହାନା ଖେଣ୍ଡେ ନାଞ୍ଜେ ନିନ୍ଦା  
 କିୟାନେସି, ଇଲେତି ଲକୁ ଆତ୍ମାଆସି ହିଲଅସି;

୪୦ ☆ଇଚିହିଁ ଆତ୍ମାଆସି ମା କପାଟି ନିଜାଆ ଗାଗାସି ଏଞ୍ଜାସି ମା  
 ତଲେତାସି □

୪୧ ☆ନାନୁ ମିଜେ ସାତା ଖେସିମାଞ୍ଜାଇଁ, ମୀରୁ କ୍ରୀସ୍ତତି ଲକୁ ଇଞ୍ଜା  
 ଆତ୍ମାଆସି ଜିକେଏ ମିଜେ ଜାଟେକା ଏନ୍ନୁ ଗସାଲି ହିୟାନେସି,  
 ଏଞ୍ଜାସି ଏନିଜିକେଏ ତାନି ଦାନାତି ଜାକ୍ଅସି □”

ନାମୁତା ପାପୁ କିଞ୍ଜି କିନାଣି ଡଣ୍ଡ  
 (ମାତି ୧୮:୭-୯; ଲୁକ ୧୭:୧-୨)

☆ ୯:୩୫ ୯:୩୫ ମାତି ୨୦:୨୬,୨୭; ୨୩:୧୧; ମାର୍କ ୧୦:୪୩,୪୪; ଲୁକ ୨୨:୨୬ ☆ ୯:୩୬  
 ୯:୩୭ ମାତି ୧୦:୪୦; ଲୁକ ୧୦:୧୬; ଜହ ୧୩:୨୦ ☆ ୯:୪୦ ୯:୪୦ ମାତି ୧୨:୩୦; ଲୁକ  
 ୧୧:୨୩ ☆ ୯:୪୧ ୯:୪୧ ମାତି ୧୦:୪୨

୪୨ ଅଡ଼େ ଆମ୍ବାଆସି ନାମାମାନି ଇ ଉଣାୟାଁ ବିଦ୍ରାଟି ରଅଣାକ୍ ପାପୁ କିଞ୍ଜି କିନେସି, ଏଞ୍ଜାଣି ହେରକିତା କାଜା ଜେତାଞ୍ଜାଲି ଦସାନା ଏଞ୍ଜାଣାକ୍ ସାମଦୁରିତା ମେଡ଼ହିହ୍ ନେହେଁ ଆଡ଼େମା □

୪୩ ☆ମୀ କେୟୁ ମିଙ୍ଗେ ପାପୁ କିଞ୍ଜିକିୟାନେ, ଇଚିହ୍ ଏଦାଆଁ ଜାଡ଼ାନା କୁତାଦୁ; ରୀ କେୟା ମାଞ୍ଜାନା ନର୍କ ଇଚିହ୍ ତୁମ୍ବାଆଗାଟି ହିରୁ ଗାଡ଼ୟୁତା ମେଡ଼ପି ଆନି ବାଟା କଲା ଆହାନା ଜୀଞ୍ଜୁତା ହଡ଼ନାୟି ମିଙ୍ଗେ ତାକି ନେହେଁ □

୪୪ ଇଚିହ୍ ନର୍କତା ଏମ୍ବାତି ପିଡ଼କା ଏଚେଲା ହାଡ଼, ଅଡ଼େ ହିରୁ ଏଚେଲା ତୁମ୍ବେଏ †

୪୫ ଅଡ଼େ ମୀ କତା ମିଙ୍ଗେ ପାପୁ କିଞ୍ଜିକିୟାନେ, ଏଦାଣି ରାଡ଼ହା କୁତାଦୁ, ରୀ କତାୟାଁ ନେହେଁ ମାଞ୍ଜାନା ନର୍କତା ମେଡ଼ପି ଆନି ବାଟା ସଟା ଆହାନା ଜୀଞ୍ଜୁତା ହଡ଼ନାୟି ମିଙ୍ଗେ ତାକି ନେହେଁ □

୪୬ ଇଚିହ୍ ନର୍କତା ଏମ୍ବାତି ପିଡ଼କା ଏଚେଲା ହାଡ଼, ଅଡ଼େ ହିରୁ ଏଚେଲା ତୁମ୍ବେଏ ‡

୪୭ ☆ଇଞ୍ଜାଁ ମୀ କାନୁ ମିଙ୍ଗେ ପାପୁ କିଞ୍ଜିକିୟାନେ ଇଚିହ୍ ଏଦାନି ଡ଼େଞ୍ଜା କୁତାଦୁ, ରୀ କାଣ୍ଟକା ନେହେଁ ମାଞ୍ଜାନା ନର୍କତା ମେଡ଼ପି ଆନି କିହାଁ ର କାନୁ ତଲେ ମାହାପୁରୁ ରାଜିତା ହଡ଼ନାୟି ମିଙ୍ଗେ ତାକି ନେହେଁ □

୪୮ ଇଚିହ୍ ନର୍କତା ଏମ୍ବାତି ପିଡ଼କା ଏଚେଲା ହାଡ଼, ଅଡ଼େ ହିରୁ ଏଚେଲା ତୁମ୍ବେଏ □

୪୯ “ହାରୁ ତଲେ ଏନିକ୍ ପୂଜା ହୀନାୟି ସୁଦୁ ଆନେ, ଏଲେକିହ୍ ଏ ହିରୁତଲେ ବାରେ ସୁଦୁ କିଞ୍ଜିଆନେ □”

୫୦ ☆“ହାରୁ ନେହାୟି, ସାମା ହାରୁ ମୁଆସାରେ ଆତିହ୍ ଏନିକ୍ ମୁପି କିନାୟି ଆନେ ? ମୀରୁ ମୀ ତାଣା ହାରୁ ଲେହେଁ ଆଦୁ, ଅଡ଼େ ରଅଡ଼େରି ରଅଣାକି ହିଡ଼ଡ଼ି ଜୀଞ୍ଜୁତଲେ ନେହ୍ ଆହ୍ ଡ଼ୟାଦୁ □”

---

☆ ୯:୪୩ ୯:୪୩ ମାତି ୫:୩୦ † ୯:୪୪ ୯:୪୪ କଚେକା ସାସ୍ତେରିତା ଇ କାତା ରାସ୍ତକି ଆହାହିଲେଏ □ ‡ ୯:୪୬ ୯:୪୬ କଚେକା ସାସ୍ତେରିତା ଇ କାତା ରାସ୍ତକି ଆହାହିଲେଏ □ ☆ ୯:୪୬ ୯:୪୬ ମାତି ୫:୨୯ ☆ ୯:୫୦ ୯:୫୦ ମାତି ୫:୧୩; ଲୁକ ୧୪:୩୪,୩୫

## ୧୦

ଡକ୍ଟି ଡକ୍ଟା ପିସପିଆନ୍ କାତା ଜୀସୁ ଜାପ୍ନାୟି  
(ମାତି ୧୯:୧-୧୨; ଲୁକ ୧୬:୧୮)

୧ ଏ ଚାୟୁଟି ଜୀସୁ ହାଜାନା ଜୀହୁଦା ରାଜିତି ହାୟି ଅଡେ ଜର୍ଦନ  
କାତା ଆତାଲାଖାକି ଖାଡେସି; ଇଞ୍ଜା ଲକୁ ଅଡେ ଝେଣ୍ଡେ ଏଞ୍ଜାଣି  
ତାଣା ରୁଣ୍ଡା ଆହାଲିଏ, ଏଞ୍ଜାସି ତାନି ମେରା ଲେହେଁ ଏଞ୍ଜାରାଇଁ ଅଡେ  
ଜାପ୍ନାୟି ମାଟ୍‌ହେସି □

୨ ଏମ୍ବାଟିଏ ପାରୁସିୟାଁ ଏଞ୍ଜାଣି ତାଣା ଖାହାନା ଏଞ୍ଜାଣାଇଁ  
ତାୟିପାରିକିହଁ ଝେଚେରି, “ଜାହାରା ଡକ୍ଟିନି ପିସାଲି ଆବାୟାକି  
ମେରା କି ?”

୩ ଜୀସୁ ଏଞ୍ଜାରାଇଁ ଏଲେଇଚେସି, “ମସା ମିଙ୍ଗେ ଏନି ହୁକୁମି  
ହୀହାମାଞ୍ଜାନେସି ?”

୪ ✧ଏଞ୍ଜାରି ଏଲେଇଚେରି, “ପିହ୍ନି ଆକୁ ରାଚାନା ଡକ୍ଟିନି ପିସାଲି  
ମସା ହେଲ ହୀହାମାଞ୍ଜାନେସି □”

୫ ଏମ୍ବାଟିଏ ଜୀସୁ ଏଞ୍ଜାରାଇଁ ଏଲେଇଚେସି, “ମୀ ଆଟ୍‌ଞ୍ଜା ହିୟାତି  
ମେସାନା ଏଞ୍ଜାସି ମିଙ୍ଗେତାକି ଇ ହୁକୁମି ରାଚାମାନେସି □

୬ ସାମା ମାଣ୍‌ସି ଗାଡ଼ି ଆଡ଼ି ବେଲଟିଏ ଏଞ୍ଜାସି ଏଞ୍ଜାରାଇଁ ଆୟା  
ଅଡେ ଆବା କିହଁ ମାହାପୁରୁ ଗାଡ଼ିକିଡେସି □

୭ ଏଦାଆଁତାକି ଆବା ତାଲି ତାଞ୍ଜିଇଁ ପିହ୍ନେସି, ଇଞ୍ଜା ତାନି ଡକ୍ଟି  
ତଲେ ଆଣ୍ଡିନେସି,

୮ ଇଞ୍ଜା ଏଞ୍ଜାରି ରିଆରି ଆଏ, ସାମା ରଣ୍ଡିଏ ଆଙ୍ଗା ଆନେରି □

୯ ଇଞ୍ଜା ମାହାପୁରୁ ଏଦାଆଁ ଆଣ୍ଡି କିହାମାନେସି, ମାଣ୍‌ସି ଏଦାଆଁ  
ଏଟ୍‌କା କିଆପେସି □”

୧୦ ତାୟୁ ସୀସୁୟାଁ ଇଜ ଇ କାତାତି ଜୀସୁଇଁ ଅଡେ ଝେଣ୍ଡେ  
ଝେଚେରି □

୧୧ ✧ଏମ୍ବାଟିଏ ଜୀସୁ ଏଞ୍ଜାରାଇଁ ଏଲେଇଚେସି, “ଆମ୍ବାଆସି ତାନି  
ଡକ୍ଟିନି ପିସାନା ଏଟ୍‌କାତାଣି ବୀହା ଆନେସି, ଏଞ୍ଜାସି ତଲିତି ଡକ୍ଟିନି  
କପାଟି ଦାରିକାମା କିନେସି □

୧୨ ଅତେ ତକ୍ତି ତାନି ତକ୍ତାଇଁ ପିସାନା ଏଟ୍‌କାତାଣାଇଁ ବୀହା ଆନେ,  
ଆତିହିଁ ଏଡ଼ି ଦାରିକାମା କିନେ □”

କକାରି ପଦାଁଣି ଜୀସୁ ବର ହାନାୟି  
(ମାତି ୧୯:୧୩-୧୫; ଲୁକ ୧୮:୧୫-୧୭)

୧୩ ଏଞ୍ଜାସି ଏନିକ୍ କକାରି ପଦାଁଣି ତୀଗିନେସି, ଏଦାଆଁତାକି  
ଲକୁ ଏଞ୍ଜାରାଇଁ ଜୀସୁ ତାଣା ତାଗାଲି ମାଟ୍‌ହେରି; ସାମା ସୀସୁୟା  
ଏଞ୍ଜାରାଇଁ ଦାକା ହୀତେରି □

୧୪ ଜୀସୁ ଏଦାଆଁ ମେସାଁ କାର୍‌ବି ଆହାନା ଏଞ୍ଜାରାଇଁ  
ଏଲେଇଚେସି, “କକାରି ପଦାଁଣି ନା ତାଣା ଖାହାଲି ହୀଦୁ, ଏଞ୍ଜାରାଇଁ  
ଆଂଗାଆଦୁ; ଇଚିହିଁ ମାହାପୁରୁତି ରାଜି ଇଲେତି ଲକୁତାୟି □

୧୫ ନାନୁ ମିଙ୍ଗ ସାତା ଖେସିମାଞ୍ଜାଇଁ, ଆମ୍ବାଆସି କକାରି ପଦାୟା  
ଲେହେଁ ମାହାପୁରୁତି ରାଜି ଆବଅସି, ଏଞ୍ଜାସି ଏନିଜିକେଏ ଏମ୍ବାଆଁ  
ହଡାଲି ଆଡ଼ଅସି □”

୧୬ ଇଞ୍ଜା ଏଞ୍ଜାସି ଏଞ୍ଜାରାଇଁ କତାଣା ଜଙ୍ଗାନା ଏଞ୍ଜାରି ଲାକ କେୟୁ  
ଇଟାନା ବର ହୀତେସି □

ର ଦନ ଗାଟି ଦାଂଗ୍‌ଣେଏସି  
(ମାତି ୧୯:୧୭-୩୦; ଲୁକ ୧୮:୧୮-୩୦)

୧୭ ଜୀସୁ ଅତେ ଖେଣ୍ଡେ ହାଜିମାଗାଟି ରଅସି ଦାବ୍‌ଡ଼ି ଖାହାନା  
ଏଞ୍ଜାଣି ନକିତା ମେଣ୍ଡାକୁତାନା ଏଞ୍ଜାଣାଇଁ ଖେଚେସି, “ଏ ନେହିଁ  
ଗୁରୁ କାଲାକାଲାତି ଜୀସୁ ବେଟାଆହାଲି ନାନୁ ଏନାଆଁ କିଇଁ?”

୧୮ ଏମ୍ବାଟିଏ ଜୀସୁ ଏଞ୍ଜାଣାଇଁ ଏଲେଇଚେସି, “ନାଙ୍ଗେ ନେହାଁତି  
ଇଞ୍ଜାଁ ଏନାଆଁତାକି ଏଲେଇଞ୍ଜି ମାଞ୍ଜାଦି? ରଅଣି ପିସପେ ଇଚିହିଁ  
ମାହାପୁରୁ ପିସପେ ଅତେ ଆମ୍ବାଆସି ନେହାଁସି ହିଲଅସି □

୧୯ ନାନୁ ସାସ୍ତେରିତି ବାରେ ହୁକୁମିକା ପୁଞ୍ଜାମାଞ୍ଜି, ଲକୁଣି  
ପାୟାଆଦୁ, ଦାରିକାମା କିଆଦୁ, ସରୁ କିଆଦୁ, ମିଚି ସାକି ଜଲ୍‌ମାଆଦୁ,  
ଲକୁଣି ନାଡ଼ି କିଆଦୁ, ଇଞ୍ଜା ତାଲି ତାଞ୍ଜିଇଁ ଜୀସୁନଦୁ □”

୨୦ ଏଞ୍ଜାସି ଏଞ୍ଜାଣାଇଁ ଏଲେଇଚେସି, “ଏ ଗୁରୁ ଇ ବାରେ ନାନୁ  
ଓଣା ଖେଡାଟିଏ ମାନଡ଼ି ଆହିମାଇଁ □”

୨୧ ଜୀସୁ ଏଝାଣାଙ୍କୁ ତୀରେ ସିନିକିହାଁ ଜୀସୁ ନଡେସି ଇଞ୍ଜା ଏଲେଇଚେସି, “ନୀନୁ ର କାମାତା ଉଣା ମାଞ୍ଜି, ନୀନୁ ହାଜାନା ନୀ ଦନ ବାରେ ପାରଗାନାହାଁ ହିଲାଆ ଗାଟାରାକି ଦାନା ହୀମୁ, ଅଡେ ନା ଜେଟ ଖାମୁ, ଇଞ୍ଜା ନୀନୁ ଲାକପୁରୁ ଦନ ବେଟାଆଡ଼ି □”

୨୨ ସାମା ଇ କାତାତା ଏଝାଣି ମୁମୁ ହାପୁଲି ଆହାହାଚେ, ଇଞ୍ଜା ଏଝାସି ଦୁକୁ ଆହାନା ହାଚେସି, ଇଚିହିଁ ଏଝାଣାକି ହାରେକା ଦନ ମାଚେ □

୨୩ ଏମ୍ବାଟିଏ ଜୀସୁ ସାରିଝାକି ସିନିକିହାନା ତାନି ସୀସୁୟାଣି ଏଲେଇଚେସି, “ଦନ ଗାଟାରି ହାରେକା କସ୍ତଲେ ମାହାପୁରୁ ରାଜିତା ହଡ଼ନେରି □”

୨୪ ଏଝାଣି କାତା ଝେଞ୍ଜାନା ସୀସୁୟାଁ କାବା ଆଡେରି, ସାମା ଜୀସୁ ଅଡେ ଝେଣ୍ଡେ ଏଝାରାଙ୍କୁ ଏଲେଇଚେସି, “ଆଡେ କକାଚେରି ମାହାପୁରୁ ରାଜିତା ହଡ଼ନାୟି ହାରେକା କସ୍ତ □

୨୫ ମାହାପୁରୁଟି ରାଜିତା ଦନ ଗାଟାରି ହଡ଼ନି କିହାଁ ସୁଜା କାଣିଟି ଉରୁ ହଡ଼ନାୟି ଉସାସା □”

୨୬ ଏମ୍ବାଟିଏ ଏଝାରି ହାରେକା କାବାଆହାନା ତାମୁ ତାମୁସୁ କାତା ଆଡେରି, “ଆଡିହିଁ ଆମ୍ବାଆସି ଗେଲପି ଆହାଲି ଆଡ଼ିନେସି ?”

୨୭ ଜୀସୁ ଏଝାରାଙ୍କୁ ତୀରିତଲେ ସିନିକିହାନା ଏଲେଇଚେସି, “ଇଦି ମାଣସିକି ଆଡ଼ାଆଗାଟାୟି, ସାମା ମାହାପୁରୁକି ଆଏ; ଇଚିହିଁ ମାହାପୁରୁ ବାରେ କିହାଲି ଆଡ଼ିନେସି □”

୨୮ ପିତର ଏଝାଣାଙ୍କୁ ଏଲେଇଚେସି, “ମେହ୍ମୁ ମାମୁ ବାରେ ପିସାନା ନୀ ଜେଟ ଝାହାମାନମି □”

୨୯ ଜୀସୁ ଏଲେଇଚେସି, “ନାନୁ ମିଜେ ସାତା ଝେସିମାଞ୍ଜାଙ୍କୁ, ଆମିନି ଲକୁ ନା ନେହିଁ କାବୁତାକି ଇଲୁ କି ତାୟିକି ତାଜି କି ତାଲି, ତାଞ୍ଜି, କକାରି ପଦାଁଣି କି ବୁମି ବାଡ଼ା ପିସାମାନେରି,

୩୦ ଅଡେ ଇ କାଲାତା କସ୍ତ ବେଟାଆହିଁ, ଝାଞ୍ଜା ଗୁଣୁତି ଇଲକା, ତାୟି, ତାଜି, ତାଲି ତାଞ୍ଜି, କକାରି ପଦାୟାଁ ଅଡେ ବୁମି ବାଡ଼ା, ଇଞ୍ଜା ଝାନି ଜୁଗୁତା କାଲାକାଲାତି ଜୀସୁ ବେଟାଆସି, ଇଲେତି ଲକୁ ଆମ୍ବାଆସି ହିଲଅସି □

୩୧ ☆ସାମା ନକିତା ମାନି ହାରେକା ଲକୁ ତାୟୁ ଆନେରି, ଇଞ୍ଜା ତାୟୁ ମାନି ହାରେକା ଲକୁ ନକିନେରି □”

ଜୀସୁ ତାନି ପାଲି ତାନି ହାନି କାତା ୱେହ୍ନାୟି  
(ମାତି ୨୦:୧୭-୧୯; ଲୁକ ୧୮:୩୧-୩୪)

୩୨ ଏଞ୍ଜାରି ଜିରୁସାଲମତା ହାଜିମାତାଟି ଜିରୁତା ମାତେରି ଇଞ୍ଜା ଜୀସୁ ଏଞ୍ଜାରି ନକି ନକିତା ହାଜିମାତେସି, ଅଡ଼େ ଏଞ୍ଜାରି କାବାଆହାନା ତାୟୁ ୱାହିମାନି ଲକୁ ଆଜାମାତେରି, ଇଞ୍ଜା ଏଞ୍ଜାସି ୱେଣ୍ଡେ ବାରଜାଣାତି ଏଟକା କିହାନା ତାଙ୍ଗେତାକି ଏନା ଏନାୟି ଆହାଲି ହାଜିମାନେ, ଏ ବାରେ ଏଞ୍ଜାରାଇଁ ୱେସାଲି ମାଟ୍‌ହେସି □

୩୩ ଜୀସୁ ଏଲେଇଚେସି, “ମେହ୍‌ଦୁ ମାର୍ ଜିରୁସାଲମତା ହାଜିମାନାୟି; ମାଣସି ମାର୍‌ଏସି କାଜା ପୁଜେରାଙ୍ଗା ଅଡ଼େ ମୋରାପୁନାରି କେୟୁତା ହେରପିଆନେସି, ଅଡ଼େ ଏଞ୍ଜାରି ଏଞ୍ଜାଣାଇଁ ହାନି ତଣ୍ଡ ହାହାନା ଏଟକା କୁଡ଼ାତାରି କେୟୁତା ହେରପିନେରି,

୩୪ ଇଞ୍ଜା ଏଞ୍ଜାରି ଏଞ୍ଜାଣାଇଁ କିଜ଼ି କିନେରି, ଏଞ୍ଜାଣିଲକ ହୁପିନେରି, ଏଞ୍ଜାଣାଇଁ ସାଟ୍‌ଣି ତଲେ ୱେନେରି, ଇଞ୍ଜା ପାୟିନେରି, ଅଡ଼େ ତାନି ଦିନାଟିଏ ୱେଣ୍ଡେ ନିଙ୍ଗିନେସି □”

ଜାକୁବ ଅଡ଼େ ଜହନ ବାତିମାଲିନାୟି  
(ମାତି ୨୦:୨୦-୨୮)

୩୫ ତାୟୁ ଜେବଦି ମାର୍‌କା ଜାକୁବ ଅଡ଼େ ଜହନ ଜୀସୁ ତାଣା ୱାହାନା ଏଲେଇଚେରି, “ଏ ଗୁରୁ ମା ଅଣପୁ ମାୟୁନୀ ତାଣାଟି ଏନାଆଁ ରାହନମି ଏଦାଆଁ ମା ତାକି ନୀନୁ କିମୁ □”

୩୬ ଇଞ୍ଜା ଜୀସୁ ଏଞ୍ଜାରାଇଁ ୱେଚେସି, “ନାନୁ ମୀ ତାକି ଏନାଆଁ କିଇଁ ଇଞ୍ଜା ମାରୁ ଅଣପିମାଞ୍ଜେରି ?”

୩୭ ଏଞ୍ଜାରି ଏଞ୍ଜାଣାଇଁ ଏଲେଇଚେରି, “ନୀନୁ ଗାଞ୍ଜୁରମିଗାଟି ରାଜିତା କୁଗିସାରେ ଏନିକି ମା ବିତ୍ରାଟି ରଅତମି ନୀ ଚିଞ୍ଚି ଚଟ ଅଡ଼େ ରଅତମି ନୀ ଚେବ୍‌ ଚଟ କୁଗିନମି ଇ ବର ମାଙ୍ଗେ ହିୟାମୁ □”

୩୮ ☆ସାମା ଜୀସୁ ଏଝାରାଇଁ ଏଲେଇଚେସି, “ମୀରୁ ଏନାଆଁ ରାସିମାଞ୍ଜେରି ଏନାଆଁ ପୁଞ୍ଜାହିଲଅତେରି □ ନାନୁ ଆମିନି ସଲ୍ଲାତା ଗସିମାଇଁ, ଏମ୍ବାଆଁ ମୀରୁ ଗସାଲି ଆଡ଼ିଦେରି ? ଇଞ୍ଜା ନାନୁ ଆମିନି ବାପ୍ତିସ୍ମତା\* ବାପ୍ତିସ୍ମ† ଅହିମାଇଁ ଏମ୍ବାଆଁ ମୀରୁ ବାପ୍ତିସ୍ମ‡ ଆହାଲି ଆଡ଼ିଦେରି ?”

୩୯ ଏଝାରି ଏଲେଇଚେରି, “ଆଡ଼ିନମି □”

ଜୀସୁ ଏଝାରାଇଁ ଏଲେଇଚେସି, “ନାନୁ ଆମିନି ସଲ୍ଲାତା ଗସିମାଇଁ ଏମ୍ବାଆଁ ଗସାଲି ଆଡ଼ିଦେରି, ଇଞ୍ଜା ନାନୁ ଆମିନି ବାପ୍ତିସ୍ମତା§ ବାପ୍ତିସ୍ମ\* ଆହିମାଇଁ ମୀରୁ ଏମ୍ବାଆଁ ବାପ୍ତିସ୍ମ† ଆଡ଼େରି;

୪୦ ସାମା ନା ଚିଃନି ଅଡ଼େ ଟେବୁଝାକି କୁଗାଲି ହୀହାଲି ନା ଅଦିକାରାତି କାତା ଆଏ, ଆମ୍ବାଆରାକି ମାହାପୁରୁ ଟାୟୁ କେପାମାନେସି ଏଝାରି କୁଗିନେରି □”

୪୧ ଏଟକାତି ଦସ ଜାଣା ଇଦାଆଁ ଖେଞ୍ଜାନା ଜାକୁବ ଅଡ଼େ ଜହନଇଁ କାରବି ଆହାଲି ମାଟ୍‌ହେରି □

୪୨ ☆ଏମ୍ବାଟିଏ ଜୀସୁ ଏଝାରାଇଁ ତାଗେ ହାଟାନା ଏଲେଇଚେସି, “ଆମିନି ଗାଟାରି ଏଟକା କୂଡ଼ାତି ସାଲ୍‌ଝି କିନାରି ଲେହେଁ ଆହାମାନେରି, ଏଝାରି ଲାକ ସାଲ୍‌ଝି କିନେରି, ଅଡ଼େ ଏଝାରି କାଜାପାଣା ଗାଟାରି ଏଝାରି ମୁହେଁ ସାଲ୍‌ଝି କିନେରି, ଇଦାଆଁ ମୀରୁ ପୁଞ୍ଜୁ □

୪୩ ☆ସାମା ମୀ ବିତ୍ତା ଏଲେକିହିଁ ଆଏ; ସାମା ମୀ ବିତ୍ତା ଆମ୍ବାଆସି କାଜାସି ଆହାଲି ମନ୍ କିନେସି, ଏଝାସି ମୀ ସେବା କିପେସି,

୪୪ ଅଡ଼େ ମୀ ବିତ୍ତା ଆମ୍ବାଆସି କାଜାସି ଆହାଲି ମନ୍ କିନେସି, ଏଝାସି ବାରେଡ଼ି ହଲେଏସି ଆଡ଼େସି □

୪୫ ଇଚିହିଁ ମାଣ୍‌ସି ମୀରୁଏସି ଜିକେଏ ସେବା ବେଟାଆହାଲି ଝାହାହିଲଅସି, ସାମା ସେବା କିହାଲି ଇଞ୍ଜା ହାଟେରକା ଲକୁଣି ପାପୁଟି ପିସ୍‌ପି କିହାଲିତାକି ତାନି ଜୀଝୁ ହୀହାଲି ଝାହାମାନେସି □”

☆ ୧୦:୩୮ ୧୦:୩୮ ଲୁକ ୧୨:୫୦ \* ୧୦:୩୮ ୧୦:୩୮ ମୁଞ୍ଜିନାୟି † ୧୦:୩୮ ୧୦:୩୮ ମୁଞ୍ଜିନାୟି ‡ ୧୦:୩୮ ୧୦:୩୮ ମୁଞ୍ଜିନାୟି § ୧୦:୩୯ ୧୦:୩୯ ମୁଞ୍ଜିନାୟି \* ୧୦:୩୯ ୧୦:୩୯ ମୁଞ୍ଜିନାୟି † ୧୦:୩୯ ୧୦:୩୯ ମୁଞ୍ଜିନାୟି ☆ ୧୦:୪୨ ୧୦:୪୨ ଲୁକ ୨୨:୨୫,୨୬ ☆ ୧୦:୪୩ ୧୦:୪୩ ମାତି ୨୩:୧୧; ମାର୍କ ୯:୩୫; ଲୁକ ୨୨:୨୭



ଜୀସୁ ବାଟି ମୟ କାଣାଇଁ ନେହିଁ କିନାୟି  
(ମାତି ୨୦:୨୯-୩୪; ଲୁକ ୧୮:୩୫-୪୩)

୪୭ ତାୟୁ ଏଞ୍ଜାରି ଜିରିହତା ଏଗାତେରି, ଅଡ଼େ ଏଞ୍ଜାସି ତାନି ସୀସୁୟାଁ ଇଞ୍ଜା ମାୟା ଲକୁତଲେ ଜିରିହଟି ହାଜିମାନି ବେଲତା ଟିମାୟ ମୀରୁଏସି ବାଟି ମୟ ଦରୁଗାଟି ରକାଣା, ରୀସପାଲି ଜିରୁ ଦାରିତା କୁଗାମାଚେସି □

୪୮ ଏଞ୍ଜାସି ନାଜରିତତି ଜୀସୁ, ଇମ୍ପାଟି ହାଜିମାନେସି ଇଞ୍ଜା ଖେଞ୍ଜାନା ଏଞ୍ଜାସି କାଜା ଗିୟାତଲେ ଏଲେଇଚେସି, “ଏ ଦାସୁଦ ମୀରୁଏଶାତି ଜୀସୁ ନାଜେ କାର୍ମା ମେସ୍ତାମୁ □”

୪୯ ଏମ୍ପାଟିଏ ହାରେକା ଲକୁ ଏଞ୍ଜାଣାଇଁ ପାଲେଏ ଆହାଲି ଦାକା ହୀତେରି, ସାମା ଏଞ୍ଜାସି ଅଡ଼େ କାଜା ହାଡାତଲେ ଏଲେଇଚେସି, “ଏ ଦାସୁଦ ମୀରୁଏଶାତି ଜୀସୁ ନାଜେ କାର୍ମା ମେସ୍ତାମୁ □”

୫୦ ଏମ୍ପାଟିଏ ଜୀସୁ ନିଚାନା ଏଲେଇଚେସି, “ଏଞ୍ଜାଣାଇଁ ହାଟାଦୁ □” ଏଞ୍ଜାରି ଏ କାଣାଇଁ ହାଟାନା ଏଲେଇଚେରି, “ସାସା ଆହାନା ନିଜାମୁ, ଏଞ୍ଜାସି ନିଜେ ହାଟିମାଞ୍ଜାନେସି □”

୫୧ ଏମ୍ପାଟିଏ ଏଞ୍ଜାସି ନିଜାନା ତାନି ହିମ୍ପାରି କୁତାନା ଜୀସୁ ତାଣା ଖାଡେସି □

୫୨ ଜୀସୁ ଏଞ୍ଜାଣାଇଁ ଏଲେଇଚେସି, “ନାନୁ ନିଜେତାକି ଏନାଆଁ କିଇଁ ଇଞ୍ଜା ନୀନୁ ଅଣ୍ପିମାଞ୍ଜି ?” ଏ କାଣା ଏଞ୍ଜାଣାଇଁ ଏଲେଇଚେସି, “ଏ ଗୁରୁ ନାନୁ ଏନିକିଁ ମେସାଲି ଆଡ଼ିଇଁ □”

୫୩ ଜୀସୁ ଏଞ୍ଜାଣାଇଁ ଏଲେଇଚେସି, “ହାଲାମୁ ନୀ ନାମୁ ନିଜେ ନେହିଁ କିୟାତେ □” ଏ ଦେବୁଣିଏ ଏଞ୍ଜାସି ମେସାଲି ଆଡ଼ିତେସି, ଇଞ୍ଜା ଏଞ୍ଜାରି ଜେଚ ଜେଚ ହାଚେସି □

## ୧୧

ଜୀସୁ ଜିରୁସାଲମତା ହଡ଼ନାୟି  
(ମାତି ୨୧:୧-୧୧; ଲୁକ ୧୯:୨୮-୪୦; ଜହ ୧୨:୧୨-୧୯)

୧ ଏଚିବେଲା ଏଞ୍ଜରି ଜିରୁସାଲମ ତାଗେ ଆହାନା ଜୀତ ହରୁ ତାଗେ ବେଡ଼ପାରି ଇଞ୍ଜା ବେତନିୟା ତାଗେ ଖାଡ଼େରି, ଏଚିବେଲା ଏଞ୍ଜସି ତାନି ସୀସୁୟା ବିତ୍ରାଟି ରିଆରାଇଁ ଇ କାତା ଖେସା ପାଣ୍ଡିତେସି,

୨ “ମୀ ନକିତା ମାନି ଏ ନାୟୁତା ହାଜୁ; ଏ ନାୟୁତା ହଡ଼ଞ୍ଜିଏ ଆମିନି ଲାକ ଆମ୍ବାଆରି ଏବେଲା ହଟା ହିଲଅରି ଇଲେତି ର ଗାଡ଼ଦେ ତାଲୁତି ଦସାମାନାଣି ମେହଦେରି; ଏଦାନି ହୁକହାନା ତାଦୁ  
□

୩ ଅଡ଼େ ଆମ୍ବାଆସି ଏନାଆଁ କିହିମାଞ୍ଜେରି ଇଞ୍ଜି ମିଙ୍ଗେ ଖେଞ୍ଜାନେସି, ଆତିହୁଁ ଏଲେଇଞ୍ଜୁ, ଇଦାଣି ତାଣା ମା ପ୍ରବୁକି ଲଡ଼ାମାନେ, ଅଡ଼େ ଖେଶ୍ଟେ ଇଦାଣି ଖେଡ଼ାକିଆନା ପାଣ୍ଡାନେସି □”

୪ ଏଞ୍ଜରି ହାଜାନା ଦୁଞ୍ଜେରିଦାରି ଆଂଗେଣିତା ର ଗାଡ଼ଦେ ତାଲୁତି ଦସାମାନାଣି ମେସାନା ଏଦାଣି ହୁକହେରି,

୫ ଏମ୍ବାଟିଏ ଏମ୍ବାଆଁ ନିଚାମାଟି ଲକୁ ବିତ୍ରାଟି ଏଚରଜାଣା ଖେଚେରି, “ଗାଡ଼ଦେ ତାଲୁତି ପିସାନା ଏନାଆଁ କିହିମାଞ୍ଜେରି ?”

୬ ଜୀସୁ ଏନିକିଁ ଖେସାମାଚେସି, ଏଞ୍ଜରି ଏଲେକିଁ ଏଞ୍ଜରାଇଁ ଏଲେଇଚେରି; ଏମ୍ବାଟିଏ ଏଞ୍ଜରି ଏଞ୍ଜରାଇଁ ହେଲ ହୀତେରି □

୭ ଜୀସୁ ନକିତା ଗାଡ଼ଦେ ତାଲୁତି ତାଚାନା ଏଞ୍ଜରି ଏଦାଣି ଲାକ ତାମି ହିମ୍ବରିକା ପାଢ଼େସି, ଅଡ଼େ ଜୀସୁ ଏଦାନିଲେକ କୁଗିତେସି □

୮ ଅଡ଼େ ହାଡ଼େକା ଜିରୁତା ତାମି ହିମ୍ବରିକା ପାଢ଼େସି ଅଡ଼େ ଏଚକାତାରି ଜାଡ଼ାତି ଗଚାୟା ଟୁଣ୍ଡା ତାଚାନା ପାଢ଼େସି □

୯ ଇଞ୍ଜା ନକିତା ତାୟୁଞ୍ଜାକି ହାଜିମାନି ଲକୁ କାଜା ହାଡ଼ାତଲେ ଏଲେଇଚେରି, “ହସାନା ମାହାପୁରୁ ଦରୁଟି ଆମ୍ବାଆସି ଖାହିମାନେସି, ଏଞ୍ଜସି ନେହାସି □

୧୦ ମା ଆକୁ ଦାଞ୍ଜୁଦତି ଆମିନି ରାଜି ଖାହିମାନେ, ଏଦି ଜହରା, ଲାକପୁରୁତି ହସାନା □”

୧୧ ତାୟୁ ଜୀସୁ ଜିରୁସାଲମତା ଖାହାନା ମାହାପୁରୁ ଇଲୁତା ହାଚେସି, ଇଞ୍ଜା ସାରିଞ୍ଜାକି ମାନାଣି ବାରେ ସିନିକିହାନା ମିଡ଼ଅଲା ଆହାଲିଏ ବାଚଜାଣା ସୀସୁୟା ତଲେ ବେତନିୟାତା ହାଚେସି □

ଜୀସୁ ତୟା ମାରୁନୁତି ବାକା ଇଚିନାୟି  
(ମାଟି ୨୧:୧୮-୧୯)

୧୨ ତାନି ଅର ଦିନା ବେତନିୟାଁଟି ଖାହିମାଟାଟି ଜୀସୁ ହାକି ଆଡେସି;

୧୩ ଇଞ୍ଜା ହେକଟି ଆକା ମାନି ର ତୟା ମାର୍ନୁତି ଆକା ମେସାନା ଏମ୍ବାଆଁ ପାଡ଼େୟି ବେଟାଆନ୍ତି ଆସା ତଲେ ତାଗେ ହାଚେସି □ ସାମା ତାଗେ ଖାହାନା ଏଞ୍ଜାସି ଆକା ପିସ୍ପେ ଅଡ଼େ ଏନାଆଁ ପୁଃଆଡେସି, ଇଚିହିଁ ଏଦି ତୟା ଆୟିନି ଖେଡ଼ା ହିଲାଆଡେ □

୧୪ ଏମ୍ବାଟିଏ ଜୀସୁ ଏଦାଣି ଏଲେଇଚେସି, “ନୀ ପାଡ଼େୟି ଲକୁ ଏଚେଲା ତିନାଆପେରି □” ଏଞ୍ଜାଣି କାତା ତାମି ସୀସୁୟା ଖେଞ୍ଜାମାଚେରି □

ଜୀସୁ ମାହାପୁରୁ ଇଲୁତା ହାନାୟି

(ମାତି ୨୧:୧୨-୧୭; ଲୁକ ୧୯:୪୫-୪୮; ଜହ ୨:୧୩-୨୨)

୧୫ ତାୟୁ ଏଞ୍ଜାରି ଜିରୁସାଲମତା ଖାଡ଼େରି, ଅଡ଼େ ଜୀସୁ ମାହାପୁରୁ ଇଲୁତା ହଡ଼ାନା ଏ ଟାୟୁତା ବେବାରା କିହିମାଟି ଲକୁଣି ପାଙ୍ଗାତା ପେରହାଲି ମାଟ୍‌ହେସି, ଇଞ୍ଜା ଟାକାୟା ବେବାରା ଗାଟାରି କୁଚିଁୟା ଅଡ଼େ ପଟାୟା ବେବାରା କୁଚିଁୟା ତିରିମ୍ବୁପ୍‌ହେସି □

୧୬ ଇଞ୍ଜା ପ୍ରାତାନା ଇଲୁ ବିତ୍ରାଟି ଆମ୍ବାଆରାକି ଏନାଆଁ ଅହାଲି ତାଚାଲି ହେଲ ହାଆଡେସି,

୧୭ ତାୟୁ ଜୀସୁ ଏଞ୍ଜାରାଇଁ ଜାପ୍‌ହିହିଁ ଏଲେଇଚେସି, “ଦାମ୍ବୁ ପତିତା ରାସ୍‌କି ଆହାମାନେ, ନା ଇଲୁ ବାରେ କୃତାତି ଲକୁତାକି ପ୍ରାତାନା ଇଲୁ ଇଞ୍ଜିଁ ଖେଙ୍ଗିନେ ? ସାମା ମୀରୁ ଏଦାଆଁ ତଂଗାୟା ପାସ୍ତୁ କିହାମାଞ୍ଜେରି □”

୧୮ ଇ କାତା ଖେଞ୍ଜାନା କାଜା ପୂଜେରାଙ୍ଗା ଅଡ଼େ ମେରାପୁନାରି ଏଞ୍ଜାଣାଇଁ ଏନିକିଁ ନାସା କିହାଲି ଆଡ଼ିନେରି, ଏଦାଆଁ ପାରୁ ପାରାଲି ମାଟ୍‌ହେରି; ଇଚିହିଁ ଲକୁ ଏଞ୍ଜାଣି ଜାପ୍‌ନି ତାଣା କାବା ଆହିମାଟାକି ଏଞ୍ଜାରି ଏଞ୍ଜାଣାଇଁ ଆଜିମାଚେରି □

୧୯ ଏ ଦିନା ମିଡ଼ଅଲା ବେଲା ଜୀସୁ ଅଡ଼େ ସୀସୁୟା ଗାଡ଼ାଟି ହାଚେରି □

ଖାୟିତି ତୟା ମାର୍ନୁତି ଜାପିନାୟି

(ମାତି ୨୧:୨୦-୨୨)

୨୦ ଅର ଦିନା ଲାଭଏ ଏ ଜିରୁଟି ହାଜିମାଚାଟି ଏଞ୍ଜାରି ତୟା ମାର୍ନୁ  
ତାକିଟିଏ ଖାୟିତାଣି ମେସ୍ତେରି □

୨୧ ଏମ୍ବାଟିଏ ପିତର ତଲିତି କାତା ଅଣ୍ଡପାନା ଏଲେଇରେସି, “ଏ  
ଗୁରୁ ମେହ୍ମୁ ନୀନୁ ଆମିନି ତୟା ମାର୍ନୁତି ବାକା ହୀହାମାଟି ଏଡ଼ି  
ଝାୟାହାରେୟିଏ □”

୨୨ ଜୀସୁ ଏଞ୍ଜାରାଇଁ ଏଲେଇରେସି, “ମାହାପୁରୁ ତାଣା ନାମାଦୁ □

୨୩ ✱ନୀନୁ ମିଙ୍ଗେ ସାତା ଝେସିମାଞ୍ଜାଇଁ, ଆମ୍ବାଆସି ଇ ହରୁତି  
ନୀନୁ ନିଙ୍ଗାନା ସାମ୍ବୁରିତା ତରୁଗାମୁ ଇନେସି, ଇଞ୍ଜା ତାନି ହିୟାତା  
ଆନାମାନା ଆଆନା, ଏନାଆଁ ଜଲିମାଇଁ ଏଡ଼ି ଆନେ ଇଞ୍ଜା  
ନାମିନେସି, ଏଞ୍ଜାଣାକି ଏଡ଼ି ଆନେ □

୨୪ ଏଦାଆଁତାକି ନୀନୁ ମିଙ୍ଗେ ଝେସିମାଞ୍ଜାଇଁ, ମୀରୁ ଏନାଆଁ  
ପ୍ରାତାନା କିଦେରି ଅଡ଼େ ରୀହ୍‌ଦେରି, ଏ ବାରେ ମିଙ୍ଗେ ମୋଡ଼ା  
ଆୟାତେ ଇଞ୍ଜା ନାମାଦୁ, ଏରେଟିଏ ଏ ବାରେ ସାତେଏ  
ବେଟାଆଦେରି □

୨୫ ✱ଇଞ୍ଜା ମୀରୁ ଆମିନି ବେଲାତା ପ୍ରାତାନା କିହାଲି ନିଦେରି,  
ଇଞ୍ଜା ଆମ୍ବାଆରି କପାଟି ଏଡ଼ି କାତା ମାଟିହ୍, ଏଞ୍ଜାଣି ପାପୁ ମ୍ଲେକ୍‌ଦୁ,  
ଏଡ଼ିକ୍ ମୀ ଲାକପୁରୁତି ଆବା ଜିକେଏ ମୀ ପାପୁତି ମ୍ଲେକ୍‌ହନେସି  
□

୨୬ ସାମା ମୀରୁ ଏଞ୍ଜାଣି ପାପୁ ମ୍ଲେକ୍‌ଅତେରି, ଆଡ଼ିହ୍ ମୀ  
ଲାକପୁରୁତି ଆବା ଜିକେଏ ମୀ ବାରେ ପାପୁତି ମ୍ଲେକ୍‌ହଅସି □”\*

### ଜୀସୁତି ଅଦିକାରା

(ମାତି ୨୧:୨୩-୨୭; ଲୁକ ୨୦:୧-୮)

୨୭ ତାୟୁ ଏଞ୍ଜାରି ଅଡ଼େ ଝେଶ୍ଟେ ଜିରୁସାଲମତା ଝାଡ଼େରି; ଇଞ୍ଜା  
ଏଞ୍ଜାସି ପ୍ରାତାନା ଇଲୁତା ହଡ଼ିମାଟି ବେଲାତା କାଜା ପୁଜେରାଙ୍ଗା  
ମୋରାପୁନାରି ଇଞ୍ଜା ପ୍ରାତିନାଙ୍ଗା ଏଞ୍ଜାଣି ତାଣା ଝାହାନା ଝେରେରି,

୨୮ “ନୀନୁ ଆମିନି ଅଦିକାରା ତଲେ ଇ ବାରେ କିହିମାଞ୍ଜି ? ଇଞ୍ଜା  
ଇ ବାରେ କିହାଲି ଆମ୍ବାଆସି ଇ ଅଦିକାରା ହିୟାତେସି ?”

✱ ୧୧:୨୩ ୧୧:୨୩ ମାତି ୧୭:୨୦; ୧କର ୧୩:୨ ✱ ୧୧:୨୫ ୧୧:୨୫ ମାତି ୬:୧୪, ୧୫

\* ୧୧:୨୬ ୧୧:୨୭ କରେକା ସାସ୍ତେରିତା ଇ କାତା ରାସ୍‌କି ଆହାହଲେଏ □

୨୯ ସାମା ଜୀସୁ ଏଝାରାଇଁ ଏଲେଇଚେସି, “ନାନୁ ମିଙ୍ଗେ ର କାତା ଝେଞ୍ଜାଇଁ, ନାଙ୍ଗେ ଝେସ୍ତାଦୁ, ଆତିହୁଁ ନାନୁ ଆମିନି ଅଦିକାରା ତଲେ କିହିମାଇଁ, ଏଦାଆଁ ମିଙ୍ଗେ ଝେସ୍ତାଇଁ □

୩୦ ଜହନତି ବାପ୍ତିସ୍ମା† ଲାକପୁରୁଟି କି ମାଣ୍ଟିୟାଁ ତାଣାଟି ଆହାମାଚେ ? ଏଦାଆଁ ନାଙ୍ଗେ ଝେସ୍ତାଦୁ □”

୩୧ ଏଚେଟିଏ ଏଝାରି ତାମ୍ବୁତାମ୍ବୁ କାତା ଆହାଲି ମାଟ୍‌ହେରି, “ଲାକପୁରୁଟି ଇନାୟି, ଆତିହୁଁ ଏଝାସି ଏଲେଇଞ୍ଜାନେସି ମୀରୁ ଏନାଆଁତାକି ଏଝାଣାଇଁ ନାମାଆଚେରି ?

୩୨ ଅଡେ ମାଣ୍ଟିୟାଁ ତାଣାଟି ଇନାୟି, ଏଝାରି ଲକୁଣି ଆଜିମାଚେରି; ଇତିହୁଁ ବାରେଜାଣା ଜହନ ସାତା ମାହାପୁରୁ ଅଣ୍ଟପୁଡି ବଲୁ ଝେହ୍‌ନାସି ଇଞ୍ଜୁଁ ମାନଝି ଆହିମାଚେରି □”

୩୩ ଏଦାଆଁତାକି ଜୀସୁଇଁ ଏଝାରି ଏଲେଇଚେରି, “ମାମ୍ବୁ ପୁଞ୍ଜାହିଲଅମି □” ଜୀସୁ ଏଝାରାଇଁ ଏଲେଇଚେସି, “ନାନୁ ଆମିନି ଅଦିକାରା ତଲେ କିହିମାଇଁ ଏଦାଆଁ ନାନୁ ଜିକେଏ ମିଙ୍ଗେ ଝେସ୍ତାଆଁ □”

## ୧୨

ଅଞ୍ଜୁରି ବାଡ଼ାତା ଲାଗେଏତି ବାଗା କାମାକିନାରି  
(ମାତି ୨୧:୩୩-୪୬; ଲୁକ ୨୦:୯-୧୯)

୧ ଏମ୍ବାଟିଏ ଏଝାସି ଏଝାରାଇଁ ପୁଣ୍ଡିକିନି କାତାତଲେ ଝେସାଲି ମାଟ୍‌ହେସି, “ରଅସି ର ଅଞ୍ଜୁରି ବାଡ଼ା କିହାନା ବାଡ଼ା ସାରିଝାକି ବେୟିଁ ଗୁରତେସି, ଇଞ୍ଜାଁ ଅଞ୍ଜୁରି ପାଡ଼େୟି ପୀଚାଲି ର ଗାଡ଼ୁୟୁ କାରହାନା ଏମ୍ବାଆଁ କାଝୁଆନାରାକି କାଝୁଆନି ଇଲୁ କେପିତେସି, ଇଞ୍ଜାଁ କାମା କିନାରାକି ଏ ବାଡ଼ା ବାଗା ହୀହାନା ହେକ ରାଜି ହାଚେସି □

୨ ତାୟୁ କାମାକିନାରି ତାଣାଟି ଅଞ୍ଜୁରି ବାଡ଼ାତି ପାଡ଼େୟି ବାଗା ବେଟାଆହାଲି ଏଝାସି ର ହଲେଏଣାଇଁ ପାଡ଼େୟି କାମ୍ବିନିଝେଡ଼ା ଏଝାରିତାଣା ପାଣ୍ଡିତେସି □

୩ ସାମା ଏଝାରି ଏଝାଣାଇଁ ଆସାନା ଝେତେରି ଇଞ୍ଜାଁ ଝାରଇ କେନ୍ଦୁଟି ପାଣ୍ଡିତେରି □

† ୧୧:୩୦ ୧୧:୩୦ ମୁଞ୍ଜିନାୟି

୪ ଏଞ୍ଜେଲ୍ ଅଡ଼େ ଏଞ୍ଜେରିତାଣା ଅଡ଼େ ର ହଲେଏଣାଲ୍ ପାଣ୍ଡିତେସି;  
ଏଞ୍ଜେରି ଏଞ୍ଜେଣାଲ୍ ଜିକେଏ ତାୟ୍ ଛାୟେ ଝେଚାନା ହାଣି କିତେରି  
□

୫ ଏଞ୍ଜେଲ୍ ଅଡ଼େ ରଅଣାଲ୍ ପାଣ୍ଡିତେସି; ଏଞ୍ଜେରି ଏଞ୍ଜେଣାଲ୍ ଜିକେଏ  
ପାୟିତେରି, ଏମ୍ପାଟିଏ ଏଞ୍ଜେଲ୍ ଅଡ଼େ ହାରେକା ଜାଣାତି ପାଣ୍ଡିତେସି;  
ଏଞ୍ଜେରି ବିତ୍ରାଟି ଏଚରଜାଣାତି ଝେତେରି ଇଞ୍ଜା ଏଚରଜାଣାତି  
ପାୟିତେରି □

୬ ତାନି ତାଣା ରଅସିଏ ତୟିତେସି, ଏଞ୍ଜେଲ୍ ତାନି ଜୀଞ୍ଜୁତି ମାର୍ଏସି,  
ତାୟ୍ ଅଣ୍ଡିତେସି ‘ଏଞ୍ଜେରି ନା ମାର୍ଏଣାଲ୍ ମାନ୍ଦି କିନେରି’ ଇଞ୍ଜା  
ଏଞ୍ଜେଲ୍ ଏଞ୍ଜେଣାଲ୍ ପାଣ୍ଡିତେସି □

୭ ସାମା ଏ କାମାକିନାରି ତାୟ୍ ତାୟ୍ କାତା ଆଡେରି, ‘ଇଞ୍ଜେଲ୍ ଅ  
ଅଦିକାରା ଗାଟାସି, ଝାତୁ ଇଞ୍ଜେଣାଲ୍ ପାୟିନ; ଆତିହ୍ ବାଡ଼ାତି  
ଅଦିକାରା ମାନ୍ଦି ଆନେ □’

୮ ଏମ୍ପାଟିଏ ଏଞ୍ଜେରି ଏଞ୍ଜେଣାଲ୍ ଆସାନା ପାୟିତେରି ଇଞ୍ଜା ଅଜ୍ଜୁରି  
ବାଡ଼ାତି ପାଞ୍ଜାତା ମେଡ଼ହାତୁସ୍ତେରି □”

୯ ଜୀସୁ ଏଞ୍ଜେରାଲ୍ ଝେତେସି, “ଝେସ୍ତାତୁ, ଇଦାଆଁ ତାୟ୍ ଏ ଅଜ୍ଜୁରି  
ବାଡ଼ାତି ସାଞ୍ଜୁକାରି ଏନାଆଁ କିନେସି ? ଏଞ୍ଜେଲ୍ ଝାହାନା କାମା  
କିନାରାଲ୍ ନାସା କିନେସି ଇଞ୍ଜା ଏଚକାତି କାମା କିନାରାକି ଏ ଅଜ୍ଜୁରି  
ବାଡ଼ା ହାନେସି □

୧୦ ମାରୁ ଦାମ୍ ପତିତା ଇ କାତା ପଡ଼ଞ୍ଜି ଆହାହିଲଅତେରି ?  
ଇଲ୍ଲୁ କେପିନାରି ଆମିନି ଝାଲିତି ମିଶ୍ଏ ଇଞ୍ଜା ଅପାଆତେରି,  
ଏଦିଏ ଇଲ୍ଲୁତି ମ୍ଲୁ ଝାଲି ଆଡେ □

୧୧ ମାହାପୁରୁ ତାଣାଟି ଇଦି ଆଡେ,  
ଇଞ୍ଜା ଏଦି ମା କାନ୍ଦୁତାକି ର କାବା ଆନାୟି □”

୧୨ ଏଚେଟିଏ ଜୀହୁଦି ଲକ୍ଷୁତି କାଜାରି ଏଞ୍ଜେଣାଲ୍ ଆସାଲି  
ଅଣ୍ଡିମାଚେରି, ସାମା ଏଞ୍ଜେରି ଲକ୍ଷୁଣି ଆଜିତେରି; ଇତିହ୍ ଏ  
ପୁଣ୍ଡିକିନି କାତା ଏଞ୍ଜେରାଲ୍ ସିନିକିହାନା ଝେସିମାଚେସି ଇଞ୍ଜା  
ପୁଚେରି, ଇଞ୍ଜା ଏଞ୍ଜେରି ଏଞ୍ଜେଣାଲ୍ ପିସାନା ହାଜାତୁସ୍ତେରି □

ସିସ୍ତୁ ହାନାଣି ଝେନାୟି

(ମାତି ୨୨:୧୫-୨୨; ଲୁକ ୨୦:୨୦-୨୨)

୧୩ ତାମ୍ଭୁ ଜୀସୁ କାତାତି ଦହ ଆସାଲି ତାକି ଏଝାରି ପାରୁସି ଅଡ଼େ ହେରଦ ଗିଚିତି ଏତେକା ଲକୁଣି ଏଝାଣି ତାଣା ପାଣ୍ଡିତେରି □

୧୪ ଏଝାରି ଝାହାନା ଏଝାଣାଇଁ ଏଲେଇଚେରି, “ଏ ଗୁରୁ ମାମ୍ବୁ ପୁଞ୍ଜାମାନମି, ନୀନୁ ସାତା କାତା ଝେହନାତି ଅଡ଼େ ଆମ୍ବାଆରାଇଁ ଆଜାଆ ଗାଟାତି; ଇଚିହିଁ ନୀନୁ ମାଣ୍ଡିତି ମୁମ୍ବୁ ମେସାନା ଜଲ୍ଲାଆ ଗାଟାତି ଇଞ୍ଜା ସାତା ତଲେ ମାହାପୁରୁତି ଜିରୁ ଜାପୁନାତି, କାୟିସରକି ସିସୁ ହୁାନାୟି ମେରା କି ଆଏ, ମାମ୍ବୁ ହୁାନମି କି ଆଏ ?”

୧୫ ସାମା ଏଝାସି ଏଝାରି କାରବିତି ପୁଞ୍ଜାନା ଏଝାରାଇଁ ଏଲେଇଚେସି, “ଏନାଆଁତାକି ନାଞ୍ଜେ ତାୟିପାରି କିହିମାଞ୍ଜାଦେରି ? ର ଝେଣ୍ଡି ଟାକା ନା ତାଣା ତାଦୁ ନାନୁ ଏଦାଆଁ ସିନିକିଇଁ □”

୧୬ ଏଚେଟିଏ ଏଝାରି ଏଦାଆଁ ତାତେରି, ଏଝାସି ଏଝାରାଇଁ ଝେଚେସି, “ଇ ବମା ଅଡ଼େ ଦରୁ ଆମ୍ବାଆରାଝାୟି ?” ଏଝାରି ଏଝାଣାଇଁ ଏଲେଇଚେରି, “କାୟିସରଝାୟି □”

୧୭ ଏମ୍ବାଟିଏ ଜୀସୁ ଏଝାରାଇଁ ଏଲେଇଚେସି, “କାୟିସରଝାୟି ଏନାୟି ଏଦାଆଁ କାୟିସରକି ହୀଦୁ; ଇଞ୍ଜା ମାହାପୁରୁଝାୟି ଏନାୟି ଏଦାଆଁ ମାହାପୁରୁକି ହୀଦୁ □” ଏଚେଟିଏ ଏଝାରି ଏଝାଣି କାତାତାକି କାବା ଆଡେରି □

ସାଦୁକିୟାଁ ହାକିଟି ଝେଣ୍ଡେ ନିଜିନି କାତା ଝେନାୟି  
(ମାତି ୨୨:୨୩-୩୩; ଲୁକ ୨୦:୨୭-୪୦)

୧୮ ✱ଏମ୍ବାଟିଏ ହାକିଟି ଝେଣ୍ଡେ ନିଜିନାୟି ହିଲେଏ ଇଞ୍ଜିମାନି ସାଦୁକି ଲକୁ ଜୀସୁ ତାଣା ଝାହାନା ଝେଚେରି,

୧୯ “ଏ ଗୁରୁ ମସା ମାଞ୍ଜେତାକି ରାଟାମାନେସି, ଇଚିହିଁ ଆମ୍ବାଆରି ତାୟି ହାନେସି ଇଞ୍ଜା ତାନି ତକ୍ତି ନୀତାମାନେ ଇଞ୍ଜା ଏଦାନି ଏନି କକାରି ପଦାୟା ହିଲାଉ ଆତିହିଁ ତାନି ତାୟି ତାନି ତକ୍ତିନି ଇଟାନା ତାନି ତାୟିକି କୁଡ଼ା ଏପାକିନେସି □

୨୦ ମେହମ୍ବୁ ସାତା ଜାଣା ତାୟିୟାଁ ମାଚେରି; କାଜାସି ର ଆୟାନି ବାହା ଆଡେସି, ଇଞ୍ଜା କକାରି ପଦାଁ ଆଆନା ହାଡେସି;

୨୧ ଏଞ୍ଜାଣି ଜେରତାସି ଏ ଇୟାନି ଇଚିତେସି ଇଞ୍ଜା କକାରି ପଦାଁ  
ଆଆନା ହାଡ଼ତସି; ଅଡ଼େ ଜେରତାସି ଏଲେକିତେସି,

୨୨ ଇଞ୍ଜା ସାଡ଼ା ଜାଣା ଜିକେଏ କକାରି ପଦାଁ ଆଆନା ହାଡ଼ତରି;  
ବାରେତି ତାୟୁ ଏ ଇୟା ଜିକେଏ ହାଡ଼ତ □

୨୩ ଝେଣ୍ଡେ ନିଜିନି ବେଲାତା ଏଚିବେଲା ଏଞ୍ଜାରି ନିଜିନେରି,  
ଏଚିବେଲା ଏଞ୍ଜାରି ବିତ୍ରାଟି ଆମ୍ବାଆରି ଡକ୍ତି ଆନେ ? ସାଡ଼ା ଜାଣା  
ଜିକେଏ ଇଟାମାରେରି □”

୨୪ ଜୀସୁ ଏଞ୍ଜାରାଇଁ ଏଲେଇରେସି, “ମିଙ୍ଗେ ହାଡ଼େକା ନାଡ଼ିକିନି  
ଅଣ୍ଡୁ ମାନେ □ ଦାମ୍ବୁ ସାଡ଼େସ୍ତରି, ଇଞ୍ଜା ମାହାପୁରୁତି ବାଡ଼ୟୁତି କାତା  
ପୁଞ୍ଜାହିଲଅତେରି □

୨୫ ଏନାଆଁତାକି ଇଚିହିଁ ହାଡ଼ାରି ନିଜିତି ତାୟୁ ଲକୁ ବାହା  
ଆଅରି କି ବାହା ହାଅରି, ସାମା ଲାକପୁରୁତି ଦୁଡୁୟାଲେହେଁ  
ଡ଼ୟିନେରି □

୨୬ ଇଞ୍ଜା ହାଡ଼ାରି ନିଜିନେରି ଏ କାତାତି ମୀରୁ ମସା ରାଚିତି  
ପତିତା ଝେହିମାନି ବୁଟାତି କାରୁ ପଡ଼଼ି ଆହାହିଲଅତେରି କି  
? ମାହାପୁରୁ ଏନିକିଁ ଏଲେଇଞ୍ଜା ମାନେସି, ‘ନାନୁ ଅବାହାମତି  
ମାହାପୁରୁ, ଇସାହାକତି ମାହାପୁରୁ, ଅଡ଼େ ଜାକୁବତି ମାହାପୁରୁତେଏ  
□’

୨୭ ଏଞ୍ଜାସି ହାଡ଼ାରି ମାହାପୁରୁ ଆଏ, ସାମା ଜୀଞ୍ଜୁଗାଟାରି ମାହାପୁରୁ  
ମୀରୁ ହାଡ଼େକା ନାଡ଼ିକିଞ୍ଜି ଆହାମାଞ୍ଜରି □”

**କାଜା ହୁକୁମି**

(ମାତି ୨୨:୩୪-୪୦; ଲୁକ ୧୦:୨୫-୨୮)

୨୮ ଏଚିବେଲା ର ମେରା ଜାପ୍ନାସି ତାଗେ ଝାହାନା ଏଞ୍ଜାରି  
ବାଡ଼ିବାଡ଼ା ଆହିମାଟାଣି ଝେଞ୍ଜାନା ଅଡ଼େ ଜୀସୁ ସାଦୁକି ଲକୁଇଁ  
ସମାନା କାତା ଝେଣ୍ଡେ ଝେସିମାଟାଣି ଝେଞ୍ଜାନା ଜୀସୁଇଁ ଝେରେସି,  
“ଆମିନି ହୁକୁମି ଦାମ୍ବୁପତିତା ବାରେକିହାଁ କାଜାୟି ?”

୨୯ ଜୀସୁ ଏଲେଇରେସି, “କାଜା ହୁକୁମି ଇଦି ‘ଏ ଇସ୍ରାୟେଲ  
ଝେଞ୍ଜୁ; ପ୍ରୁ ମା ମାହାପୁରୁ ରଣିଏ ପ୍ରୁ ମାନେସି;

୩୦ ଅଡ଼େ ନାନୁ ନୀ ବାରେ ହିୟାଁ ବାରେ ଜୀଞ୍ଜୁ ମନ ହାହାନା ଅଡ଼େ  
ବାରେ ବାଡ଼ୟୁ ତଲେ ପ୍ରୁ ନୀ ମାହାପୁରୁଇଁ ଜୀଞ୍ଜୁ ନମ୍ବୁ □”



୩୧ ଅଡ଼େ ରଣ୍ଡି ଇଦି ନୀନୁ ନୀ ପାଡ଼ିତାଣାଇଁ ନୀ ଜାହାରାଲେହେଁ ଜୀସୁ ନମ୍ନୁ □ ଇ ହୁକୁମିକା ପିସ୍‌ପେ ଅଡ଼େ ଆମିନି କାଜା ହୁକୁମି ହିଲେଏ □

୩୨ ଏମ୍ବାଟିଏ ଏ ଫେରା ପୁନାସି ଜୀସୁଇଁ ଏଲେଇଚେସି, “ଏ ଗୁରୁ ଏଦି ସାତା ମାହାପୁରୁ ରଅସିଏ ଇଞ୍ଜା ଏଞ୍ଜାଣି ପିସ୍‌ପେ ଅଡ଼େ ଆମ୍ବାଆସି ହିଲଅସି, ଏଦାଆଁ ନୀନୁ ନେହୁଁକିଁ ଖେସ୍ତାତି;

୩୩ ଇଞ୍ଜା ବାରେ ହିୟାଁ, ବାରେ ବୁଦି, ବାରେ ବାଡ଼ୟୁ ହୀହାନା ଏଞ୍ଜାଣାଇଁ ଜୀସୁନନାୟି ଇଞ୍ଜା ପାଡ଼ିତାଣାଇଁ ମା ଜାହାରାଲେହେଁ ଜୀସୁନନାୟି ବାରେ ଜନ୍ତତି ପୂଜା ହୀନି\* କିହାଁ କାଜାୟି □”

୩୪ ☆ଏଞ୍ଜାସି ବୁଦିତଲେ ଜଳାମାଞ୍ଜାନେସି ଇଞ୍ଜାଁ ଫେସାନା ଜୀସୁ ଏଞ୍ଜାଣାଇଁ ଏଲେଇଚେସି, “ମାହାପୁରୁତି ରାଜିତି ନୀନୁ ହେକ ହିଲଅତି □ ଏଚେଟିଏ ଆମ୍ବାଆସି ଜୀସୁଇଁ ଏଦାଆଁ ଖେଞ୍ଜାଲି ସାସା କିଆତେସି □”

**କ୍ରୀସ୍ତ ଆମ୍ବାଆରି ମୀର୍‌ଏସି  
(ମାତି ୨୨:୪୧-୪୬; ଲୁକ ୨୦:୪୧-୪୪)**

୩୫ ସାମା ଜୀସୁ ପ୍ରାଡାନା ଇଲୁତା ଜାପୁହି ମାଟିବେଲାତା ଏଲେଇଚେସି, “କ୍ରୀସ୍ତ ଦାସୁଦ ମୀର୍‌ଏସି, ଇଦାଆଁ ଫେରାପୁନାରି ଏନିକିଁ ଏଲେଇନେରି ?

୩୬ ଦାସୁଦ ତାନୁଏ ମାହାପୁରୁତି ସୁଦୁଜୀସୁ ବେଟାଆହାନା ଖେସାମାଚେସି,

‘ପ୍ରବୁ ନା ପ୍ରବୁଇଁ ଏଲେଇଚେସି,  
ନୀନୁ ଏଚେ ପାତେକା ନୀ ସାତୁୟାଁଇଁ ନୀ କଡ଼ାଁ ଡ଼ଇ କିହାହିଲଅଁ,  
ଏଚେ ପାତେକା ନା ଚିଃନିଞ୍ଜାକି କୁଗାମାନାମୁ □’

୩୭ ଦାସୁଦ ତାନୁଏ ଏଞ୍ଜାଣାଇଁ ପ୍ରବୁ ଇଞ୍ଜିମାନେସି; ଆତିହୁଁ ଏଞ୍ଜାସି ଏନିକିଁ ଦାସୁଦ ମୀର୍‌ଏସି □” □

\* ୧୨:୩୩ ୧୨:୩୩ ହେରପିନାୟି ☆ ୧୨:୩୪ ୧୨:୩୪ ଲୁକ ୧୦:୨୫-୨୮

ମେରାପୁନାରି ତାଣାଟି ଜାଗ୍ରାତା କିନାୟି  
(ମାତି ୨୩:୧-୩୬; ଲୁକ ୨୦:୪୫-୪୭)

୩୮ ମାନ୍ଦା ଲକୁ ରାହୁଁଟି ତାନି କାତା ଝେଞ୍ଜିମାଚେରି, ଅଡ଼େ ଝେଣ୍ଣେ ଏଝାସି ତାନି ଜାପୁହି ମାତି କାତାତା ଏଲେଇଚେସି, “ମେରାପୁନାରି ତାଣାଟି ଜାଗ୍ରାତା, ଏଝାରି ଲାମ୍ବା ହିମ୍ବୁରିକା ହୁତାନା ରେଜାଲି ଇଞ୍ଜା ହାଟା ବାଜାରାତା ଜହରା ବେଟାଆହାଲି ରାହା ଆନେରି,

୩୯ ଜୀହୁଦି ଲକୁତି କୁଟମି ଇଲୁତା† କାଜା କୁଟି, ବଢ଼ିତା ନେହିଁ ଟାମୁତା କୁଗାଲି ପାରିନେରି;

୪୦ ଏଝାରି ରାଣ୍ଠେଣିସିକା ଇଲକା ସେଦିନେରି, ଲକୁଣି ତସାଲି ଲାମ୍ବା ପ୍ରାତାନା କିନେରି; ଏଝାରି ହାରେକା ତଣ୍ଣ ବେଟାଆନେରି □”

ରାଣ୍ଠେଣି ଇୟାନ୍ଦି ଦାନା  
(ଲୁକ ୨୧:୧-୪)

୪୧ ତାମୁ ଜୀସୁ ମାହାପୁରୁ ଇଲୁତି ଦାନା ପେଡ଼ା ତାଗେ କୁଗାନା ଲକୁ ଏମ୍ବାଆଁ ଏନିକିଁ ଦାନା ହୀହିମାନେରି, ଏଦାଆଁ ସିନିକିହିମାଚେସି □ ଏଟିବେଲାତା ହାରେକା ଦନ ଗାଟାରି ଗାତି ମେଡ଼ହେରି;

୪୨ ଅଡ଼େ ର ହାକି କାକୁଲିଗାଟି ରାଣ୍ଠେଣି ଇୟା ଝାହାନା ରୀ ଉଣା ତାମ୍ବାତି ଆଦଲି‡ ଏ ପେଡ଼ାତା ମେଡ଼ହେ □

୪୩ ଏଚେଟିଏ ଜୀସୁ ତାନି ସୀସୁଣି ତାଗେ ହାଟାନା ଏଲେଇଚେସି, “ନାନୁ ମିଙ୍ଗେ ସାତା ଝେସିମାଞ୍ଜାଇଁ, ଦାନା ପେଡ଼ାତା ଟାକାୟାଁ ମେଡ଼ହିମାନି ବାରେ ଲକୁ କିହାଁ ଇ ହାକି କାକୁଲିଗାଟି ରାଣ୍ଠେଣି ଇୟା ଗାତି ମେଡ଼ହାମାନେ;

୪୪ ଇଟିହିଁ ବାରେଜାଣା ତାନି ହାରେକା ଦନଟି ଇଚାଣି ମେଡ଼ହା ମାନେରି, ସାମା ଇଦି ତାନି ହିଲାଆବେଲାତା ତାଙ୍ଗେ ନୀତାଲି ତାଙ୍ଗେ ଏନାୟି ମାଚେ, ଏ ବାରେ ମେଡ଼ହାମାନେ □”

† ୧୨:୩୯ ୧୨:୩୯ ସିନଗଗ ‡ ୧୨:୪୨ ୧୨:୪୨ ରୀ ଉଣା ତାମ୍ବାତି ଆଦଲି, ରା ଆଟାଅଣା ର ଟାକାତି କାଜା ଆଦଲି ସମାନା, ଏଦି ଗ୍ରିକ୍ ତଲେ ଉଣା ଆଦଲିତି “ଲେପଟସ୍” କାଜା ଆଦଲିତି “କତ୍ରାନ୍ଟସ୍” ଇନେରି □

## ୧୩

ପ୍ରାତାନା ଇଲୁ ନସ୍ତୁ ଆନାଣି ଜୀସୁ ଖେହ୍ନାୟି  
(ମାତି ୨୪:୧-୨; ଲୁକ ୨୧:୫-୬)

<sup>୧</sup> ଜୀସୁ ମାହାପୁରୁ ଇଲୁଟି ହାଜିମାଚାଟି ତାନି ସୀସୁୟାଁ ବିତ୍ରାଟି  
ରଅସି ଏଞ୍ଜାଣାଇଁ ଏଲେଇଚେସି, “ଏ ଗୁରୁ ମେହ୍ନୁ ଏନିଲେହେଟି  
ଅଜିତି ଖାଲକା ଅଡେ ଏନିଲେହେଟି ଅଜିତି ମେଡା ଇଲକା □”

<sup>୨</sup> ଏଚେଟିଏ ଜୀସୁ ଏଞ୍ଜାଣାଇଁ ଏଲେଇଚେସି, “ନୀନୁ ଏନାଆଁ ଇ  
କାଜା ମେଡା ମେସିମାଞ୍ଜି ? ର ଖାଲି ଅର ଖାଲି ଲାକ ଡୟେଏ,  
ବାରେ ମେଶିଙ୍ଗାହାନୁ □”

କସ୍ତୁ ଅଡେ ସାସ୍ତି କାତା ଖେହ୍ନାୟି  
(ମାତି ୨୪:୩-୧୪; ଲୁକ ୨୧:୭-୧୯)

<sup>୩</sup> ତାୟୁ ପ୍ରାତାନା ଇଲୁ ନକିତା ମାନି ଜୀତ ହରୁ ଲାକ କୁଗାଲିଏ  
ପିତର, ଜାକୁବ, ଜହନ, ଅଡେ ଆହିୟ ତାନି ତାଣା ମେଶେଏ  
ଞ୍ଜାହାନା ଖେଚେରି, “ଇ ବାରେ ଏଚେଲା ଆନେ,

<sup>୪</sup> ଅଡେ ଆମିନି ବେଲାତା ଇ ବାରେ ଗଟଞ୍ଜି ଆନେ ଏ ବେଲାତି  
ସିନା ଏନାୟି, ଏଦାଆଁ ମାଜେ ଖେସ୍ତାମୁ □”

<sup>୫</sup> ଏମ୍ବାଟିଏ ଜୀସୁ ଏଞ୍ଜାଣାଇଁ ଏଲେଇଚେସି, “ଜାଗ୍ରାତା, ଆମ୍ବାଆସି  
ଏନିକି ମିଜେ ନାଡ଼ି କିୟଅସି □

<sup>୬</sup> ହାଚେରକା ନା ଦରୁତଲେ ଞ୍ଜାହାନା, ‘ନାନୁ ଏଞ୍ଜାତେଏଁ’ ଇଞ୍ଜି  
ହାଚେରକା ଲକୁଣି ନାଡ଼ି କିନେରି □

<sup>୭</sup> ସାମା ମୀରୁ ଏଚିବେଲା ଜୁଜୁତି କାତା ଅଡେ ଗଡ଼ହାତି ହାଡ଼ା  
ଖେଖେରି, ଏଚିବେଲା କିଲିବିଲି ଆଆଦୁ; ଏ ବାରେ ଆନାୟି ମାନେ,  
ସାମା ଏ କାଲା ଜିକେଏ ଜୁଗୁ ରାନାୟି ଆଏ □

୮ ଇଚିହ୍ନି ଦେସା କପାଟି ଦେସା, ରାକ୍ତି କପାଟି ରାକ୍ତି ନିଜିନେ,  
ବାରେଖାକି ବୁଫି ଖୀଡିନେ ଅଡେ କାଡାରା ଆନେ; ଇ ବାରେ କକାରି  
ପଦାୟାଁ ଆନାଟି ଲୁଞ୍ଜିନି ବୀସା ଲେହେଁ □”

<sup>୯</sup> ✠ ସାମା ମୀରୁ ମିଜେ ତାକି ଜାଗ୍ରାତା ଆହାମାଞ୍ଜୁ; ଲକୁ ମିଜେ  
ନୀହାୟି କିନି ତାଣା ଦସାନା ଅୟାନେରି, ଅଡେ ମିଜେ ଜୀହୁଦି

ଲକ୍ଷ୍ମୀ କୁଟମି ଇଲକାଣା\* ଝେତାନେରି, ଇଞ୍ଜା ନା ତାକି ସାଲଝି  
କିନାରି ତାଣା ରାଜାୟା ନକିତା ନିଦେରି, ଏଞ୍ଜାରି ନକିତା ସାକି  
ଆଡେରି □

୧୦ ଇଞ୍ଜା ବାରେ କୂଡ଼ା ନକିତା ନେହଁ କାରୁ ନକେଏ ଝେସ୍ପି  
ଆନେ □

୧୧ ଇଞ୍ଜା ଏଚିବେଲା ଲକୁ ମିଙ୍ଗେ ଅହାନା ହେର୍ପାନେରି,  
ଏଚିବେଲା ମୀରୁ ଏନାଆଁ ଜଲିଦେରି, ଏ କାତା ନକେଏ ଅଶ୍ପାଆଦୁ,  
ସାମା ଏ ବେଲାତା ମିଙ୍ଗେ ଏନାଆଁ ଜଲଲି ହୀପକିଆନେ ଏଦାଆଁ  
ଝେହ୍ମୁ; ଇଚିହଁ ମୀରୁ ଜଲିନାତେରି ଆଏ ସାମା ସୁଦୁଜୀଝୁ  
ଜଲିନାୟି □

୧୨ ତାୟି ତାୟିଇଁ ଅଡ଼େ ତାଞ୍ଜି ମୀରୁଏଣାଇଁ ହାହାଲି ତାକି  
ହେର୍ପନେରି; ଇଞ୍ଜା ମୀରୁକା ତାଲି ତାଞ୍ଜି କପାଟି ନିଜାନା ଏଞ୍ଜାରାଇଁ  
ପାୟିନେରି;

୧୩ ☆ଅଡ଼େ ନାଙ୍ଗେତାକି ବାରେ ଲକୁ ମିଙ୍ଗେ ଅପଅରି; ସାମା  
ଆମ୍ବାଆସି ରାନ୍ତି ପାତେକା ସାସା ଆସାନା ଡ଼ୟିନେସି ଏଞ୍ଜାସି ଗେଲ୍ପି  
ଆନେସି □

ନାସା ଆନ୍ତି କାଲମି

(ମାତି ୨୪:୧୫-୨୮; ଲୁକ ୨୧:୨୦-୨୪)

୧୪ ମୀରୁ ଏଚିବେଲା ଏ ନାସାକିନି ଅପାଆଗାଟି ଆସି ଆମିନି ତାଣା  
ଡ଼ୟିନି କାତା ହିଲେଏ, ଏମ୍ବାଆଁ ଡ଼ୟାମାନାଣି ମେହ୍ଦେରି (ପଡ଼ଝି  
ଆନାରି ତେଲ୍‌ହାପେରି) ଏଚିବେଲା ଆମ୍ବାଆରି ଜୀହୁଦା ଦେସାତା  
ମାନେରି, ଏଞ୍ଜାରି ହରକାଣା ହଶ୍ପେରି;

୧୫ ☆ଆମ୍ବାଆସି ଇଲୁ ଲାକ ମାନେସି, ଏଞ୍ଜାସି ଇଲୁ ବିତ୍ରା ଝାହାନା  
ଏନ୍ତି ଦିଶସୁ ଅହାଲି ରେଟା ଝାଆପେସି କି ବିତ୍ରା ହାଲାଆପେସି;

୧୬ ଇଞ୍ଜା ଆମ୍ବାଆସି ବାଡ଼ାତା ମାନେସି, ଏଞ୍ଜାସି ତାନି ହିମ୍ପରି ଅହାଲି  
ଝେଶ୍ଟେ ଝାଆପେସି □

୧୭ ଏ ବେଲାତା ଆମିନି ଗାଟାଇ ପୂରାମାସା ଆହାମାନୁ ଇଞ୍ଜା ପାଲୁ  
ଢ଼ବ୍‌ହିମାନୁ, ଏ ଦିନା ଆୟତା ଏଞ୍ଜି ଏଚେକା କସ୍ତ ବେଟାଆନୁ □

\* ୧୩:୯ ୧୩:୯ ସିନଗରୁ ☆ ୧୩:୧୩ ୧୩:୧୩ ମାତି ୧୦:୨୨ ☆ ୧୩:୧୫ ୧୩:୧୫  
ଲୁକ ୧୭:୩୧

୧୮ ସାମା ଏହି ଏନିକ୍ସ ପେନି ବେଲତା ଆଏ ଏଡାଆଁତାକି ପ୍ରାତାନା କିଦୁ □

୧୯ ✨ଇତିହ୍ ଏ କାଲ୍ଲାତା ଇଲେତି କସ୍ତୁ ଖାନ୍ନେ, ମାହାପୁରୁ ଗାଡ଼ିକିତି ଦିନାଟିଏ ନୀଞ୍ଜୁପାତେକା ଏଲେକ୍ସ ଆହା ହିଲେଏ, ଇଞ୍ଜା ଏଲେକ୍ସ ଏଚେଲ୍ଲାଖା ଆଏ □

୨୦ ସାମା ପ୍ରବୁ ଏ ଲାଗେଏତି କାଲ୍ଲାଇଁ ଉଣା କିହାମାନେସି □ ଏଲେ କିହାହିଲ୍ଲାଆତ୍ ମା, ଏହି ଏମ୍ବାଟି ଆମ୍ବାଆରି ଗେଲ୍ପି ଆଆତେରିମା □ ତାନି ଆର୍ଡ଼ିଆଡ଼ି ଲକୁତାକି ଏ କାଲ୍ଲା ଉଣା କିହାମାନେସି □

୨୧ “ଏତିବେଲା ‘ମେହ୍ତୁ କ୍ରୀସ୍ତ ଇମ୍ବାଆଁ’ ଅଡ଼େ ‘ଏମ୍ବାଆଁ’ ଇଞ୍ଜ୍ ଲକୁ ମିଙ୍ଗେ ଖେସ୍ତାନେରି, ଆଡ଼ିହ୍ ମୀରୁ ଏଡାଆଁ ନାମାଆଦୁ □

୨୨ ନାଡ଼ିକିନି କ୍ରୀସ୍ତ ଅଡ଼େ ମାହାପୁରୁ ବଲ୍ଲୁ ମିଟି ଖେହ୍ନାରି ନିଙ୍ଗାନା ଇଲେତି ସିନା ଅଡ଼େ କାବାଆନି କାମାୟାଁ ତହ୍ନେରି, ଆଡ଼ିତିହ୍, ଆର୍ଡ଼ିଆଡ଼ି ଲକୁଣି ଜିକେଏ ନାଡ଼ି କିନେରି □

୨୩ ସାମା ମୀରୁ ଜାଗ୍ରାତା ଆହାମାଞ୍ଜୁ; ନାନୁ ମିଙ୍ଗେ ତଲିଏ ବାରେ ଖେସିମାଞ୍ଜାଇଁ □

ମାଣସି ମୀରୁଏସି ଖେଶ୍ତେ ଖାନାୟି

(ମାତି ୨୪:୨୯-୩୧; ଲୁକ ୨୧:୨୫-୨୮)

୨୪ ✨ସାମା ଏ ବେଲତି ଏ କସ୍ତୁ ଡାୟୁ ଖେଡ଼ା ଆନ୍ଦେରି ଆନ୍ନେ ଅଡ଼େ ଲେଞ୍ଜୁ ଉଜେଡ଼ି ହୀଏ,

୨୫ ✨ହୁକାୟାଁ ହାଗୁଟି ତରଗାଲି ମାଟ୍ଟୁ ଅଡ଼େ ହାଗୁ ଲାକତି ବାଡ଼ୁୟୁ ବାରେ କିଲିବିଲି ଆନ୍ନେ □

୨୬ ✨ଏତିବେଲା ଲକୁ ମାଣ୍ଡି ମୀରୁଏଶାଇଁ କାଜା ବାଡ଼ୁୟୁଟି କାଜାପାଣା ତଲେ ହାଗୁ ଲାକତି ଖାନାଣି ମେହ୍ନେରି □

୨୭ ଏତିବେଲା ଏଞ୍ଜାସି ଦୂଡୁୟାଣି ପାଣ୍ଡାନା ଦାରୁତି ମୁଟ୍ପେତି ସାରିଖାକିତି ତାନି ଆଟାମାନି ଲକୁଣି ରୁଣ୍ଡା କିନେସି □

ତୟା ମୀରୁଟି ଜାପିନାୟି

(ମାତି ୨୪:୩୨-୩୫; ଲୁକ ୨୧:୨୯-୩୩)

☆ ୧୩:୧୯ ୧୩:୧୯ ଖେ ବଲ୍ଲୁ ୭:୧୪ ☆ ୧୩:୨୪ ୧୩:୨୪ ଖେ ବଲ୍ଲୁ ୭:୧୨ ☆ ୧୩:୨୫ ୧୩:୨୫ ଖେ ବଲ୍ଲୁ ୭:୧୩ ☆ ୧୩:୨୬ ୧୩:୨୬ ଖେ ବଲ୍ଲୁ ୧:୭

୨୮ ତୟା ମାର୍ନୁ ପୁଣ୍ଠି କିନି କାତାଟି ଜାପାଦୁ □ ଏତିବେଲାତା ଏ ମାର୍ନୁତା କଡ଼ଗି କମାୟା ଅଡ଼େ ଗଞ୍ଜେଡ଼ି ଗାଲ୍ନୁ, କାରା କାଲ୍ନି ଖାତେ ଇଞ୍ଜି ପୁଞ୍ଜେରି □

୨୯ ଏଲେକିହି ଏ ମାର୍ନୁ ଜିକେଏ ଇ ବାରେ ମେସ୍ତ୍ରସାରେ ଏଞ୍ଜାସି ଦୁଞ୍ଜେରି ତାଗେ ମାନେସି ଇଞ୍ଜି ପୁଞ୍ଜେରି □

୩୦ ନାନୁ ମିଙ୍ଗେ ସାତା ଖେସିମାଞ୍ଜାଇଁ ଇ ବାରେ ଆଆପାତେକା ଇ କାଲ୍ନାତି ଲକୁ ଏନିଜିକେଏ ମେଣ୍ଡାଅରି □

୩୧ ହାଗୁପାକା ଦାରତି ବାରେ ମେଣ୍ଡାଜିନେ, ସାମା ନା ବଲୁ ଏଚେଲାଞ୍ଜା ମେଣ୍ଡାଜେଏ □”

ଆମ୍ବାଆସି ଇ ଦିନା ଅଡ଼େ ବେଲାତି ପୁନଅସି  
(ମାତି ୨୪:୩୭-୪୪)

୩୨ ☆ସାମା ଏ ଦିନା କି କାଲ୍ନାତି କାତା ଆମ୍ବାଆରି ପୁନଅରି, ଲାକପୁରୁତି ଦୁଡୁୟା କି ମାର୍ନୁଏସି ଜିକେଏ ପୁନଅସି, ଖାରଇ ଆବାଦେଁ ପୁନେସି □

୩୩ ମାର୍ନୁ ଜାଗ୍ରାତା ଆହାନା ମାଞ୍ଜୁ, କାଚାନା ମାଞ୍ଜୁ; ଇତିହି ଏ ବେଲା ଏଚେଲା ଆନେ ଏଦାଆଁ ମାର୍ନୁ ପୁନଅତେରି □

୩୪ ☆ଏଡ଼ି ଇଲେକିହି, ର ମାଣ୍ଡି ତାନି ଇଲୁ ପିସାନା ହେକ ରାଜିତା ହାନେସି, ଅଡ଼େ ତାନି ହଲିୟାଙ୍ଗାଣି ବାରେ କାମାତି ଅଦିକାରା ହୀତେସି ଇଞ୍ଜା ଦୁଞ୍ଜେରିତା କାଚାଲି ଜିକେଏ ହୁକୁମି ହୀତେସି □

୩୫ ଏଦାଆଁତାକି କାଚାନା ତୟାମ୍ନୁ; ଇତିହି ନୀନୁ ପୁଞ୍ଜାହିଲଅତି ଇଲୁତି ସାଞ୍ଜୁକାରି ଏଚେଲା ଖାନେସି, ମିଡ଼ଅଲା କି ମାଦି ଲାଆଁୟା, ଖେୟାଆ ନଟ୍ଟେଏ କି ଖେଡ଼ା ହନି ବେଲାତା ଏଞ୍ଜାସି ଖାନେସି □

୩୬ ଏଞ୍ଜାସି ଦେବୁଣିଏ ଖାଡ଼ିସାରେ ମାର୍ନୁ ହୁଞ୍ଜାମାନାଣି ମେସ୍ତ୍ରାଆପେସି □

୩୭ ନାନୁ ମିଙ୍ଗେ ଏନାଆଁ ଖେସିମାଞ୍ଜାଇଁ, ଏଦାଆଁ ବାରେତି ଖେସିମାଇ, ଜାଗ୍ରାତା ମାଞ୍ଜୁ □

☆ ୧୩:୩୭ ୧୩:୩୭ ମାତି ୨୪:୩୭ ☆ ୧୩:୩୪ ୧୩:୩୪ ଲୁକ ୧୨:୩୬-୩୮

# ୧୪

ଜୀସୁଙ୍କ ଆସାଲି ପାରୁ ପାରିନାୟି

(ମାତି ୨୭:୨-୫; ଲୁକ ୨୨:୧-୨; ଜହ ୧୧:୪୫-୫୩)

୧ ପିସ୍‌ପିଆନ୍ତି ପାରୁ ଇଞ୍ଜା ପୁଲାଏୟୁ ଆଣ୍ଡାଆତି ରୁଟି ତିନି ପାରୁ ଆହାଲି ରୀ ଦିନା ମାଚେ □ ଏତିବେଲାତା କାଜା ପୂଜେରାଙ୍ଗା ଇଞ୍ଜା ମେରା ପୁନାରି ଏନିକ୍ ଏଞ୍ଜାଣାଙ୍କ ନାଡ଼ିକିହାଁ ଆସାନା ପାୟିନେରି ଏଦାଆଁତାକି ପାରୁ ପାରିମାଚେରି □

୨ ଇଚିହ୍ ଏଞ୍ଜାରି ଏଲେଇଚେରି, “ପାରୁ ବେଲାତା ଆଏ ଏଚେତା ଲକୁ ଗଡ଼ହା କିନେରି □”

ବେତନିୟାତା ଜୀସୁ ତାୟୁଁ ତୁ ନିୟୁଁ ଖାକ୍‌ନାୟି

(ମାତି ୨୭:୨-୧୩; ଜହ ୧୨:୧-୮)

୩ ଜୀସୁ ବେତନିୟାତା କାଜା ରଗଗାଟି ସିମନ ଇଜ ତିଞ୍ଜାଲି କୁଗାମାଚାଟି ର ଇୟା ର ଗାକୁତା ହାଚେରକା ଦାରାତି ଗାୟା ନିୟୁଁ ତାଚାନା ଗାକୁତି ଦେଚାନା ଜୀସୁ ତାୟୁଁ ତୁ ଖାକ୍‌ହାଲି ମାଟ୍‌ହେ □

୪ ସାମା ଏଚେକା ଲକୁ କାର୍‌ବି ଆହାନା, ତାୟୁଁ ତାୟୁଁ ଖେସ୍‌ପି ଆଡେରି, “ନିୟୁଁ ଏନାଆଁତାକି ନସ୍‌ ଆଡେ ?

୫ ଇ ନିୟୁଁ ସାତାକଡ଼ି ଦସଟାକା କିହାଁ ଆଗାତା ପାର୍‌ପି ଆହାନା ହାକି ଗାଟାରାକି ହାପ୍‌କି ଆହାଲି ଆଡ଼ିତେମା” ଏଦାଆଁତାକି ଏଞ୍ଜାରି ଏ ଇୟାନି ଲାଗାଲି ମାଟ୍‌ହେରି □

୬ ସାମା ଜୀସୁ ଏଲେଇଚେସି, “ଏଦାନି ପିହ୍‌ଦୁ; ଏନାଆଁତାକି କସ୍‌ ହାସିମାଞ୍ଜେରି ? ଏଦି ନାଞ୍ଜେତାକି ନେହ୍ କିହାମାନେ □

୭ ଇଚିହ୍ ହାକି ଗାଟାରି କାଲେଏ ମୀ ତାଣା ମାନେରି, ଅଡ଼େ ମିଞ୍ଜେ ଏଚେତା ମନ ଏଚେତା ଏଞ୍ଜାରି ସାୟେମି କିହାଲି ଆଡ଼ିଦେରି; ସାମା ନାନୁ କାଲେଏ ମୀ ତାଣା ଡ଼ୟଅଁ □

୮ ଏଦି ଏନାଆଁ ଆଡ଼ିନାୟି ମାନେ ଏଦାଆଁ କିହାମାନେ; ଏଦି ନା ଆଙ୍ଗାତି ମୁସାଲି ତାକି ତଲିଏ ନିୟୁଁ ଖାକ୍‌ହାନା ତିୟାରା କିହାମାନେ □

୯ ନାନୁ ମିଞ୍ଜେ ସାତା ଖେସିମାଞ୍ଜାଙ୍କ, ବାରେ ଦାର୍‌ଡିତା ଆସ୍‌ୟା ଜିକେଏ ନେହ୍ କାରୁ ଖେକ୍‌ନେରି, ଏ ଟାୟୁତା ଇ ଇୟାନି

ଅଣ୍ଠପାଲିତାକି ଏଦାନି ଇ କାମାତି କାତା ଜିକେଏ ଖେସ୍‌ପି ଆନେ  
□”

ଜୀହ୍ୱଦା ଜୀସୁ ଆସ୍‌ପି କିହାଲି ରାଜି ଆନାୟି  
(ମାତି ୨୭:୧୪-୧୬; ଲୁକ ୨୨:୩-୬)

୧୦ ଏମ୍ବାଟିଏ ବାରଜାଣା ବିତ୍ରାଟି ଇସ୍‌ପାରିୟତ ଜୀହ୍ୱଦା ଦରୁଗାଟାସି  
ରଅସି ଜୀସୁଇଁ କାଜା ପୂଜେରାଜା କେୟୁତା ହେର୍‌ପାଲି ଏଞ୍ଜାରିତାଣା  
ହାଚେସି □

୧୧ ଏଞ୍ଜାରି ଏଦାଆଁ ଖେଞ୍ଜାନା ରାହାଁ ଆଚେରି, ଇଞ୍ଜାଁ ଏଞ୍ଜାଣାକି  
ଟାକାୟାଁ ହାହାଲି ଆଞ୍ଜିଚେରି, ଏମ୍ବାଟିଏ ଏଞ୍ଜାସି ଏଞ୍ଜାଣାଇଁ ଆସ୍‌ପି  
କିହାଲି ନେହଁ ପାରୁ ପାରିଚେସି □

ତାନି ସୀସୁୟାଁ ତଲେ ପିସ୍‌ପିଆନି ପାର୍ବୁତି ବଜି

(ମାତି ୨୭:୧୭-୨୫; ଲୁକ ୨୨:୭-୧୪, ୨୧-୨୩; ଜହ ୧୩:୨୧-  
୩୦)

୧୨ ତାୟୁ ପୂଲ୍‌ଗୁଣ୍ଡା ଆଣ୍ଡାଆତି ରୁଟି ତିନି ପାର୍ବୁତି ମୂଲୁ ଦିନାତା  
ଆନିନି ନେରୁ ପିସ୍‌ପିଆନି ପାର୍ବୁତି ମେଣ୍ଡା ତାଲୁତି ହେର୍‌ପିଆନେ, ଏ  
ଦିନା ତାନି ସୀସୁୟାଁ ଏଞ୍ଜାଣାଇଁ ଖେଚେରି, “ମାମ୍‌ହୁଜାନା ଆନିନି  
ଟାୟୁତା ନିଙ୍ଗେତାକି ପିସ୍‌ପିଆନି ପାର୍ବୁତି ବଜି କିନି ଇଞ୍ଜାଁ ନୀନୁ  
ଅଣ୍ଠପାଲି ?”

୧୩ ଏମ୍ବାଟିଏ ଏଞ୍ଜାସି ତାନି ସୀସୁୟାଁ ବିତ୍ରାଟି ରିଆରାଇଁ ଏଲେଇଞ୍ଜା  
ପାଣ୍ଡିଚେସି, “ମାରୁ ଗାଡାତା ହାଜୁ ଇଞ୍ଜାଁ ଏୟୁ ତ:କା ଅହିମାନି ରଅସି  
ମିଙ୍ଗେ ବେଟାଆୟାନେସି; ଏଞ୍ଜାଣି ଜେଚ ଜେଚ ହାଜୁ;

୧୪ ଏଞ୍ଜାସି ଆନିନି ଇଜ ହଡନେସି, ଏ ଇଲୁ ଗାଟାଣାଇଁ ଖେଞ୍ଜୁ,  
‘ଗୁରୁ ଖେଞ୍ଜିମାଞ୍ଜାନେସି, ନାନୁ ନା ସୀସୁୟାଁ ତଲେ ଆନିନି ଟାୟୁତା  
ପିସ୍‌ପିଆନି ପାର୍ବୁତି ବଜି କିହାଲି ଆନେ ଏ ବାକ୍ରା ଆନିନାୟି ?’

୧୫ ଏଚେଟିଏ ଏଞ୍ଜାସି ମିଙ୍ଗେ ନେହଁକଁ ତିୟାରା ଆହାମାନି  
ଲୀକନି ପାରୁତି ର କାଜା ବାକ୍ରା ତସ୍ତାନେସି; ଏମ୍ବାଆଁ ମାଙ୍ଗେତାକି  
ରାନ୍ଦା ଖାଜାଦୁ □”



୧୭ ଏମ୍ବାଟିଏ ସୀସୁୟାଁ ହାଜାନା ଗାଡ଼ାତା ହଟେରି, ଇଞ୍ଜା ଏଝାସି ଏଝାରାଇଁ ଏନିକ୍ସି ଝେସାମାରେସି, ଏଲେକ୍ସି ମେସାନା ପିସ୍ପିଆନି ପାର୍ବୁତି ବକ୍ତି ଖାଜିତେରି □

୧୮ ମିଡ଼ଅଲ୍ଲା ଆହାଲିଏ ଜୀସୁ ବାରଜାଣା ସୀସୁୟାଁ ତଲେ ଖାଡ଼େସି □

୧୯ ଏଝାରି କୁଗାନା ରାନ୍ଦା ତିଞ୍ଜି ମାଚାଟି ଜୀସୁ ଏଲେଇରେସି, “ନାନୁ ମିଙ୍ଗେ ସାତା ଝେସିମାଞ୍ଜାଇଁ, ମୀ ବିତ୍ରାଟି ରଅତେରି ନାଙ୍ଗେ ସାତୁ କେୟୁତା ହେର୍ପାଦେରି □”

୧୯ ଏମ୍ବାଟିଏ ଏଝାରି ଦୁକୁ ଆହାନା ରଅ ରଅରି ଏଝାଣାଇଁ ଝେଞ୍ଜାଲି ମାଟ୍‌ହେରି, “ନାନୁ ଏଝାତେଏଁ କି ?”

୨୦ ଜୀସୁ ଏଝାରାଇଁ ଏଲେଇରେସି, “ବାରଜାଣା ବିତ୍ରାଟି ରଅସି, ଆମ୍ବାଆସି ନା ତଲେ ସାଡ଼ଝାତା କେୟୁ ମେଡ଼ହି ମାନେସି □

୨୧ ମାଣ୍‌ସି ମୀର୍‌ଏଣା କାତା ଏନିକ୍ସି ରାସ୍‌କି ଆହାମାନେ, ଏଲେକ୍ସିଏ ହାନେସି ସାତା, ସାମା ଆମିନି ଲକୁ ତାଣାଟି ମାଣ୍‌ସି ମୀର୍‌ଏସି ସାତୁ କେୟୁତା ହେର୍ପିଆନେସି, ଆୟତା ଏଝାଣି ତଣ୍‌! ଏ ଲକୁତି ଜାନା ଆହାହିଲ୍ଲାଆତିହ୍ସି ଏଝାଣାକି ନେହେଁ ଆଡେମା □”

**ପ୍ରବୁତି ବକ୍ତି**

(ମାତି ୨୭:୨୭-୩୦; ଲୁକ ୨୨:୧୪-୨୦; ୧କର ୧୧:୨୩-୨୫)

୨୨ ଏଝାରି ତିଞ୍ଜି ମାଚାଟି ଜୀସୁ ରୁଟି ଅହାନା ମାହାପୁରୁଇଁ ଜହରା କିହାନା ଏଦାଆଁ ଡିକ୍‌ହା ହୀହାନା ଏଲେଇରେସି, “ଅଦୁ ତିଞ୍ଜୁ, ଇଦି ନା ଆଙ୍ଗା □”

୨୩ ଇଞ୍ଜା ଏଝାସି ଗହ୍‌ନି ସଲ୍ଲା ଆସାନା ମାହାପୁରୁଇଁ ଜହରା କିହାଁ ଏଝାରାକି ହୀତେସି, ଇଞ୍ଜା ବାରେଜାଣା ଏଦାଆଁ ଗସ୍ତେରି □

୨୪ ଇଞ୍ଜା ଜୀସୁ ଏଝାରାଇଁ ଏଲେଇରେସି, “ଆମିନି ରାଜିମାନା ନେତେରି ହାରେକା ଲକୁତାକି ଖାଙ୍ଗାମାନେ, ଇଦି ଏ ନା ନେତେରି □

୨୫ ନାନୁ ମିଙ୍ଗେ ସାତା ଝେସିମାଞ୍ଜାଇଁ, ଆମିନି ଦିନା ମାହାପୁରୁତି ରାଜିତା ପୁଝନି କିହ୍ସି ଅକୁରି ପାଡ଼େୟିତି ରାସା ଗହ୍‌ଇଁ ଏ ଦିନା ପାତେକା ଇଦାଆଁ ଅଡ଼େ ନାନୁ ଏଚେଲ୍ଲା ଗହ୍‌ଅଁ □”

୨୭ ଇଞ୍ଜା ଏଝାରି ଜହରା ପାରୁ ପାରିତି ତାୟୁ ଜୀତ ହରୁତା ହରା ହାରେରି □

ପିତର ଜୀସୁଇଁ ପୁଞ୍ଜାହିଲଅଁ ଇନି କାତା

(ମାତି ୨୭:୩୧-୩୫; ଲୁକ ୨୨:୩୧-୩୪; ଜହ ୧୩:୩୬-୩୮)

୨୭ ଏଚିରେଲା ଜୀସୁ ଏଝାରାଇଁ ଏଲେଇରେସି, “ମୀରୁ ବାରେ ପିସା ହାଜାନେରି, ଇଚିହିଁ ରାସ୍‌କି ଆହାମାନେ, ନାନୁ ମେଣ୍ଟା ଗଡ଼ୁ ପାୟିଇଁ ଇଞ୍ଜା ମେଣ୍ଟାୟାଁ ଆଲାରା ଆହାହାନୁ □

୨୮ ☆ସାମା ନାନୁ ହାହାନା ୱେଣ୍ଟେ ନିଜିତି ତାୟୁ ମୀ ନକିତା ଗାଲିଲିତା ହାଇଁ □”

୨୯ ଏମ୍ବାଟିଏ ପିତର ଏଲେଇରେସି, “ବାରେଜାଣା ପିସା ହାଜାନେରି ନାନୁ କଡ଼େ ନିଜେ ଏରେଲା ପିସୁଅଁ □”

୩୦ ଜୀସୁ ପିତରଇଁ ଏଲେଇରେସି, “ନାନୁ ନିଜେ ସାତା ୱେସିମାଞ୍ଜାଇଁ, ନୀଞ୍ଜୁ ଇ ଲାଆଁୟାଁ କୟୁ ରୀ ଦେବା କେଶିଆ ମାନାଟିଏ, ନାନୁ ଏଝାଣାଇଁ ପୁଞ୍ଜାହିଲଅଁ ଇଞ୍ଜାଁ ତାନିପାଲି ଏଲେଇଞ୍ଜି □”

୩୧ ସାମା ପିତର ଆଟ୍‌ଝା ତଲେ ଏଲେଇରେସି, “ନାଜେ ନୀ ତଲେ ହାହାଲି ଆଡି ଜିକେଏ ନାନୁ ନିଜେ ଏରେଲା ପୁଞ୍ଜାହିଲଅଁ ଇଞ୍ଜାଁ □” ଇଞ୍ଜା ବାରେଜାଣା ଜିକେଏ ଏଲେଇରେରି □

ଜୀସୁ ଗେଡ଼ସିମନିତା ପ୍ରାତାନା କିନାୟି

(ମାତି ୨୭:୩୬-୪୬; ଲୁକ ୨୨:୩୯-୪୬)

୩୨ ତାୟୁ ଏଝାରି ଗେଡ଼ସିମନି ଇନି ର ଚାୟୁତା ୱାଡ଼େରି, ଇଞ୍ଜା ଜୀସୁ ତାନି ସୀସୁୟାଁଇଁ ଏଲେଇରେସି, “ନାନୁ ପ୍ରାତାନା କିହିମାନି ପାତେକା ଇମ୍ବାଆଁ କୁଗାନା ମାଞ୍ଜୁ □”

୩୩ ଇଞ୍ଜା ଏଝାସି ପିତର, ଜାକୁବ ଅଡ଼େ ଜହନଇଁ ତାନିତଲେ ଅଡ଼େସି □ ଏଝାସି ହାରେକା ଦୁକ୍ୱତି କସ୍ତ ତାକି କିଲିବିଲି ଆଡ଼େସି □

୩୪ ଏରେଟିଏ ଜୀସୁ ଏଝାରାଇଁ ଏଲେଇରେସି, “ନା ଜୀସୁ ହାନିଲେହେଁ ହାରେକା କିଲିବିଲି ହଡ଼ିମାଞ୍ଜାନେ; ମୀରୁ ଇମ୍ବାଆଁ ତେଝଏଲାନା କାଟାମାଞ୍ଜୁ □”

୩୫ ଜୀସୁ ନକିତା ହାଜାନା ବୁଝିତା ମୁନୁ କୁଡିତେସି, ଅଡ଼େ ଆହାଲି ଆଡ଼ିତିହଁ, ଏ ଦୁକୁ ଏଝାଣି ତାଣାଟି ଏନିକଁ ହେକ ଆନେ, ଏଦାଆଁତାକି ପ୍ରାତାନା କିତେସି □

୩୬ ଇଞ୍ଜା ଜୀସୁ ଏଲେଇଚେସି, “ଆଦା, ନୀନୁ ବାରେଏ କିହାଲି ଆଡ଼ିଦି; ଇ କସ୍ତ ବାଦା ନା ତାଣାଟି ହେକ କିମୁ; ଆଡ଼ିଜିକେଏ ନା କାତା ଆଏ ନୀ କାତେଏ ଆପେ □”

୩୭ ଇଞ୍ଜା ଏଝାସି ଖାହାନା ସୀସୁୟାଁ ଇଦା କିତାଣି ମେସ୍ତେସି, ଇଞ୍ଜା ପିତରଇଁ ଏଲେଇଚେସି, “ସିମନ ନୀନୁ ତୁରିତିକି ? ଗାଡ଼େକା ଜିକେଏ କାଚାଲି ଆଡ଼ାଆତେରି ?

୩୮ ଏଦାଆଁତାକି କାଚାନା ପ୍ରାତାନା କିଦୁ; ଏନିକଁ ମୀରୁ ପାନ୍ଦାତା ହେରୁଅତେରି, ମନ ମାନେ ସାତା, ଆଙ୍ଗାତା ବାଡ଼ୁୟୁ ହିଲେଏ □”

୩୯ ଏଝାସି ଅଡ଼େ ଝେଣ୍ଡେ ହାଜାନା ତଲିତିଲେହେଁ ପ୍ରାତାନା କିତେସି □

୪୦ ଅଡ଼େ ଝେଣ୍ଡେ ଖାହାନା ଏଝାସି ଏଝାରାଇଁ ଇଦା କିହାମାନାଣି ମେସ୍ତେସି, ଇଚିହଁ ଏଝାରି କାଣକା ପଦ୍ଢି ଆହିମାତୁ, ଇଞ୍ଜା ଏଝାରି ଏଝାଣାଇଁ ଏନାଆଁ ଜଲିନେରି ପୁଞ୍ଜାଲି ଆଡ଼ାଆତେରି □

୪୧ ଜୀସୁ ତାନି ଦେବା ଖାହାନା ସୀସୁୟାଁଇଁ ଏଲେଇଚେସି, “ମୀରୁ ଗାଡ଼େକା ତୁରାନା ଜମାଦୁ; ହାରେକା ବେଲା ଆଡ଼େୟିଏ, ଏ ବେଲା ଏଗାଝାହିମାନେ; ମେହ୍ଦୁ ମାଣ୍ଠି ମୀରୁଏସି ସାତୁୟାଁ କେୟୁତା ହେରୁପି ଆହିମାନେସି □

୪୨ ନିଙ୍ଗାଦୁ, ମାର ହାନ, ମେହ୍ଦୁ ଆମ୍ବାଆସି ନାଙ୍ଗେ ସାତୁୟାଁ କେୟୁତା ହେରୁପାନେସି ଏଝାସି ଏଗାଝାଡ଼େସିଏ □”

ଜୀସୁ ସାତୁ କେୟୁତା ହେରୁପି ଆନାୟି

(ମାତି ୨୬:୪୭-୫୬; ଲୁକ ୨୨:୪୭-୫୩; ଜହ ୧୮:୩-୧୨)

୪୩ ଏ ଦେବୁଣିଏ ଜୀସୁ ଝେସିମାତି ବେଲାତା, ବାରଜାଣା ବିତ୍ରାତି ଜୀହୁଦା ଦରୁଗାଟାସି ରଅସି ଇଞ୍ଜା ତାନିତଲେ କାଜା ପୂଜେରାଙ୍ଗା, ମେରା ପୁନାରି ଇଞ୍ଜା ଲକୁଡି କାଜାରି ତାଣାଟି କାଣ୍ଡା ଟେଙ୍ଗା ଆସାନା ଝାଡ଼େରି □

୪୪ ଜୀସୁଙ୍କ ସାତୁୟାଁ କେୟୁତା ହେର୍ପିନାସି ଏଞ୍ଜରାଙ୍କ ଇ ସିନା  
ଝେସାମାରେସି, “ନାନୁ ଆମ୍ବାଆରାଙ୍କ ନଣ୍ଡିଙ୍କ ଏଞ୍ଜାସିଏ ଏଞ୍ଜାସି □  
ଏଞ୍ଜାଣାଙ୍କ ଦସାନା ଜାଗ୍ରାତା ତଲେ ଅଦୁ □”

୪୫ ଇଞ୍ଜା ଏଞ୍ଜାସି ଏ ଦେବୁଣିଏ ଏଞ୍ଜାଣି ତାଗେ ହାଜାନା, “ଏ ଗୁରୁ”  
ଇଞ୍ଜାନା ଏଞ୍ଜାଣାଙ୍କ ନଣ୍ଡିତେସି □

୪୬ ଏମ୍ବାଟିଏ ଏଞ୍ଜାରି ଏଞ୍ଜାଣାଙ୍କ ଆସାନା ଦସା ଅତେରି □

୪୭ ସାମା ତାଗେ ନିଚାମାଟି ଲକୁ ବିତ୍ତାଟି ରଅସି କାଣ୍ଡା ହପ୍‌ହେସି  
ଇଞ୍ଜା କାଜା ପୂଜେରା ହଲେଏଣା କିୟୁ ଦୁାତେସି □

୪୮ ଜୀସୁ ଏଞ୍ଜରାଙ୍କ ଏଲେଇରେସି, “ସରୁଙ୍କ ଆସାଲି ହାନିଲେହେଁ  
କାଣ୍ଡା ଅଡେ ଚେଟା ଆସାନା ମୀରୁ ନାଙ୍ଗେ ଆସାଲି ଖାତେରି ?

୪୯ \*ନାନୁ ବାରେଦିନା ମୀ ତଲେ ପ୍ରାତାନା ଇଲୁତା ମାଞ୍ଜାନା  
ଜାପୁହି ମାଞ୍ଜାତେସି, ସାମା ମୀରୁ ନାଙ୍ଗେ ଆସ୍ତାଆତେରି; ସାମା ଦାମ୍ବୁ  
ପତିତି ରାସ୍‌କି ଆଡି ବଲୁ ଏନିକି ସାତା ଆନେ, ଏଦାଆତାକି ଇ  
ବାରେ ଆହିମାନେ □”

୫୦ ଏଟିବେଲା ବାରେଜାଣା ସୀସୁୟାଁ ଏଞ୍ଜାଣାଙ୍କ ପିସାନା ହାରେରି  
□

୫୧ ର ଦାଂଗଣା କକାସି ର ହିମ୍ବରି ପିଡ଼ଗାହାଁ ଜୀସୁ ଜେଟ ଜେଟ  
ହାଜିମାରେସି; ଏଞ୍ଜାରି ଏଞ୍ଜାଣାଙ୍କ ଆସାଲି ହାଜାଲିଏ,

୫୨ ଏଞ୍ଜାସି ଏ ପାଡ଼ାଡ଼ା ହିମ୍ବରି ପିସାନା ଖାର୍‌ଇ ଆଙ୍ଗାଟି  
ହଟାଡୁସେସି □

ଜୀସୁଙ୍କ ବେରଣିମାଣ୍ଡାତା ନୀହାଁୟି କିନାୟି

(ମାଟି ୨୭:୫୭-୬୮; ଲୁକ ୨୨:୫୪-୫୫, ୬୩-୭୧; ଜହ ୧୮:୧୩-  
୧୪, ୧୯-୨୪)

୫୩ ତାୟୁ ଏଞ୍ଜାରି ଜୀସୁଙ୍କ କାଜା ପୂଜେରା ନକିତା ଅତେରି, ଇଞ୍ଜା  
କାଜା ପୂଜେରା, ଲକୁଡି କାଜାରି ଅଡେ ମେରା ପୁନାରି ବାରେ  
ଖାହାନା ରୁଣ୍ଡା ଆଡେରି □

୫୪ ପିତର ହେକ ମାଞ୍ଜାନା ଏଞ୍ଜାଣି ଢେଚ ଢେଚ କାଜା ପୂଜେରା ଆଂଗେଣି ବିତ୍ରା ହାଚେସି ଇଞ୍ଜା ଜାମାନାଙ୍ଗା ତଲେ କୁଗାନା ହିରୁ କେରଞ୍ଜି ମାଚେସି □

୫୫ ଏମ୍ବାଟିଏ କାଜା ପୂଜେରାଙ୍ଗା ଇଞ୍ଜା ବେରଣି ମାଣ୍ଡାତି ବାରେଜାଣା ଜୀସୁଇଁ ପାୟାଲି ଏଞ୍ଜାଣି କପାଟି ସାକିୟାଁ ପାରିତେରି, ସାମା ଏନ୍ତି ଦହୁ ବେଟାଆଆତେରି;

୫୬ ଇଟିହୁଁ ହାରେକା ଏଞ୍ଜାଣି କପାଟି ମିଟି ସାକିୟାଁ ହୀତି ଜିକେଏ ଏଞ୍ଜାରି ହୀତି ସାକି ଆଣ୍ଡାଆତେ □

୫୭ ତାୟୁ ଏଚରଜାଣା ହଚାନା ଏଞ୍ଜାଣି କପାଟି ମିଟି ସାକି ହୀହାନା ଏଲେଇଚେରି,

୫୮ “ମାୟୁ ଛୁଞ୍ଜାଣାଇଁ ଇ କାତା ଝେସିମାଚାଣି ଝେଞ୍ଜାମାନମି, ନାନୁ ଇ କେୟୁଟି କେପିତି ପ୍ରାଡାନା ଇଲୁତି ତିକହାନା ତାନିଦିନା ବିତ୍ରା ଅଡେ ମାଣ୍ଡସି କେପାଆତି ପ୍ରାଡାନା ଇଲୁ କେପିଇଁ □

୫୯ ସାମା ଏମ୍ବାଆଁ ଜିକେଏ ସାକି ଆଣ୍ଡାଆତେ □”

୬୦ ଏଚେଟିଏ କାଜା ପୂଜେରା ମାଦିଏ ନିଚାନା ଜୀସୁଇଁ ଝେଚେସି, “ନୀ କପାଟି ଇଞ୍ଜାରି ଆମିନି ସାକି ହୀହିମାନେରି, ଝେଣ୍ଡେ ଜଲ୍ଲାଲି ଏନ୍ତି କାତା ହିଲେଏ କି ?”

୬୧ ସାମା ଏଞ୍ଜାସି ପାଲେଏ ଆହାନା ଏନ୍ତି କାତା ଜଲ୍ଲାଆତେସି, କାଜା ପୂଜେରା ଅଡେ ଝେଣ୍ଡେ ଏଞ୍ଜାଣାଇଁ ଝେଚେସି, “ନୀନୁ କି ମାନ୍ତିଗାଟି ମାହାପୁରୁ ମୀରଏଣାତି କ୍ରୀସୁ ?”

୬୨ ଜୀସୁ ଏଲେଇଚେସି, “ନାନୁ ଏଞ୍ଜାତେଏଁ, ମୀରୁ ମାଣ୍ଡସି ମୀରଏଣାଇଁ ବାଡୁୟୁଗାଟି ଟିଃନିଞ୍ଜାକି କୁଗାମାନାଣି ମେହ୍ଦେରି ଇଞ୍ଜା ହାଗୁ ଦୁହାଟି ଝେଣ୍ଡେ ଝାନାଣି ମେହ୍ଦେରି □”

୬୩ ଏଚେଟିଏ କାଜା ପୂଜେରା ତାନି ହିମ୍ବରି ଗେସାନା ଏଲେଇଚେସି, “ମାଙ୍ଗେ ଅଡେ ଏନ୍ତି ସାକିୟାଁ ଲଡ଼ା ହିଲେଏ □

୬୪ ମୀରୁ ମାହାପୁରୁ ନିନ୍ଦା ଝେଚେରି; ମୀ ଅଣ୍ଡପୁ ଏନ୍ଦାୟି ?”

ଏମ୍ବାଟିଏ ବାରେଜାଣା ଏଞ୍ଜାସି ହାନ୍ତି ତଣ୍ଡ ବେଟାଆପେସି ଇଞ୍ଜା ଏଲେଇଚେରି □

୭୫ ଇଞ୍ଜା ଆମ୍ବା ଆମ୍ବାଆରି ଏଝାଣିଲାକ ହୁପିତେରି ଇଞ୍ଜା ଏଝାଣି କାଣିକା ପଜାନା ଏଝାଣାଇଁ ଝେଚାନା ଝେଚେରି, “ମାହାପୁରୁ ଅଣ୍ଟପୁତି ବଲୁ ଝେହନାତି ଆମ୍ବାଆସି ନିକ୍ଷେ ଝେତାତେସି, ଝେସ୍ତାମୁ!” ଜାମାନାଜା ଜିକେଏ ଆସାନା ସାପ୍ତା ଝେଚିହିଁ ଅଡେରି □

ପିତର ଜୀସୁଇଁ ପୁଞ୍ଜାହିଲଅଁ ଇନାୟି

(ମାତି ୨୭:୨୯-୭୫; ଲୁକ ୨୨:୫୭-୭୨; ଜହ ୧୮:୧୫-୧୮, ୨୫-୨୭)

୭୬ ଏମ୍ବାଟିଏ ପିତର ଆଂଗେଣିତା ମାଟିବେଲାତା କାଜା ପୂଜେରା ହଲେଣି ଝାହାନା ପିତର ହିରୁ କେର୍ଞ୍ଜି ମାଟାଣି ମେସ୍ତେ,

୭୭ ଇଞ୍ଜା ପିତରଇଁ ସିନିକିହାନା ଏଲେଇଚେ, “ନୀନୁ ଜିକେଏ ନାଜ୍ଜରିତ ଜୀସୁତଲେ ମାଟି □”

୭୮ ସାମା ଏଝାସି, ନୀନୁ ଏଝାଣାଇଁ ପୁଞ୍ଜାହିଲଅଁ, ନୀନୁ ଏନାଆଁ ଝେସିମାଞ୍ଜି ନୀନୁ ପୁଞ୍ଜାହିଲଅଁ, ତାମୁ ଏଝାସି ଆଂଗେଣି ଦୁଝେରିତା ହାଚେସି, ରେଚୁଏ କମୁ କେଣ୍ଡେ □

୭୯ ଇଞ୍ଜା ଏ ହଲେଣି ଏଝାଣାଇଁ ମେସାନା ଦାରିତା ନିଚାମାନି ଲକୁଣି ଅଡେ ଝେଣ୍ଡେ ଝେସାଲି ମାଟ୍‌ହେ, “ଇଝାସି ଏଝାରି ବିତ୍ରାଟି ରଅସି □”

୮୦ ସାମା ଏଝାସି ଅଡେ ଝେଣ୍ଡେ ପୁଞ୍ଜାହିଲଅଁ ଇଚେସି, ଅଡେ ଗାଡ଼େକା ଆହାଲିଏ ଦାରିତା ମାଟି ଲକୁ ପିତରଇଁ ଏଲେଇଚେରି, “ନୀନୁ ସାତେଏ ଏଝାରି ବିତ୍ରାଟି ରଅତି, ଇଚିହିଁ ନୀନୁ ର.ଗାଲିଲି ଲକୁତି □”

୮୧ ସାମା ଏଝାସି ପାର୍‌ମାଣା ଇଞ୍ଜା ବାକା ଇଟାନା ଏଲେଇଚେସି, ମୀରୁ ଆମିନି ଲକୁତି କାତା ଝେସିମାଞ୍ଜେରି, ନୀନୁ ଏଝାଣାଇଁ ପୁଞ୍ଜାହିଲଅଁ □

୮୨ ଏ ଦେବୁଣିଏ କମୁ ରୀ ଦେବା କେଣ୍ଡେ □ ଏମ୍ବାଟିଏ କମୁ ରୀ ଦେବା କେଣ୍ଡା ନକେଏ ନୀନୁ ନାକ୍ଷେ ତୀନି ଦେବା ନୀନୁ ପୁଞ୍ଜାହିଲଅଁ ଇଞ୍ଜାଦି, ଆମିନି କାତା ଜୀସୁ ପିତରଇଁ ଏଲେଇଞ୍ଜାମାଚେସି, ଏଡ଼ି ଏଝାଣି ମନତା ଝାଡେ, ଇଞ୍ଜା ଏଝାସି ଏ କାତା ଅଣ୍ଟପିହିଁ ହାଚେକା ଡାହାଲି ମାଟ୍‌ହେସି □

# ୧୫

ପିଲାତ ନକିତା ଜୀସୁ

(ମାତି ୨୭:୧-୨,୧୧-୧୪; ଲୁକ ୨୩:୧-୫; ଜହ ୧୮:୨୮-୩୮)

୧ ଲାଈ ଖେୟାଲିଏ ବେରଣି ମାଣ୍ଡାତାରି, ଇଚିହୁଁ ଲକୁଡି କାଜାରି ଇଞ୍ଜା ମେରା ପୁନାରି ତଲେ କାଜା ପୂଜେରାଜା ବେରଣି କିହାନା କାତା ଆଡେରି □ ଜୀସୁଇଁ ଦସପା ଅହାନା ପିଲାତ କେୟୁତା ହେରପିତେରି □

୨ ପିଲାତ ଏଞ୍ଜାଣାଇଁ ଖେଚେସି, “ନୀନୁ କି ଜୀହୁଦି ଲକୁଡି ରାଜା ?”

ଜୀସୁ ଏଞ୍ଜାଣାଇଁ ଏଲେଇଚେସି, “ନୀନୁଏ ଏଲେ ଇଞ୍ଜିମାଞ୍ଜି □”

୩ ଇଞ୍ଜା କାଜା ପୂଜେରାଜା ଜୀସୁ କପାଟି ହାରେକା କାତାୟାଁ ଖେସ୍ତେରି □

୪ ଏମ୍ପାଟିଏ ପିଲାତ ଅଡେ ଖେଣ୍ଡେ ଏଞ୍ଜାଣାଇଁ ଖେଚେସି, “ନୀନୁ ଏନାଆଁତାକି ଖେସିମାଞ୍ଜିଅତି ? ମେହ୍ମୁ ଇଞ୍ଜାରି ନୀ କପାଟି ହାରେକା କାତା ଜଲିମାନେରି □”

୫ ସାମା ଜୀସୁ ଏନି ହାଡ଼ା ଜଲ୍ଲାଆତେସି, ଏଚେଟିଏ ପିଲାତ କାବା ଆଡେସି □

ଜୀସୁ ହାନି ତଣ୍ଡ

(ମାତି ୨୭:୧୫-୨୬; ଲୁକ ୨୩:୧୩-୨୫; ଜହ ୧୮:୩୯; ୧୯:୧୭)

୬ ସାମା ପାର୍ବୁ ବେଲାତା ଲକୁ ଆମିନି କାୟିଦି ଗାଟାଣାଇଁ ରାସିମାଚେରି, ଏଞ୍ଜାଣାଇଁ ପିଲାତ ଏଞ୍ଜାରି ତାକି ପିସିମାଚେସି □

୭ ଆମିନି ଗଡ଼ହା ଗାଟାରି ଗଡ଼ହା ବେଲାତା ଲକୁଣି ପାୟାମାଚେରି, ଏଞ୍ଜାରିତଲେ ବାରବା ଦରୁଗାଟାସି କାୟିଦିତା ମାଚେସି □

୮ ଏଦାଆଁତାକି ତାନି ମେରା ଲେହେଁ କିହାଲି ପିଲାତଇଁ ବାଡିମାଲିତେରି □

୯ ଏମ୍ପାଟିଏ ପିଲାତ ଏଞ୍ଜାରାଇଁ ଏଲେଇଚେସି, “ମୀରୁ ଏନାଆଁ ଅଣ୍ପିମାଞ୍ଜେରି ? ନୀନୁ ମିଙ୍ଗେତାକି ଜୀହୁଦି ଲକୁଡି ରାଜାଇଁ ପିସାହିୟାଇଁ ?”

୧୦ ଇତିହାସ କାଜା ପୂଜେରାଜା ଏଞ୍ଜାଣାଇଁ ତାହାରା ତଲେ ହେରପାମାଚେରି, ଏଦାଆଁ ଏଞ୍ଜାସି ପୁରେସି □

୧୧ ସାମା ଏଞ୍ଜାସି ଏନିକ୍ ଏଞ୍ଜାରି ତାକି ବାରବାଇଁ ପିହ୍ନେସି, ଏଦାଆଁତାକି କାଜା ପୂଜେରାଜା ଲକୁଣି ଝେସ୍ତେରି □

୧୨ ସାମା ପିଲାତ ଝେଣ୍ଡେ ଏଞ୍ଜାରାଇଁ ଏଲେଇଚେସି, “ଆତିହାସ ଆମ୍ବାଆରାଇଁ ଜୀହୁଦି ଲକୁଡି ରାଜା ଇଞ୍ଜା ମାଞ୍ଜେରି, ଜୀସୁଇଁ ନାନୁ ଏଦାଆଁ କିଇଁ ?”

୧୩ ଲକୁ ବାରେ କାଲୁଝି ଆହାନା ଏଲେଇଚେରି, “ଏଞ୍ଜାଣାଇଁ ପାସି ଏକଦୁ □”

୧୪ ଏମ୍ବାଟିଏ ପିଲାତ ଏଞ୍ଜାରାଇଁ ଝେଚେସି, “ଏଦାଆଁତାକି ଏଞ୍ଜାସି ଏନି ଦହ୍ କିହାମାନେସି ?”

ସାମା ଏଞ୍ଜାରି ଗାତି କାଲୁଝି ଆହାନା ଏଲେଇଚେରି, “ଏଞ୍ଜାଣାଇଁ ପାସି ଏକଦୁ □”

୧୫ ଏଚେଟିଏ ପିଲାତ ଲକୁଣି ରାହାଁ କିହାଲି ମନ କିହାନା ଏଞ୍ଜାରି ତାକି ବାରବାଇଁ ପିସ୍ତେସି, ଇଞ୍ଜା ଜୀସୁଇଁ ସାଟ୍‌ଣି ତଲେ ଝେପି କିହାନା ପାସି ମୁଣ୍ଡାତା ଏକହାଲି ହେରପିଚେସି □

**କସ୍କା ଜୀସୁଇଁ ନିନ୍ଦାକିହାଁ କାକ୍‌ନାୟି**

(ମାତି ୨୭:୨୭-୩୧; ଜହ୍ ୧୯:୨-୩)

୧୬ ଏମ୍ବାଟିଏ କସ୍କା ଜୀସୁଇଁ ଆଂଗେଣିଟି ମେଡା ଇଲୁ ବିତ୍ରା ଅହାନା ବାରେ କସ୍କାଣି ହାଟାନା ରୁଣ୍ଡା କିଚେରି □

୧୭ ଏଞ୍ଜାରି ଏଞ୍ଜାଣାଇଁ ହେୟାଁ ଖାଣା ହିମ୍ବୁରି ହୁଟିକିଚେରି ଇଞ୍ଜା ହାପ୍‌କା ଚପେରି ଆଲାନା ଏଞ୍ଜାଣି ତାୟଁ ତୁା ତୁରଝି କିଚେରି;

୧୮ ଅଡେ “ଏ ଜୀହୁଦି ଲକୁଡି ରାଜା ଜହରା” ଇଞ୍ଜା ଏଞ୍ଜାଣାଇଁ ନିନ୍ଦାକିଚେରି □

୧୯ ଇଞ୍ଜା ଏଞ୍ଜାରି ର ବାଡ଼ଗା ଆସାନା ଏଞ୍ଜାଣି ତାୟଁ ତୁା ଝେଚେରି ଇଞ୍ଜା ମେଣ୍ଡାକୁତାନା ଜହରା କିଚେରି □

୨୦ ଏଞ୍ଜାରି ଏଞ୍ଜାଣାଇଁ ଲାଜାକିହାଁ କାକ୍‌ହି ତାୟୁ, ଏ ହେୟାଁ ଖାଣାଗାଟି ହିମ୍ବୁରି ହୁକହା ଅହାନା ତାନି ହିମ୍ବୁରି ହୁଟିକିଚେରି □ ଇଞ୍ଜା ଏଞ୍ଜାରି ଏଞ୍ଜାଣାଇଁ ପାସି ମୁଣ୍ଡାତା ଏକହାଲି ପାଙ୍ଗାତା ଅଡେରି □



ଜୀସୁଙ୍କ ପାସି ଏକନାୟି

(ମାତି ୨୭:୩୨-୪୪; ଲୁକ ୨୩:୨୭-୪୩; ଜହ ୧୯:୧୭-୨୭)

୨୧ ✧ ଏଚିବେଲା ଆଲେକଜାଣ୍ଡାର ଇଞ୍ଜା ରୁପତାମି ଆବା ସିମନ ଦରୁଗାଟି ର କୁରିଣିୟ ଲକୁ ନାୟୁଟି ଖାହାନା ଏ ଜିରୁଟି ହାଜିମାଚେସି; ଏଝାରି ଏଝାଣାଇଁ ଜୀସୁତି ପାସିମୁଣ୍ଡା ଡେକାଲି ବାଲାମାତମି କିତେରି □

୨୨ ଇଞ୍ଜା ଏଝାରି ଏଝାଣାଇଁ ଗଲଗତା ଇଚିହୁଁ “ତାୟୁଁ ରୁପିଆଁ” ଇନି ଟାୟୁତା ତାତେରି □

୨୩ ଇଞ୍ଜା ଏଝାରି ଏଝାଣାକି ପୁଲା ଆଣ୍ଡିତି ଅଜୁରି ରାସା ଗସାଲି ହୀତେରି, ସାମା ଏଝାସି ଏଝାଆଁ ଗହୁଆତେସି □

୨୪ ଏଚେଟିଏ ଏଝାରି ଏଝାଣାଇଁ ପାସି ମୁଣ୍ଡାତା ଏକହେରି, ଇଞ୍ଜା ଆମ୍ବାଆସି ଏନାଆଁ ବେଟା ଆନେସି, ଏଦାଆଁ ପାଦି କିହାନା ତାନି ହିମ୍ବୁରିକା ତାମ୍ବୁ ତୁମ୍ବୁ ବାଟି କିହାନା ଅତେରି □

୨୫ ଦିନା ନ ଗଂଟା ବେଲାତା ଏଝାରି ଏଝାଣାଇଁ ପାସି ମୁଣ୍ଡାତା ଏକହେରି □

୨୬ ଇଞ୍ଜା ଏଝାଣିଲାକ ଇଲେଇଞ୍ଜୁଁ ରାସ୍‌କି ଆହାମାଚେ, “ଇଝାସି ଜୀହୁଦି ଲକୁତି ରାଜା □”

୨୭ ଇଞ୍ଜା ଏଝାଣି ଚିଝନିଝାକି ରଅଣାଇଁ ଅଡେ ଟେବୁଝାକି ରଅଣାଇଁ, ଇଲେକିହୁଁ ରୀ ସରକାଣି ଏଝାରି ଏଝାଣିତଲେ ପାସି ମୁଣ୍ଡାତା ଏକହେରି □

୨୮ ଏଚେଟିଏ ଦାମ୍ବୁ ପତିତି କାତା ସାତା ଆଡେ, ଏଝାସି ପାପୁ ଗାଟାରି ତଲେ ଲେକା କିଝିଆଡେସି □\*

୨୯ ✧ ଏ ଜିରୁଟି ହାଜିମାନି ଲକୁ ତାମି ତାର୍କା ଗୁଟକିକିହୁଁ ଏଝାଣାଇଁ ନିନ୍ଦାକିହୁଁ ଏଲେଇଚେରି, “ଆବା, ମାହାପୁରୁ ଇଲୁତି ଡିକନାତି ଇଞ୍ଜା ତାନି ଦିନାଟିଏ ଏଦାଆଁ କେପିନାତି,

୩୦ ପାସି ମୁଣ୍ଡାଟି ରେଟାଝାହାନା ନିଙ୍ଗେ ଗେଲପା କଡାମୁ □”

✧ ୧୫:୨୧ ୧୫:୨୧ ରମି ୧୬:୧୩ \* ୧୫:୨୮ ୧୫:୨୮ ଜିସାୟ ୫୩:୧୨ କତେକା ସାସ୍ତେରିତା ଇ କାତା ରାସ୍‌କି ଆହାହିଲେଏ □ ✧ ୧୫:୨୯ ୧୫:୨୯ ମାର୍ଚ୍ଚ ୧୪:୫୮; ଜହ ୨:୧୯

୩୧ କାଜା ପୂଜେରାଜ୍ୟା ଜିକେଏ ଏଲେକ୍ ମୋରାପୁନାରି ତଲେ ତାମ୍ଭୁ ତାମ୍ଭୁ ଏଞ୍ଜାଣାଇଁ ନିନ୍ଦାକିହିଁ ଏଲେଇଚେରି, “ଏଞ୍ଜାସି ଅର୍ ଲକ୍ଷୁଇଁ ଗେଲ୍ପିତେସି, ସାମା ତାଙ୍ଗେ ଗେଲ୍ପାଲି ଆଡ଼ିହିଲଅସି □

୩୨ ଇସ୍ରାୟେଲତି ରାଜା କ୍ରୀସ୍ତତି ଇଚିହିଁ ଦେବୁଣିଏ ପାସି ମୁଣ୍ଡାଟି ରେଚା ଝାମ୍ଭୁ, ଏନିକ୍ ମାମ୍ଭୁ ଏଦାଆଁ ମେସାନା ନାମାନମି □”

ଇଞ୍ଜା ଆମିନି ଗାଟାରାଇଁ ଜୀସ୍ତୁତଲେ ପାସି ମୁଣ୍ଡାତା ଏକ୍ହା ମାଚେରି, ଏଞ୍ଜାରି ଜିକେଏ ଏଞ୍ଜାଣାଇଁ ନିନ୍ଦାକିଚେରି □

**ଜୀସ୍ତୁ ହାନାୟି**

(ମାତି ୨୭:୪୫-୫୬; ଲୁକ ୨୩:୪୪-୪୯; ଜହ ୧୯:୨୮-୩୦)

୩୩ ବାର ଗଂଟା ବେଲା ଏ ଦେସା ଆନ୍ଦେରି ଆହାନା ତାନି ଗଂଟା ପାତେକା ତ୍ଵୟିତେ □

୩୪ ତାନି ଗଂଟା ବେଲାତା ଜୀସ୍ତୁ କାଜା ହାଡ଼ାତଲେ ହାଟାନା ଏଲେଇଚେସି, “ଏଲହି ଏଲହି ଲାମା ସାବକ୍ତାନି ?” ଇଚିହିଁ “ଏ ନା ମାହାପୁରୁ ଏ ନା ମାହାପୁରୁ ନୀନୁ ନାଙ୍ଗେ ଏନାଆଁତାକି ପିସ୍ତାତି ?”

୩୫ ଇ ହାଡ଼ା ଝେଞ୍ଜାନା ଦାରିତା ନିଚାମାନି ଲକ୍ଷୁ ଆମ୍ବା ଆମ୍ବାଆରି ଏଲେଇଚେରି, “ମେହ୍ତୁ ଏଞ୍ଜାସି ଏଲିୟଇଁ ହାଟି ମାନେସି □”

୩୬ ଇଞ୍ଜା ରଅସି ହଚିହିଁ ହାଜାନା ର ଡ୍ରାଃଆଲି ପୁଲା ଅଙ୍ଗୁରି ରାସାତା ମେଡ଼ହାନା ଏଦାଆଁ ର ବାଡ଼ଗାତା ରୁପାନା ଏଞ୍ଜାଣାକି ଗସାଲି ହାହାନା ଏଲେଇଚେସି, “ହେଶୁ ଏଲିୟ ଇଞ୍ଜାଣାଇଁ ଗେଲ୍ପାଲି ଝାହ୍ମାନେସି କି ଆଏ ସିନିକନ □”

୩୭ ସାମା ଜୀସ୍ତୁ କାଜା ଗିୟାତଲେ ଜଲାନା ହାଚେସି □

୩୮ ଇଞ୍ଜା ମାହାପୁରୁ ଇଲୁତା ଲେଟାମାନି ହିମ୍ବରି ଲାକଟିଏ ତ୍ଵଇ ପାତେକା ଗେଞ୍ଜାନା ରୀ ବାଟା ଆଡ଼େ □

୩୯ ଏଞ୍ଜାଣି ନକିତା ନିଚାମାନି ପାସାକଡ଼ି କସକା ମୁହେଁ କାଜାସି ଏଞ୍ଜାଣି ଇଲେତି ହାଡ଼ାଣି ମେସାନା ଏଲେଇଚେସି, “ସାତେଏ, ଇଞ୍ଜାସି ମାହାପୁରୁତି ମୀର୍ଏସି ମାଚେସି □”

୪୦ ☆ଏଚେକା ଇୟସିକା ଜିକେଏ ହେକଟି ସିନିକିହିମାରୁ; ଏଞ୍ଜାସିକା ବିତ୍ରାଟି ମଗ୍ଦଲିନି ମରିୟମ, ଉଣା ଜାକୁବ ଇଞ୍ଜା ଜସିତି ଇୟା ମରିୟମ, ଅଡ଼େ ସାଲମି ମାରୁ;

☆ ୧୫:୪୦ ୧୫:୪୦ ଲୁକ ୮:୨,୩

୪୧ ଏଞ୍ଜାସି ଗାଲିଲିତା ମାତାଟି ଏଞ୍ଜି ଏଞ୍ଜାଣି ଜେତ ହାଜାନା ଏଞ୍ଜାଣି ସେବା କିହିମାତୁ; ଏଞ୍ଜାସିକା ତଲେ ଜିରୁସାଲମତା ଖାହାମାନି ହାରେକା ଇୟାସିକା ସିନକିହିମାତୁ □

ଜୀସୁଇଁ ମାହ୍‌ଣି ମାଣ୍ଡାତା ମୁହ୍‌ନାୟି

(ମାତି ୨୭:୫୭-୬୧; ଲୁକ ୨୩:୫୦-୫୬; ଜହ ୧୯:୩୮-୪୨)

୪୨ ଖେଡ଼ା ହାଜିମାତାଟି, ଏ ଦିନା ତିୟାରା ଆନି ଦିନା ଇଟିହିଁ ଜନିନି ଦିନାତି ନକିତି ଦିନା ମାତାକି,

୪୩ ହାରାମାତିୟାତି ଜସେପ ଦରୁଗାଟି କାଜା ବେରଣିମାଣ୍ଡାତି ମାନ୍ନିଗାଟାସି ମାରେସି, ଇଞ୍ଜା ଆମିନିଗାଟାସି ତାନୁଏ ମାହାପୁରୁତି ରାଜି କାଟିମାରେସି, ଏଞ୍ଜାସି ସାସାତଲେ ପିଲାତ ତାଣା ହାଜାନା ଜୀସୁତି ଆଜ୍ଞା ରୀସ୍ତେସି □

୪୪ ସାମା ଏଞ୍ଜାସି ହାଡେସିଏ ଇ କାତା ପିଲାତ ଖେଞ୍ଜାନା କାବା ଆଡେସି, ଇଞ୍ଜା ପାସାକଡ଼ି କସ୍‌କା ମୁହେଁ କାଜାଣାଇଁ ତାଗେ ହାଟାନା ଖେରେସି, “ଏଞ୍ଜାସି ହାହାନା ହାରେକା ବେଲା ଆଡେୟିଏ ?”

୪୫ ପାସାକଡ଼ି କସ୍‌କା ମୁହେଁ କାଜାଣି ତାଣାଟି ଏ କାତା ପୁଞ୍ଜାନା ଆଜ୍ଞାତି ଅହାଲି ଜସେପଇଁ ହେଲ ହାଡେସି □

୪୬ ଏଞ୍ଜାସି ର ପାତାଡ଼ା ହିମ୍ବରି କତାନା ଏଞ୍ଜାଣାଇଁ ରେପହା ତାଗାନା ଏ ହିମ୍ବରି ରୁପିଡେସି ଇଞ୍ଜା ହରୁତା କାରହାମାନି ମାଡ଼ହା ମୁହ୍‌ନି ଟାୟୁତା ଏଞ୍ଜାଣାଇଁ ଇଗାନା ଦୁଖେରିତା ର କାଜା ଖାଲି ଉସି କିଡେରି □

୪୭ ଏଞ୍ଜାଣାଇଁ ଆମିନି ଟାୟୁତା ଇଚ୍‌କି ଆହାମାନେ, ଏଦାଆଁ ମଗ୍‌ଦଲିନି ମରିୟମ ଇଞ୍ଜା ଜସି ତାମି ଇୟା ମରିୟମ ମେସାମାତୁ □

## ୧୭

ଜୀସୁ ଖେଣ୍ଡେ ନିଜିନାୟି

(ମାତି ୨୮:୧-୮; ଲୁକ ୨୪:୧-୧୨; ଜହ ୨୦:୧-୧୦)

୧ ଜନିନି ଦିନା ରାୟାଲିଏ ମଗ୍‌ଦଲିନି ମରିୟମ, ଜାକୁବ ତାମି ଇୟା ମରିୟମ, ଇଞ୍ଜା ସାଲମି ଗାନ୍ଦାଗାଟି ନିୟୁଁ କଡିତୁ, ଏନିକଁ ଏଞ୍ଜି ହାଜାନା ଜୀସୁ ଆଜ୍ଞାତା ରୁବାଲି ଆଡ଼ିନୁ □

୨ ଏଢ଼ି ଖାରାତି ମୂଲୁ ଦିନା ଲାଈ ଝେଡ଼ା ହନ୍ଦି ବେଲାତା ମାହଣି ମାଣ୍ଡାତା ହାରୁ □

୩ ଏଢ଼ି ତାମ୍ବୁ ତାମ୍ବୁ ଝେସ୍ପି ଆହିମାରୁ, “ଆମ୍ବାଆସି ମାଙ୍ଗେତାକି ମାହଣି ମାଣ୍ଡା ଦୁଝେରିତି ଖାଲି ଉସିକିହା ହିୟାନେସି?” ଏନାଆଁତାକି ଇଚିହିଁ ଏ ଖାଲି ହାରେକା କାଜାୟି ମାତେ □

୪ ସାମା ଏଢ଼ି ଏମ୍ବାଆଁ ସିନିକିନି ବେଲାତା, ଖାଲି ଉସିକିଢ଼ି ଆହାମାତେ □

୫ ଏଢ଼ି ମାହଣି ମାଣ୍ଡାତା ହଡ଼ାନା ଦବଲା ହିମ୍ବୁରି ହୁଚାମାନି ର ଦାଂଗଣେଏଣାଈଁ ଚିଃନିଖାକି କୁଗାମାନାଣି ମେସାନା ହାରେକା କାବାଆତୁ □

୬ ଏମ୍ବାଟିଏ ଏଝାସି ଏଝାସିକାଣି ଏଲେଇରେସି, “ଆଜାଆଦୁ; ମୀରୁ ପାସି ମୁଣ୍ଡାତା ହାହାମାନି ନାଜରିତ ଜୀସୁଈଁ ପାରିମାଞ୍ଜେରି; ଏଝାସି ନିଙ୍ଗାମାନେସି, ଏଝାସି ଇମ୍ବାଆଁ ହିଲଅସି, ମେହ୍ଦୁ ଇମ୍ବାଆଁ ଏଝାଣାଈଁ ଇଟାମାଚେରି □

୭ ✨ସାମା ମୀରୁ ହାଜାନା ତାମି ସୀସୁୟାଁ ଇଞ୍ଜା ପିତରଇଁ ଝେହ୍ଦୁ, ଏଝାସି ମୀ ନକି ନକିତା ଗାଲିଲିତା ହାଜିମାନେସି; ଏଝାସି ମିଙ୍ଗେ ଏନିକିଁ ଝେସାମାଞ୍ଜାତେସି, ଏଲେକିହିଁ ଏ ମୀରୁ ଏଝାଣାଈଁ ଏମ୍ବାଆଁ ମେହ୍ଦେରି □”

୮ ଏମ୍ବାଟିଏ ଏଢ଼ି ମାହଣି ମାଣ୍ଡାଟି ହଟୁ, ଇଚିହିଁ ଏଢ଼ି କାବା ଆହାନା ଆଜିତାକି ତୀରଗିମାରୁ, ଇଞ୍ଜା ଆମ୍ବାଆରାଈଁ ଏନାଆଁ ଝେହ୍ଆତୁ\* □

**ଜୀସୁ ମଗ୍ଦଲିନି ମରିୟମଈଁ ତଞ୍ଜା ଆନାୟି**

(ମାତି ୨୮:୯-୧୦; ଜହ ୨୦:୧୧-୧୮)

୯ ଖାରାତି ମୂଲୁତି ଦିନା ଲାଈସିଏ ଏଝାସି ଝେଣ୍ଡେ ନିଙ୍ଗାନା, ଆମିନିଗାଟାଣି ସାଡ଼ାଗଟା ବୁଡୁୟାଁ ପିସ୍ପି କିହାମାଚେସି, ଏ ମଗ୍ଦଲିନି ମରିୟମନି ତଲିଏ ତଞ୍ଜାଆଚେସି □

---

✨ ୧୭:୨ ୧୭:୨ ମାତି ୨୭:୩୨; ମାର୍ଚ୍ଚ ୧୪:୨୮ \* ୧୭:୮ ୧୭:୮ ଏଢ଼ି ପିତର ତଲେ ମାଚି ବାରେ ଲକୁଡ଼ାଣା ଏ କାତା ଝେସ୍ପୁ □ ୧୭:୨୦ ଇଦାଆଁ ତାୟୁ, ଜୀସୁ ତାନ୍ଦୁଏ ଜିକେଏ ଏଝାସିକା ତଲେ ସୁଦୁ ଅଡ଼େ କାଲକାଲାତି ଗେଲ୍ପି ଆନାଣି ଝେକ୍‌ହାଲି ତାକି ଝେଡ଼ା ହପୁ ଖାକିଟି ଝେଡ଼ା ହାନି ଖାକି ପାଣ୍ଡିତେସି □

୧୦ ଏହି ହାଜାନା ଆମିନି ଗାଗାରି ତାମିତଲେ ମାଚେରି, ଏଝାରାଇଁ  
ଝେସ୍ତେ; ଇଚିହିଁ ଏଝାରି ଦୁକୁଚି ଡାହି ମାଚେରି □

୧୧ ଜୀସୁ ନୀତାମାନେସି, ଇଞ୍ଜା ଏଦାନି ତଞ୍ଜା ଆହାମାନେସି,  
ଇଦାଆଁ ଝେଞ୍ଜାନା ଏଝାରି ନାମାଆତେରି □

ଜୀସୁ ରୀ ସୀସୁୟାଣି ତଞ୍ଜା ଆନାୟି  
(ଲୁକ ୨୪:୧୩-୩୫)

୧୨ ଏଚେଟିଏ ଇ ବାରେ ଆଡି ତାୟୁ ଏଝାରି ବିତ୍ରାଟି ରୀ ସୀସୁୟାଁ  
ର ନାୟୁତା ହାଜିମାଗାଟି ଏଝାସି ଅର ଝାଣା ତଲେ ଏଝାରାଇଁ  
ତଞ୍ଜାଆତେସି,

୧୩ ଇଞ୍ଜା ଏଝାରି ହାଜାନା ଏଟକା ତାରାଇଁ ଝେସ୍ତେରି; ସାମା ଏଝାରି  
କାତା ଜିକେଏ ଏଝାରି ନାମାଆତେରି □

ଜୀସୁ ଏଗାର ଜାଣା ସୀସୁୟାଁ ତଞ୍ଜା ଆନାୟି

(ମାତି ୨୮:୧୭-୨୦; ଲୁକ ୨୪:୩୭-୪୯; ଜହ ୨୦:୧୯-୨୩; କାମା  
୧:୭-୮)

୧୪ ଏମ୍ବାଟିଏ ଏଗାର ଜାଣା ସୀସୁୟାଁ ତିଞ୍ଜାଲି କୁଗାମାଗାଟି ଜୀସୁ  
ଏଝାରାଇଁ ତଞ୍ଜାଆତେସି ଇଞ୍ଜା ଏଝାରି ନାମିହିଲିଆତାକି ଇଞ୍ଜା  
ହିୟାଟି ଆଟଝାତାକି ଏଝାରାଇଁ ଦାକା ହାତେସି, ଇଚିହିଁ ଆମିନି  
ଗାଗାରି ଏଝାଣି ଝେଶ୍ତେ ନିଜିତାଣି ମେସାମାଚେରି, ଏଝାରି କାତା  
ଏଝାରି ନାମା ହିଲିଆତେରି □

୧୫ ଇଞ୍ଜା ଜୀସୁ ଏଝାରାଇଁ ଏଲେଇଚେସି, “ମୀରୁ ବାରେ ଦାରଡିତା  
ହାଜାନା ବାରେ କୁଡାତି ଲକୁତାଣା ନେହିଁ କାରୁ ଝେହ୍ତୁ □

୧୬ ଆମ୍ବାଆସି ନାମାନା ବାପ୍ତିସ୍ମା† ଅନେସି ଏଝାସି ଗେଲପି ଆନେସି;  
ସାମା ଆମ୍ବାଆସି ନାମଅସି ଏଝାସି ଡଣ୍ଡ ବେଟାଆନେସି □

୧୭ ଇଞ୍ଜା ନାମିନାରାକି ଇ ସିନାୟାଁ ଆନୁ, ଏଝାରି ନା ଦରୁତଲେ  
ବୁତୁୟାଁ ପିସପି କିନେରି, ପୁଝନି ପୁଝନି ହାଡାତଲେ ଜଲିନେରି,

୧୮ କେସ୍ମାତଲେ ରାସ୍ତକା ଆହନେରି, ଇଞ୍ଜା ହାନି ଅସ ଗସ୍ତୁହିଁ  
ଜିକେଏ ଏଝାରି ଏନାଆଁ ଆଅରି; ଏଝାରି ନଟେରି ଦୁକା ଗାଗାରି ଲାକ  
କେୟୁ ଇଚିତିହିଁ ଏଝାରି ନେହିଁ ଆନେରି □”

† ୧୭:୧୭ ୧୭:୧୭ ମୁଞ୍ଜନାୟି

ଜୀସୁ ଲାକପୁରୁ ଅଢ଼ିଆନାୟି

(ଲୁକ ୨୪:୫୦-୫୩; କାମା ୧:୯-୧୧)

<sup>୧୯</sup> ☆ଇଲେକିହିଁ ଏଞ୍ଜରାଉଁ ବାରେ କାତା ଖେସ୍ତି ତାୟୁ ଜୀସୁ  
ଲାକପୁରୁ ଅଢ଼ିଆନାୟା ମାହାପୁରୁତି ଚିଃନିଖାକି କୁରିତେସି □

<sup>୨୦</sup> ସାମା ଏଞ୍ଜାରି ହାଜାନା ବାରେଖାକି କାରୁ ଖେସ୍ତିରି, ଇଞ୍ଜା  
ପ୍ରବୁ ଜୀସୁ ଏଞ୍ଜାରିତଲେ କାମା କିହାନା ତାନି ବାରେ ସିନାୟା ତଲେ  
ଏଞ୍ଜାରି ଖେକ୍‌ହାମାନାଣି ସାତା ଇଞ୍ଜା ତସ୍ତେସି □

**ପୁସ୍ତକ ଶିକ୍ଷା**

**The New Testament the Kusaal language (Ghana)**

copyright © 1996 Wycliffe Bible Translators, Inc.

Language: Kusaal (Kuvi)

Contributor: Wycliffe Bible Translators, Inc.

**ପୁସ୍ତକ ଶିକ୍ଷା,**

**କୁସାଲ ପୁସ୍ତକ ଶିକ୍ଷା, 2020**

The New Testament in Kuvi Language

The Word for the World International

All rights reserved.

2025-05-08

---

PDF generated using Haiola and XeLaTeX on 8 May 2025 from source files

dated 8 May 2025

c688c8bf-38ac-5c00-90bd-6e4eaa165a20